

世
世
世

陸川縣志卷首

序文

凡例

卷之一

輿圖

卷之二

星野

附氣候

祥祥

卷之三

沿革

卷之四

疆域

附街市

鄉堡

路程

卷之五

山川

附岩洞

井泉

溝洫

卷之六

建置

城池考
關廠

解署

壇廟

寺觀

橋樑

亭閣

古蹟

坊墓

卷之七

學校

學校考
廟壇典制始末
廊飲酒禮
附學租

丁祭條約

文廟禮節

題贊

碑諭

卷之八

典禮

卷之九



賦役

卷之十

儲課

倉儲 鹽課

卷之十一

兵刑

附狼目

卷之十二

風俗

節序 物產 山人 狼人

卷之十三

秩宦

附名宦 宦蹟

卷之十四

選舉

進士 舉人 貢生 武庠 捐職 捐貢 封贈

卷之十五

人物

鄉賢 孝行 勛德 義勇 鄉評 鄉飲 優行 耆壽

卷之十六

節烈

卷之十七

藝文

記 序 傳

卷之十八

藝文

詩 賦

陸川縣舊志序

謝錫侯

僕古燕之鄙人也嘗訪學秦楚聞見華岱九嶷之雄閱黃河洞庭之險巍巍浩浩著乎兩間嗟彼山河其乾坤留此以志不朽與因思古人之德業文章宏勳偉烈誠託史以傳之亦即巍巍浩浩著乎兩間不朽之山河也甲辰春僕膺 寵命領嚴訓來宰此邦戴星而出者還戴星而入非逸事不敢有所要庸以抒夙昔耳未幾索所謂志從來吏攜手錄者數十頁蠹魚且飽其半矣陸雖小邑亦宜圖於版章垂有明三百年 興朝將百載將而志之一書無憑考求倘當時之未遑問焉耳奈之何哉爰詔邦之良士輯其散亡或旁求或昭著僉集其概重以典確有關世道人心者復為數冊雖不敢謂全豹畢陳亦既得見窺見一斑聖人曰十室之邑必有忠信又曰採風謀野不遺下里是役也閱兩載許矣向非勤而羅致將此地不同朱張湮沒而僅以名存也幾希請誌之謂誇既往以伐將來吁鄙人不忍為此態也雍正五年丁未夏五月

重修陸川縣志序

陸川之為縣山則天馬鳳凰文龍綵袍東震奎嶺之高且奇水則有烏龍妙垌崑崙六冷火甲伏波之深且長土腴可耕民樸可教景幽氣淑可遊可歌介兩粵高鬱二郡之間左北右白面化枕石地踰方百里雖未可云通都大邑若以置齊晉吳楚則亦輿區善國也隋始立邑旋省唐復置迄宋元明不改不陸於

皇朝總古今隸屬凡幾易交越容梧鬱陸之四封如故蓋粵縣得名自古者矣縣古則事積事積則籍多緬千餘年中地脉盛衰人為得失繩貫絲聯可也觀指知歸可也顧竟不盡然豈非積而隨佚事曷稽多而無統籍皆去乎夫朝家載籍如元和郡國大平寰宇元豐九域寰宇通志諸書非不周徧浩博然繪荒服一隅於王會之圖形不得不渺紀不得不畧且其行遠而傳久勢不得不難今之志郡邑者所據以立幹惟行省通志而已揆通志之始必下郡邑履徵故職詳而上之舉要而書之方其上也居然有郡邑志焉合眾志為一志範鑄精簡通志之體也奈何即曩時所上既經範鑄者復依約敷衍散一志為眾志有是體乎是其病也由履常之不預臨文之不暇傳舍

視官濠廬視地胥鈔視志乘期會視纂輯雖歲增月新無當於紀實垂後矧以為緩而置之哉我

朝鼎建百年以來今陸數十輩有志創述者前惟方後惟謝僅有崖畧未見成書乙亥冬石侯近野攝陸篆慨然以復古新化修廢舉墜為心所行必規其要所志必觀其成修志特一事而尋繁領雜務信棄奇繁綱領明義例秉筆荷擔半載就厥緒而石侯以賢能移繁泉矣猶亟亟以開雕為已任前無需後無諉何政之不成然非私厚於陸也石侯余年家丈人行今秦中十稔屢當大邑一以此心成政陸之志適有藉焉夫邑立於千年以前志創於千年以後嗚呼非偶然也予故畧溯緣始而樂為之序繼石侯者同里張侯可亭予弟右榭

同年生也通洽英敏實成石侯之願者云

乾隆二十一年秋八月乙巳日

賜進士出身朝議大夫提督廣西學政翰林院編修加五級南海許道基序

重修陸川縣志序

陸川為鬱屬故巖邑也其舊志殘燬已無可考今所存者惟前令謝君數帖而已乙亥冬西蜀石君來攝是篆邑石君名孝廉居官有聲甫下車地方諸務一切次第舉行縣志其一也夫志之雖作也其所載者固不出乎一邑之中而其義例體裁雅而義例明固已斐然可觀矣方且勒成一書登諸梨棗深喜用志之精勤而赴功之迅速也

於志之成樂得為之序

乾隆二十一年歲次丙子

賜進士出身奉直大夫知廣西直隸鬱林州事前工部營繕清吏司主事俞成序

重修陸川縣志序

國家定制疆域為都為省以至郡邑又各籍其境內山川風物文獻科條諸所因革使輯為一書命之曰志所從來久矣夫郡邑之志即古列國之史也體國經野觀風範俗稽古實於當年回醜風於還古其關於治術亦綦重矣我

國家加意右文既集儒臣纂修實錄以成信史復

勅外省郡邑修輯志搜括遺賢蓋欲使遐陬僻壤無遠弗届可按籍而考披圖而悉以崇車書一統之大觀也乙亥冬崇先攝篆陸川洵所謂縣志舊板已燬僅得謝重修抄本殘闕無稽爰集紳士大夫計為重輯眾歡躍從事第崇先以簿書未吏愧乏三長敢以管窺之見肩筆削之任乎但既撫其疆域而不辨其廣袤治其人民而不知其風俗亦重負

朝廷簡任之意與各憲期望之心爰偕邑文學輩廣為搜採疑者闕之信者傳之稟請州憲俞公總裁參酌考訂潤色成此編仰副聖天子考古究今纖悉無遺之盛意云爾是為序

乾隆二十一年丙子夏仲署廣西直隸鬱林州陸川縣事潯州府貴縣知縣西蜀石崇先撰

凡例

一舊志自康熙五年方公鼎始編志畧而考核未詳發梓迨雍正五年謝公錫侯梧州府誌證之粗有端緒亦簡畧越今三十年凡前所未編後所應補者採之紳士里老一一載入

一是志列綱十八每綱小序弁其首以撮其要而綱目以類相從庶綱舉目張使閱者一目了然

一星野氣候各說互異而玉林州四屬相同今準以州志並廣西通志相較以取畫一

一沿革置前志多有舛錯今核之省志以及通志訛者正之

一官紳臧否難逃輿論志中有褒無貶竊附善善從長之意至現任與生存者總有德政功業概俟後來此時例不得書

一節烈已經奉 旌者註明年分列之於前其已合例而未奉旌者附之於後以示風勵

一選舉志內援例一途監生多不勝書惟捐貢捐職載入且錄優行以端士品列耆壽以重引年

一藝文舊志所載俱經前輩參酌概不敢棄至新增者不惟名顯文工惟其闕政事風化與夫山川形勝之篇錄之餘不載

陸川縣志卷之一

輿圖

古者相地制邑度地居民蓋隨土宇廣狹而分郡邑也陸川雖提封百里秦漢後已列版圖歷隋唐宋元明或分或合割隸不常其山川城廓衙署營汛以及壇廟里圖固可按籍而稽也繪之簡端一展卷間瞭如指掌已推而大之不出戶庭而知天下其在茲夫

石湖晴雪

石湖山在城西三十里沙湖堡一名石袍山高百餘丈巉岩峭壁上有一池澄靜而深雨後山色晶瑩望之如積雪

皓雪者天地之英華秀石者山川之精萃色不相蒙也卓哉石湖峻增突兀玉峯皎皎迥失紅塵高崖一泉歲時不竭是英華所萃精萃所鍾也當密雲遠布紫電交馳玉龍盤踞萬甲齊批已而日暖風和西山之積未消天山之園復合下之視上皎若鵝鵲夜驚奇花六出亦未知上之視下將作如許觀也夫絕壁幽崖不為人跡所遊必為仙蹤所寄呼吸烟霞之間獨擅石湖之勝可望而不可攀者豈烹石高風至今未艾與

陸川縣志卷之二

星野

周禮九州皆有分星而象緯之書掌大史所以敬天勤民藉占驗以定氣候以觀機祥由來遠矣粵西僻處南服陸又粵之邊徼兩粵之交有吳越荆楚之分牛女翼軫之辨歷代言分野者其說互異唐僧一行因李淳風說粵西界地抵楚者屬鷓尾實翼軫合之一統志其星翼軫鷓尾之次說始有定志

星野

按舊志陸川向隸梧州並鬱林各郡邑屬荆州之域牛女分野漢司馬遷班固宋范蔚宗咸謂牛女為吳越分野翼軫為荆楚分野陸川隸梧州屬荆楚州之域則牛女之說不合唐書地理志以為鷓尾分野又唐僧一行用李淳風之說謂廣韻封梧藤羅雷珠崖自北以東為星紀桂鬱富昭容白羅以西為鷓尾之分野粵西界北抵楚者屬鷓尾實翼軫分野前志之謬可知矣

按廣西通志云分野之說言人人殊惟一行禪師與李淳風其說甚明且所謂專門名家者疑非臆說也 按廣西通志又云鬱林軫宿十一度

氣候

陸隸於鬱氣候五屬相類春夏多雨冬寒無雪一日之內氣候屢遷一歲之間暑熱過半陽燠洩故四季常花陰濕盛故晨夕嵐霧諺曰

四時皆似夏一雨便成秋

正月柳懷胎茶芽折荔枝吐花土膏瘦農人治耕具

二月草木青蘆葉茂春分播早種竹笋盛寒蟬鳴元鳥至

三月楊梅熟着單衣農人種羌芋杜鵑啼

四月桃李盛早稻秀播晚種初暑大雨時若

五月荔枝熟早稻定芟荷茂霖雨時行

六月準暑行早稻登場插晚禾農事忙

七月龍眼熟黃花菜茂暑氣逼人諺云秋爭熱

八月元鳥去暑氣未除八白禾熟梨栗熟

九月籬菊黃朝夕薄霧晚稻始獲鴻雁來芟荷盡退

十月單衣間着柑紅橘黃芥菜盛農事畢

十一月薄霜晴則暖陰則寒木落草枯寒無雪桃李間開農人犁霜田

十二月桃李盛開雨多則竹笋萌芽寒極則水面凝薄冰

機祥

明嘉靖四十年冬十月十六日公署失火民居燒燬幾盡

萬曆三十三年夏五月辛丑地震三次城垣並民房崩塌壓死數十人

清康熙二十一年夏大風殺禾無收穀價騰貴饑殍載道又遭瘟疫

四時蕭條

康熙五十一年冬風雪殺晚稻僅收一分次年米斗米價值七錢民

採蕨與茹菘充饑死者無數知府李世孝自桂林運米平糶民賴

存活

康熙五十二年瘟疫盛行

康熙五十三年野田獲穗石米價值僅四錢

康熙五十八年雨雹有如斗者壞民居舍山中禽鳥壓死無數

雍正元年二朝歲大稔石米市斗六錢

雍正五年冬十一月民居失火延燒幾盡衙署案牘燬燼無存

乾隆二年夏五月大雨

乾隆九年歲稔石米市斗價值八錢

乾隆十五年七月大水壞民舍

乾隆十九年四月大水損禾田

乾隆二十二年冬稻欠收次年夏穀價騰湧斗米值五錢

乾隆二十五年歲大稔

陸川縣志卷之三

沿革

周禮以保章辨地域職方遠近節道路列爵分土各有定治自秦罷封建署侯置守沿革紛如考古之士或因版籍而尋其措置之由錄其巔末俾覽者知殊名別隸之次云志沿革

沿革考

陸川古百地越自五嶺以南總名南越

秦定南越置三郡南海桂林象郡以陸地屬象郡

漢文帝討趙佗相蒙嘉平南越分秦所建三郡置蒼梧合浦鬱林九真交址等郡以陸地屬合浦郡

東漢平定諸蠻治城廓置井邑復稱合浦如故屬交州
後漢為吳

晉平吳屬交州

宋改屬越州

齊梁陳因之

隋析置陸川縣仍屬越州大業初省入勾漏縣

唐武德五年復置陸川縣屬南峇州貞觀初屬潘八年屬容州

五代時馬殷僭號楚縣屬楚後劉晟盡有東南之地號南漢縣屬南漢
宋開寶五年復名陸川廢順禹二州以所領龍化溫水南河龍象省
入移治合平隸容州未幾改為合平溫化間復名陸川徙治溫水仍

隸容州元因之統屬梧州路

明洪武十年改容州為縣遂以陸川隸梧州府

清朝因之雍正三年巡撫李紱題改鬱林州為直隸州陸川屬焉

陸川縣志卷之四

疆域

古者分封賜履各守其疆今舟車所至人力所通莫不凜一統之盛治又何沾沾界域云哉然分郡置邑各有曹司疆域明則相友相助四境晏如陸川西接博白南隣化石東距北流北界鬱林畫境而著程始無相越云爾志疆域

疆域

東西距九十五里 南北距一百七十里 正東至榕江堡四賀徑止接北流界四十五里 正南至清湖下堡北當鋪止接廣東石城縣界一百里 正西至沙湖堡蔣村止接博白界五十里 正北至有龍堡燕表村止接鬱林州界七十里東南至順安堡依陽甲止接廣東化州界六十里西南至吹塘堡雞籠山止接博白縣界八十里東北至中塘堡山根田止接北流縣界七十里西北至有龍堡榕木鋪止接玉林州界五十里 徧戶一十五里

街市

北關 南關 十字街城內上街城北燒香街城北橫街城北縣前南街城南興賢街城南北墟鋪城北一里 分水鋪城北十里山心鋪城北十里七里六平鋪城^東北三十五里蓮井鋪城北六十里燕表鋪城北七十里華山鋪城東北三十五里石灰窰鋪城東北四十五里大石堆鋪城東南五十里雞腎坡鋪城東南十里風門鋪城南二十里

水車鋪城南三十里 龍化江鋪城南五十里 北當鋪城南一百二十里
 學前墟縣署後南墟縣前烏石上下墟城南四十里 有牛墟加亭墟城
 南一百里內置分轄存巡檢司署清湖墟城南一百二十里界連化州
 有牛墟三六九日期大橋墟城西南二十里灘面墟城南六十里二五八日集
 平樂墟城東北六十里子午卯酉日期沙坡墟城東四十里馬坡墟城北
 五十里辰戌丑未日期米場墟城北二十里寅申巳亥日集良田墟城南七十
 里一四七日集

鄉堡

附郭鄉三圖

南河鄉三圖

龍化鄉三圖

南北鄉四圖

溫水鄉一圖

龍豪鄉一圖

朗垌堡城東北三十里

中塘堡城東北五十里

榕江堡城東三十里

泗里堡城西北四里至二十里

沙湖堡城西北三十里至五十里

關廂堡附城一里至十里附郭鄉

陸良堡城東二里至十五里

南中堡城北二十里

大襖堡城北六十里

有龍堡城西北三十里至六十里

大垌堡城西南十里至二十里

垌心堡城西南二十里至五十五里龍豪鄉

順安堡城南二十里至三十里

塘域堡城南三十里至四十里

沙井堡城南三十五里至六十里

吹塘堡城南五十里至六十里龍化鄉

新村堡城南六十里至八十五里

清湖上堡城南七十里至一百一十里

清湖下堡城南八十里至一百二十里

路程

縣治至鬱林州九十里北流一百里梧州府四百二十里桂林省城
一千三百一十里廣東肇慶府七百七十里北京八千六百八十里

陸川縣志卷之五

山川

峙而為山流而為川靈秀之氣凝結而都會成焉士生其間必有鍾毓而挺出者矣陸川疊巘嵯峨左右環列支派澄澈南北分流山川之奇豈讓他邑宜其科名人物後先輝映而為山川增價也志山川

山志

掛榜山一名綠袍山城東十里高百餘丈形若列屏與天馬鳳凰東西對峙鄉會年山有紅紫色邑中必有捷者

瀑布山一名東山城東七里與掛榜山相連高百餘丈山半有岩曰妙垌岩求雨以紙茶探岩內石穴有雨則濕乾則無雨岩壁有詩岩下一潭深丈餘秋冬不竭山上有田數十畝流泉灌溉泉匯為一道掛流石壁詳載八景

東震山城東十里喬木蒼鬱層嶂層巒中開一洞天為勝蹟之地最邑人龐穎建摩雲閣其上

文龍山城東二十里高百餘丈峭直如筆為縣龍之祖其下有小溪流繞城東

白羊山城東二十里山多白石如羊四面懸絕上有瀑布下產勾芒木皮可績為布今廢

謝仙山城東三十里八峯羅列頂有一潭鯉魚極大山中多產四時果實世傳謝仙得道於此

筆架山城東五十里九峯聯峙酷肖筆架

金坑山城東十里勝蹟詳八景

黃箭山城東北三十里尖直如箭

登高山城東北四十里其下有泉台迴龍黃箭諸水

路崗山城東北四十里

獅子嶺城東北五十里

后陽山城北半里山勢縱橫縣巨舊建報恩寺元妙觀今廢

分水山城北十里山下一水南流為南流溪一水北流為迴龍溪

六穿山城北十里一石壁立如碑高十餘丈上穿六孔俱大尺許

米場山城北二十里山下有墟

山心山城北三十里四山環繞

六平山城北四十里連亘二十餘里頂高而平上設營汛即蓮塘汛

下有歧路通東北流右通鬱林

右山城北六十里離奇譎怪巉削嶙峋望之駭目惊心

荔枝山城北七十里與鬱林州界

奎嶺城西北四里蒼松盤錯每當月夜風清松濤幽韻塵襟為之盡

滌舊八景曰松嶺松濤此其一也邑人龐穎建書室其中都人士藏

修游息多附青雲之名聚奎之名競相傳美

六邦徑城西北十里逕長二里山勢綿亘

石湖山一名石袍山城西北三十里勝蹟詳八景

簫韶山城西北四十里

卧牛嶺城西北四十里酷似卧牛

鳴石山一名天馬山城西十里山腰一石叩之其聲如鐘詳八景

鳳凰山城西十里狀如鳳凰翔舞山頂有石盤泉出其中

白子嶺城西二十里

雙流山城西南二十里古置龍豪縣

辣里山城西南二十五里高百餘丈遍山多石有穴崎嶇險阻內有

小徑盤曲而上可容數百人

紗帽嶺城西南四十里形如紗帽

應午山城西南五十里詳八景

繁龍山城南六十五里

大挾石城南七十里高百餘丈聯絡博白

黃茅山城西南四十里

三台山城南三里峯列如三台向學宮

老鴉嶺城南十五里形似飛鴉

鷓鴣山城南三十里

兩頭塘山城南三十里山勢綿亘中有逕長三里許為邑咽喉上設

警汎

雙角山一名了髻山城南三十五里

文黎山城南四十里

逍遙山城南五十里高百餘丈上有寨基

石羊山城南五十里與逍遙山相望高聳特立其頂怪石峻增人跡罕到有石竅寬可容數人

晶峯城南五十五里與石羊山相連峯形尖削頂峙一石如筆下有
一白石遠望如水晶

皇殿山城南五十五里高百餘丈

泰嶺城南五十五里高數十丈山列如屏

那業山城南五十五里兩山並峙形如覆釜

青甘山城南五十五里

伏波山城南六十里山臨伏波難旁有伏波廟上設營汛

高山嶺城南九十里高百餘丈山勢連亘

花嶮嶺城南八十里高數十丈路通化州為邑咽喉上設營汛

高平山城南八十里山頂平坦有田數畝一潭寬廣數丈深不可測

潭內菩薩魚大可盈掌以石投之魚即浮上

雷嶺城南九十里連亘三十餘里

登樓山城南一百二十里山右水流陸川左流化州其麓即登村故

一名曰登山村

雞籠山城南七十里綿亘險阻界博白山半一逕可通

飛雲山城南二十里高百餘丈

佛子山城南二十里高百餘丈山形峻削一逕崎嶇曲折通月垌甲

月洞山城東南四十里四面皆高山峻嶺一水南流入水車江
鹿啼山城南十五里山高百餘丈連亘起伏回曲環繞中開田一洞

天有田數十頃

大這山城東南三十里崎嶇高峻路通化州

川志

妙垌水城東七里源發瀑布山西流經三台山至溫泉合南流江

陸良水城東十里源發東震山合文龍江

文龍江城東十五里源發文龍山北行逕陸陳村而折西南合陸良

水流繞城東

崑崙水城東三十里源發謝仙山合六潭水流入北流縣界

六潭水城東四十里源發陸選山

泗水城西北四里源發鳴石山會烏龍江流經城南至溫泉合南流江

烏龍江城北五里源發陸邦逕之南

南流江城北十五里源發分水山合陸良水流繞城東邑南以此水

為經派

陸蘇水城北十五里源發陸蘇山合陸邦水入米場江

陸邦水城北十五里源發陸邦徑之北

米場江城北二十里會回龍陸邦諸水至馬坡合平樂江北經玉鬱

州界復南折下廉州入北海縣北以此為經流

同龍江城北十五里源發分水山合陸邦水入米場江

路崗江城西北四十里源發路崗山入米場江

黃箭水城東北三十里源發黃箭山入米場江

登高水城北四十里源發登高嶺合黃箭水

平樂江城東北六十里流至馬坡合米場江

沙流江城西南四十里源發辣里山至雙流山入南流江

蟠龍江城西南四十里源發大挾山至黃茅山合良塘水下雙扼入

南流江

良塘水城西南四十里源發應午山至良塘有大石橫亘水底因而

成灘即响水灘也詳清洫

石羊江城西南五十里源發石羊山西經小溫泉至龍化故城對岸

入南流江

旻王溪城西南五十里源發旻王山會青甘黃溪諸水入南流江

青甘溪城南六十里源發石羊山東邊

黃溪城西南六十里源發陸廉山

金溪城西南六十里一名張富坑源發皇殿山

彭當溪城南六十里源發雞籠山入南流江

在茲溪城西南七十里源發皇殿山流雞籠山出博白縣

雞籠水城西南八十里源發雞籠山流至覃村合南流江

秀石水城南十里源發掛榜山

痾心江城南十五里源發鹿啼山合秀石水至李村入南流江

雙垌水城南二十五里源發飛雲佛子二山流至白土村入南流江
水車江城南三十里源發月垌山合雙垌水

平南水城南三十里源發了髻山至江子口合南流江

龍化江城南五十里源發大這六發諸山合平南水通伏波灘下石

城縣入海

伏波灘城南六十里即縣前南流江下流詳八景

石波水城南八十里源發道遙嶺背大小水至良田合大江南流下石

城縣入海

定埔水城南八十里源發通寶寨流至西嶺合清湖水出化州

石城水城南百里源發丁村流至大嶺合大江下石城縣入海

火甲江城南一百二十里源發石城山經山底村甘禾村龐村火甲村

蔣木嶺合石城縣石角下大江南流入海

沙湖水城西二十里源發由子嶺流入博白縣溪中多砥石

巖洞

天慶巖城東北七十里山勢穹隆有一巖寬數十步後一潭水清如

鏡飲之可解醒

荔枝巖城東北七十里岩在山半壁而立而上僅容一人岩頂一竅

泉流不竭

白鶴巖城東北六十里巖內有水長流

凌雲巖城東北七十里貢生龐駿搆石室讀書於此半山一井泉味

極甘下有池周圍約二里風清月夜從上視下水月交輝一山俱動穿鑿巖城東北七十里四面通透

紅仁巖城東北七十里有一竅而入其內漸平層層而上山頂更平

井泉

溫泉城南一里泉從石竅噴出蒸沸如湯可浴有硫磺氣近石竅丈許其水皆溫八景之一

小溫泉城西南五十里其水常溫秋冬益熱樵夫牧童時挾沙為池而浴愈深愈熱稱曰小溫泉以別城南溫泉也

不明泉城東北十里在東震山麓修竹庵旁其水烹茶最佳此下有缺地辣泉城北七十里去分界墟百步許水底一石有泉從竅湧出秋

冬不竭流溉甚廣

應午泉城西南五十里山半一石竅午時泉噴時過即止八景之一上街井在城北街羅侯廟左側汲之不竭不汲不盈

溝洫官陂

官陂城北三里

老鴉陂城西北五里

埽厓陂城東南四里

沙坡陂城南十五里

良塘陂城西南四十里即响水灘灘中大石橫亘水底灘下一小石激水入溝灌溉田禾土人不勞畚鍤而坐享水利蓋天然一陂塘也

水碓陂城北六十里

青甘陂城南五十里

那業陂城南五十里

金溪陂城南五十里

鵝公陂城南九十里

石陂城南七十里

黃欖陂城北七十里

湖廣陂城東北三十里

陸川縣志卷之六

建置

建置何明興廢也曷明乎興廢城池廨署倉庫橋樑以及壇壝坊墓墟市勝蹟皆建置於官而政令繫焉然或創於草昧或襲於承平或飾敝維傾或補亡葺故皆宜臚列以觀所自志建置

城池考

陸川縣舊為土垣明永樂間始築土城

景泰三年重修開東西南三門

正統十四年都司葛宗蔭奉

檄修築加土增高

成化二十一年都銜史秦紘發帑金三千委知縣莊槩修砌以磚石

周圍二百六丈高一丈八尺串樓二百六十間東南西北各有樓

南北闕二門

宏治十八年知縣郭珍秩官志作即珍築月城甃以磚石增串樓二十間濬舊

濠深一丈廣一丈四尺

正德七年妖賊李通寶縱火燒燬十五年都銜史蕭中羽委知縣賀

節重修

嘉靖四十年火焚串樓九十間餘南北城樓二座四十二年知縣張子

翼捐俸數百金率紳士等重修建敵樓八座城門二南曰長安北

曰拱辰各有樓一座

萬曆元年知縣周文盡除串樓立陽堞子四百八十個有陽城碑
崇禎末土寇作梗城堞推崩二門燒燬

清朝順治十六年知縣周士選重修城堞

康熙十四年知縣朱萬壽加鉄葉包南北二門

康熙五十七年城堞崩頽知縣顧鵬奉文修復

乾隆十八年知縣萬赤重修增高南北二門并修二門城樓

乾隆四十二年知縣李樹啟重修

嘉慶七年知縣孟態光重修又因紳民之請開復東門并建東北二

門城樓

陸邑自明景泰三年重修遂開東西南三門迨後遂封東西二門止

留南北門此必有其故矣嘉慶七年竟有好事紳矜呈請縣主眩以
禍福利害之說遂任意妄作當時非無老成持重之輩為之勸止且
說向來不利於東門前已因兆亂而封今有又因何利益而建勞民
傷財猶其次焉乃悍然不率遂廢多金創造甫落成無故而變亂即
生一縣騷動會辦盟案 上憲駁飭封塞南屏識

廨署

宋淳化五年創建

元無考

明洪武三年縣丞王麟重修

成化五年知縣謝堅重修規制畧備

宏治四年知縣周岡重建堂宇廨舍始全

正德七年賊毀知縣李時榮復修

嘉靖十一年知縣李伯興修三十九年署印教諭潘譽重修

嘉靖四十二年知縣張子翼重修至崇禎末殘毀

清朝康熙四年知縣方鼎重修內廳二座川堂一座

康熙二十四年知縣韓朝舉重修大堂

康熙三十四年知縣霍濬重修川堂

乾隆十五年知縣陳藝毅建六房舍八間

乾隆二十四年知縣應斯鳴重修內署正廳新建書房五間在正廳

西顏曰內省齋又建上書房四間在正廳東又宅門之東建房一間

乾隆四十一年知縣李樹啟重修大堂

蒼梧道分司署在縣前西側今廢

儒學教諭署在十字街西側康熙間訓導莊璧顯建十八年教諭關

士勳修三十三年秦美士重建

儒學訓導署在城內十字街西側教諭署之東康熙間訓導莊璧顯

建乾隆五十五年訓導蘇秉晁重修

典史署原在縣治頭門東偏今改移縣治西南隅

陸川縣志卷之七

學校

記曰建國居民教學為先學校者先王化民成俗之首務也我國家稽古定制崇其殿宇腆其牲幣董以師儒隆以禮典規制視歷代加詳多士游息其中亦思下惟發藻爭自濯磨以仰副聖天子右文崇治之盛宜其彬彬多儒雅矣至於振作培養表率興起又不能無望於造士者

學宮考

陸川縣學宋淳化五年建於東城東西一里

明洪武三年縣丞麟仍舊址重建

永樂二年知縣吳景修

天順六年知縣李瑄遷於南門內縣治東

宏治四年提學僉事周孟中請於都御史秦絃委官遷於縣中街西

有記

正德七年寇毀知府曹蹠重修

嘉靖二十二年知縣李綽遷於縣南一里

嘉靖四十三年知縣張子翼遷於城北鼎新廟制有記

萬曆十四年知縣林鳳朝重修明兵毀

殿

清朝順治十六年知縣周士選重建正殿兩廡戟門櫺星門

康熙四年知縣方鼎重建明倫堂

康熙二十四年知縣衛康穆署縣馬圖文暨紳士龐穎等重修有記
雍正元年知縣蘇名弼奉文改換崇聖殿添造新牌祭品

雍正三年知縣謝錫侯捐修正殿

乾隆五年署知縣謝王生修葺明倫堂

乾隆二十四年知縣應斯鳴同紳士新建正殿兩廡結砌泮池圍橋
堦墀修葺崇聖祠名宦鄉賢祠戟門櫺星門禮門義路及牆垣門
新立下馬碑凡龕壇木主几案匾額俱改舊換新明倫堂亦重修三廊
乾隆五十年知縣孔廣平暨紳士重修正殿加高二尺

學宮規則

聖殿五楹南面中奉

先師壇內東西配壇各二東西哲壇共一十廡各五楹戟門三門泮

池上疊石為圍橋櫺星門在橋外

啟聖祠在 聖殿南向中奉

啟聖五王東西配壇各二東西從祀壇各

名宦鄉賢二祠在戟門兩傍

孝子祠在戟門西

明倫堂在 聖殿左側

儒學教諭署詳建置 儒學訓導署詳建置

三峯書院在縣南萬丈坡距城三里乾隆二十一年知縣石崇先暨闔邑

同建督學院許道基顏額有記藏書閣一進中祀文昌兩傍貯書

講堂一進三間東西書舍各十二間門樓一進三間門外圍牆一道

附射圃在城東南有觀德亭今廢

約所在明倫堂前康熙十三年知縣熊淑媚會紳士同建

文廟典制始末

按文王世子凡始立學者必釋奠於先聖先師是先聖之名尊於先師也周立四代之學虞庠以舜為先聖夏學以禹為先聖殷學以湯為先聖東膠以文王為先聖其左右四聖之臣成其德業者謂之先師蓋三代之世治教不分其道固然自天下通祀孔子而舜禹湯文之祀廢以孔子固備百王之德也然則孔子之祀何昉乎自魯哀公十七年立廟孔子舊宅漢高帝十二年過魯以大牢祀孔子漢平帝

元始元年追謚孔子為褒誠宣尼公此後世尊崇孔子之始亦孔子

廟制謚宣之始也漢平帝永平二年以周公孔子並祀於郡縣魏晉

六朝或封公封侯或祀於闕里祭於辟雍其停周公專定孔子為先

聖顏子為先師今天下立廟四時致祭則唐太宗初年始也按文獻初通考高祖

武德二年詔國子學立周公孔子廟各一所四時致祭至太宗始天下俱立孔子廟四時致祭而停周公然武成王廟與文廟東西並

峙猶未盡尊崇之義也封孔子為文宣王自唐開元二十七年始也

加稱至聖自宋真宗大中祥符五年始也加號大成至聖文宣王自

元武宗至大元年始也明洪武二十年改大成王廟稱曰至聖其稱

先師孔子則明嘉靖九年從大學士張璁之議也文廟門之立戟或

十六或二十四自宋太宗建炎三年與徽宗政和元年始也殿名大

成自徽宗崇寧四年始也改大成殿為先師廟戟門為文廟門天下
學宮皆易以木主亦嘉靖九年從張璁之議也洪武十五年易木主
僅國子監耳自漢迄元明塑像也加冕旒桓圭自宋真宗大中祥符
元年始也其後徽宗加十二旒服九章執鎮圭今世宗又加十二章
祀孔子以六代之樂者自漢章帝元和二年始也其後宋文帝舞六
佾設軒縣宋太祖用永安之樂仁宗樂用登歌至明太祖洪武二十
六年頒大成樂器於府令州縣學如府式祀七十二賢自漢明帝永
平二年始也以顏淵配享自魏主芳正七年始也以曾參配享自唐
高宗總章元年始也以孟軻配享自宋神宗元豐七年始也以子思
從祀自宋徽宗大觀元年始也以顏曾思孟並享自宋度宗咸平三
年始也加復聖宗聖述聖亞聖公者元文帝至順元年始也去公稱
子者亦明嘉靖九年從張璁議也以十哲從祀自唐開元八年始也升
子張補十哲亦自宋咸淳三年始也弟子之追贈亦自唐高宗總章
元年始也其封公封伯則唐開元二十七年及宋真宗咸平三年度
宗咸淳三年始也以左丘明卜子夏公羊高穀梁赤伏勝高堂生戴聖
毛萇孔安國劉向鄭眾杜子春馬融盧植鄭元服虔賈逵何休王肅
王弼杜預范甯二十二人從祀則唐太宗貞觀二十一年始也以荀
况楊雄韓愈從祀則宋神宗元豐七年始也以周敦頤張載程灝程
頤朱熹從祀則宋理宗淳祐元年始也以張栻呂祖謙則景定二年
始也以邵雍司馬光則宋度宗咸淳三年始也以許衡者元仁宗皇

慶二年也明洪武二十九年以董仲舒宣德十年以吳澄正統元年以胡安國蔡沈真德秀十三年以楊時嘉靖九年增后蒼王通歐陽修胡瑗陸九淵隆慶五年以薛瑄萬曆十二年以王守仁陳獻章胡居仁四十一年以羅從彦李侗等從祀皆從言官之請也叔梁紇宋封公元封王今天下學校皆建啟聖祠者亦自嘉靖九年始也改啟聖祠為崇聖書^殿自雍正二年始也以顏無繇曾點孔鯉激公宜配享以宋程珦朱松蔡元定萬曆十三年以周輔成從祀者子不先父之義也洪武元年詔天下儒學各建先賢祠左祀賢牧右祀鄉賢春秋附祭今各分祠改稱名宦鄉賢者則成化中特典也祭期定於春秋二仲自唐開元二十七年始也有司薦享自魏主濬始也月朔行禮

自北齊顯祖天保元年始也貢士釋褐謁廟自唐開元二十六年始也立學校聖裔自宋真宗始也升朱熹於十哲自康熙五十八年始也加封先世五代為王則雍正元年始也議復祀者林放蘧瑗秦冉顏何鄭元范甯增祀者縣賈牧皮樂正克公都子萬章公孫丑諸葛亮尹焞魏事翁黃幹何基王柏趙復金履祥許謙陳澹羅欽順蔡清陸隴其入祀啟聖祠張迪則自雍正二年始也

尊崇典禮

雍正三年奉

上諭迴避 聖諱除經書外凡遇丘字悉加卜旁

雍正五年奉

上諭八月二十七日 至聖誕降之期致齋一日不理刑名禁止屠宰永為定例

雍正元年奉

旨追封孔子五代

五代祖木金父公封肇聖王

高祖祈父公封裕聖王

曾祖防叔公封詒聖王

祖伯夏公封昌聖王

父叔梁紇封啟聖王

文廟禮節

每年二月八月上丁日行釋奠禮

順治五年題准用子時前三日齋戒前三日沐浴更衣省牲丁日四更

教諭訓導先祭

崇聖祠五更知縣致祭

至聖先師及四配縣佐分獻十哲教諭訓導分獻兩廡 先賢先儒巡

檢典史分獻名宦鄉賢

康熙五十五年奉

旨同城武職入廟陪祭

丁祭祝文

德隆千古道冠百王揭日月以常昭自生民所未有屬文教昌明之
會正禮樂和節之時辟鐘鼓咸恪薦於馨香泮水藻芹益致嚴於邊

豆茲屆仲春聿修祀事秋

崇聖殿祝文

奕葉鍾光祥開聖緒威德之後積久彌昌凡聲教所覃敷悉窮源而溯本宜肅明禋祀之典用申寸土之忱茲屆仲春聿修祀事秋

題贊

康熙二十三年

御製大成匾額

萬世師表

雍正三年

御製大成匾額

生民未有

乾隆三年

御製大成匾額并對聯

與天地參

氣備四時與天地日月鬼神合其德
教垂萬世繼堯舜禹湯文武作之師

嘉慶元年

御製大成匾額

聖集大成

康熙三十九年

御製 至聖先師孔子贊并序

蓋有三才建而天地不居其功一中傳而聖人代宣其蘊有行道之

聖得位以綏猷有明道之聖立言以垂憲此正學所以常明人心所以不泯也粵稽往緒仰邈前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜禹湯文武之後不有孔子則學術紛淆仁義湮塞斯道之失傳也久矣後之人而欲探二帝三王之心為治國平天下之準其奚所取衷焉然則孔子為萬古一人也審矣朕存巡省東國謁祀闕里景景企深滋深敬摛筆而為之贊曰

清濁有氣剛柔有質聖人參之極以立著行著習察道舍莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰美牆可悟孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖溯源洙泗景躅唐虞載歷庭除式觀禮器摘毫仰贊心焉遐企百世而上以聖為歸百世而下以聖為師非師夫子惟師於道統天御世惟道為寶泰山巖巖東海泱泱高萬仞在于之堂孰窺其藩孰遊其徑道不遠人克念作聖

康熙二十五年七月初四日戶部尚書文華殿大學士臣張書玉奉勅敬書

顏子贊

聖道蚤聞天資獨粹約禮博文不貳遷不一善服膺萬德來萃心齋坐能化而齊忘其樂一致禮樂四代治法兼備用行舍藏王佐之器

曾子贊

洙泗之傳以魯得之一貫曰唯聖學惟茲明德新民止善惟期格致誠正均平以推至德要道百行所基繼承統緒修明訓辭

子思贊

於穆天命道之大原靜養動察庸德庸言以育萬物以贊乾坤九經三重大法是存篤敬慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並重六藝孔道攸傳禹功作配

康熙二十八年閏三月十六日戶部尚書文華殿大學士臣張玉書奉勅敬書

碑論

順治九年

欽頒卧碑曉諭生員

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於后

一生員之家父母賢智子當受教父母愚魯或作非為者子既讀書明理當再三懇告使父母不陷於危亡

一生員立志當為忠臣清官書史所載忠清事跡務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者徃徃自殺其身

一生員不可干求官長交結勢要希圖進身若果心善上天知之必加以福

一生員當愛身忍性凡有司官衙門不可輕入所有切己之事止許家人代告不許干預他人詞訟他人亦不許牽連生員作証

康熙四十一年

御製訓飭士子文 四十二年頒結

國家建立學校原以興行教化作育人才典至渥也朕臨御以來修重師儒加意庠序近復簡任學使釐剔弊端務期風教修明賢才蔚起庶幾棧樸作人之意乃比來士習未端儒効罕罕著雖內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學之術事功源委有叙爾諸生幼聞庭訓長列宮牆朝夕誦讀寧無講究必也躬行實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華

驕盈一作驕淫

軌度式於規繩最防蕩佚子矜佻達自昔所譏苟行止有虧雖讀書
何益若夫宅心弗淑行已多^愆或蜚語流言挾制官長或隱糧包訟
出入公門或唆撥姦猾欺孤凌弱或招呼朋類結社要盟乃如人名
教不容鄉^黨憲勿齒縱幸逃^撲濫竊章逢^逆反之於衷寧無愧乎况乎
鄉會科名乃掄才大典關係甚尤鉅士子果有真才實學何患乎困
不逢年顧乃標榜虛名暗通聲氣當緣詭遇罔顧身家又或改竄鄉
貫希圖進取囂凌騰沸網利營私種種弊端深有痛恨且士子出身
之始尤貴以正若茲厥初拜獻便已作奸犯科則異時敗檢踰閑何
所不至又安望其秉公持正為國^家宣猷樹績^後先疏附之選哉朕用
嘉惠爾等故不禁反覆惓惓頒茲訓言爾等務共體朕心恪遵明訓
一切痛加改省爭自濯磨積行勤學以圖上進國家三年登造束
帛弓旌不特爾身有榮即爾祖父亦增光寵矣逢時得志寧俟他
求哉若仍視為具文玩愒弗做毀方躍冶暴棄自甘則是爾等冥頑
無知終不能率教也既負栽培復干咎戾王章具在朕不能為爾等
寬矣自茲以往內而國學外而直省鄉校凡學臣師長皆有司鐸之
責者並傳集諸生多方董勸以副朕懷否則職業未修咎亦難逭勿
謂朕言之不預也爾多士尚敬聽之哉

康熙三十六年

欽頒平定朔漠告成大學碑

惟

天畫所覆海內^外日月所出之區悉以俾予一人自踐祚迄今早夜殫
 思休養生息冀熙皞以克副維皇大德好生之意庶幾疆域無事得
 以偃兵息民迺危魯特噶爾丹險阻北陲因此一方人既荼毒塞外
 輒狡焉肆其凶逆犯我邊鄙虐我臣服人用弗寧夫蕩寇所以息民
 攘外所以安內邊寇不除則吾民不安此神人所共憤天討所必加
 豈憚一人之勞弗貽天下之逸於是斷自朕心躬臨朔漠欲使悔而革
 心故每許以不殺彼怙終不悛我師三出絕塞朕皆親御以行深入不
 毛屢涉寒暑勞苦艱難與偏裨士卒共之迨彼狂授首脅從歸誠荒
 外君長來享闕下西北萬里灌燧銷烽中外又謐惟朕不得已用兵
 以安民已告闕成用兵以安事乃蠲釋青災潔禋望為億兆祈昇
 平之福而廷臣請紀功大學垂示來茲朕勞心於邦本常欲文德
 化成天下顧茲武畧廷臣僉謂所以建威銷萌宜昭斯績於有永
 也朕不獲辭致之禮王制有曰天子將出征受成於學出征執有
 罪反釋奠於學以訊馘告而泮宮之詩^{亦曰}矯矯虎臣在泮獻馘又禮王
 師大獻^則奏愷樂大師司樂掌其事則是古者文事與武事為一折
 衝之用具樽俎之間故受成獻馘一歸於學此文武之盛制也朕嚮
 意於三代故斯舉也出則告於神祇歸而遣祀闕里茲允廷臣之請
 猶禮先師以告克之遺意而於六經之指為相符合也爰此思樂泮
 水之義惟詩以銘之以見取亂侮亡之師在朕有不得已而用之之
 實或者不戾於古帝王伐罪安民之意云爾銘曰巍巍先聖萬世之

師敬信愛人治平所基煌煌聖言文武道一禮樂征伐自天子出朕
臨域中逾茲三紀嘗見美牆寤寐永矢下念民瘼上承帝謂四海無
外盡隸侯尉維此亮醜獨亂典常既梗聲教遂窺我疆譬之農患在
螟螣秉卑不施將害稼穡度彼游魂險遠是怙震以德威可往而取
朕志先定龜筮其依屬車萬乘建以龍旂融駢鸞風伯戒途宜暘而
暘和我樵蘇大野水涸川瀆効靈泉忽自湧其甘如醴設為犄角一
出其西一出其東中自將之絕域無人獸即受掩五日窮追彼狂走
險大殲於路波血其孥剪其黨孽俘彼卒徒衆鳥畫號單馬宵遁
恐久駐師重為民困慎固戍守還轅於京自夏徂冬雨雪其零載馳
載驅我行至厓蠢茲窮寇昏惑不悔我邊我氓以休以爰寧其居
爰復其賦藩落老稚斯恬斯嬉歲晏來歸春與之期春飄翩揚我
旆我旆我今於邁如涉我郊言秣我馬狼居西山登高以眺閔彼
彈丸天降凶罰孤雛就羈三駕三捷封狼輿尸既腊梟獍既獮豺羆
大漠西北解甲棄戈振旅覲入澤霈郊卜明禋肆赦用迓景福昔我
往矣在泮飲酒陳師鞠旅誓屈羣醜今我來思在泮獻功有赫赫頌
聲文軌來同采芹采藻頌興東魯車攻馬同亦鑄石鼓師在安民非
出得已古人有作昭示此旨緬維虞廷誕敷文德聖如先師戰慎
必克惟兵宜戢惟德乃綏億萬斯年視此銘詞

雍正七年

欽頒平定青海告成大學碑

我國家受

天眷命撫臨八極日月所照罔不臣順遐邇通又安兆人蒙福乃有羅卜藏丹津者其先固訃自國初稽首歸命當時使臣建議畀以駐牧之地其居雜番羌密邇甘涼我

皇考聖祖仁皇帝睿慮深遠每厯於懷既親御六師平定朔漠威靈可加青海部落札什巴圖兒等震盪誓承命

聖祖仁皇帝因沛殊恩封為親王兄弟八人咸賜爵祿羈縻包容示以寬大而狼心梟性不可德義化三十來年來包藏異志朕紹登寶位優之錫賚榮其封號尚冀革心輯寧部眾而羅卜藏丹津昏謬狂悖同憲吹拉克諾木齊阿爾布坦溫布藏巴禮布等寔為元惡

謂國家方弘浩蕩之恩不設嚴密之備誕敢首造逆謀迫脅番羌侵犯邊城反狀彰露用不可釋於天誅遂命川陝總督大保公年羹堯為撫遠大將軍聲罪致討以雍正元年十月始出塞自冬涉春屢破其眾凡同叛之部落戈鋌所指應時摧敗招降數十萬眾又降其貝勒貝子公台吉等二十餘人朕猶憫其蠢愚若悔禍思愆束手來歸尚可全宥而怙惡不悛負險抗違乃決剪滅之計以方畧密付大將軍羹堯調度軍謀簡稽將士用四川提督岳鍾琪為奮武將軍於仲春初旬檣牙徂征分道深入搗其巢穴電掃風驅搜剔險阻賊徒倉皇糜潰窮蹙蹙失據羅卜藏丹津之母及逆謀渠魁悉就俘執擒獲賊眾累萬牲畜軍械不可數計賊首逃遁我師踰險窮追獲其輜重人品殆盡羅卜

藏丹津才身易服竄匿荒郊殘喘待斃自二月八日至二十有二日僅旬有五日軍士無力役之勞內地無轉輸之費克奏膚功永清西徼三月之朔奏凱旋旅鏡鼓喧轟斯士衆訢喜四月十有一日以倡逆之吹拉克諾木齊等三人獻俘

廟 杜受俘之日臣民稱慶伏念

聖祖仁皇帝威靈震於遐方福慶流於奕葉用克張皇六師殄滅狂賊行間將士亦由感激湛恩厚澤為朕踴躍用命斯役也芟夷凶悖綏靖番羌俾烽燧永息中外人民胥享安阜實成

先志以懋有不績廷臣上言稽古典禮出征而受成於學所以定兵謀也獻馘而釋奠於學所以告凱捷也宜刊諸珉石揭於大學用昭示於無極遂為之銘曰天有雷霆聖作弧矢輔仁而行威遠寧邇維此青海種實繁錫之茅土列在藩垣被我龍光位榮祿富員其阻遐禍心潛構恭惟

聖祖睿慮知周睠念荒服綏撫懷柔朔野既清西陲攸震爵號游加示之恩信如何兇狡造謀逆天鼓動昏慙寇侵於邊惟彼有自干天罰桓桓虎貔爰張九伐王師即路冬雪初零日耀組練雷響鼙鉦蠢茲不順敢逆戎旅奮張螳臂以當齊斧止如山嶽疾如雨風我戰則克賊壘其空彼昏終 曾不悔戾當翦而滅斯焉決計厲兵簡將往擣其巢踰歷嶽嶇坦若坳如賊棄其家我繫牛馬谷量器仗山積蹇兔失屈何所遁逃枯魚遊釜假息煎熬師以順動神明所

福旬日凱歸不疾而速殪彼逆謀懸首藁街獻俘成禮金鼓調諧西域所瞻惟此雄特 天討既申羣商惕息橐戈偃革告成辟雍聲教遐暨萬國來同惟我

聖祖親平大漠巍功煥文邁桓軼酌流光悠久視此銘詞繼志述事念茲在茲

丁祭條約

竊惟

至聖先師萬世之師表也冠帶集團橋

天子有臨雍之典春秋屆仲月上丁隆釋菜之儀內則命夫曹子三公外則寄夫有司羣牧典綦嚴也誰敢懈焉本部院每丁祭親齋戒

沐浴而宿齋宮先令諭學較簿書而正祭品乃知牲或已經宰殺既失告全致絜之心物豈盡屬肥鮮更乖博碩蕃茲之義且或常供不充夫額數任後以移却珍品不給於豆邊致菹醢之雙疊兼聞各學亦有同風罔知 竭精神誠但解奉行故事甚或尊榻未備疇詳犧象之形琴瑟雜 敬麓之狀觀者如牆如堵任彼咆哮祭者似醉

似癡類如聾瞽一尊未薦滿庭之燎火無光三獻未經兩廡之燈輝已滅於是甄劔與簠簋悉憑顛倒几筵鹿兔共榛菱似遇摩空鷓爵分甘奪臠半由承祭之家人拍地喧天遑問 儀之齋長駿奔之髦士時怒髮衝輿隸夫一片雄心染指凡此之類罪豈勝誅皆由約束之不嚴亦以躬行之未善不思主爵則身膺一命幸得窺聖人之門牆分獻

則職任半趨原以司泮宮俎豆平時未知化導已蒙尸位之譏臨事不克恪恭難免曠官之咎為此飭卽守州牧縣令等職兼以誡教授學正訓導諸員各矢乃心以襄大典預期三日牲牲皆供乎餼牽先事一朝品物蓋陳於類璧齋戒沐浴觀習禮樂試歌舞於明倫堂前料量潔清退服寢衣歛精神於尊經閣畔庶幾必誠必敬斯夙夜之惟寅無怠無愆知神人之感格是并申之條約用以頒諸學宮

一既奉

肇聖五王不惟簠簋豆籩豆照數增設卽牲牲亦應各增其四有議共牲者其說不可從考之典禮惟配享可以共牲尊王無共牲之禮書云文王騂牛一武王騂牛一其明徵也自三代至漢唐不聞有共牲之說惟後漢有青帝赤帝共一犢白帝黑帝共一犢議者非之唐開元時五品以上異牲六品以下共牲豈王爵而可共牲者乎其各照增一為五可也一祭牲祭品各有定額一豆一籩罔有缺遺况牲取親割以告全也取其血毛以告全也豈可宰而入學門乎豕曰剛鬣註謂其豕肥則剛鬣長而剛壯羊曰柔毛謂其羊肥則毛細而柔弱此博碩肥臚之所由稱也可以瘦瘠不堪之羊豕而飲之灌之以充牲牲乎既宰且不可瘦瘠且不可况可缺其額數而肥胥吏之囊橐乎月令曰犧牲毋用牝又曰命宰祝循行牲視全具按芻豢瞻肥瘠察物色必比類量大小視長短一皆中度五者備當上帝其饗註曰上帝且歆享之况羣神乎嗣後各官俱須先三日親至學視牲牲如法然後稽其數使人牧

之以待先一日親割吏雖奸其何所施乎

一丁祭先數日集樂舞生演習精熟先一日與祭官親同往觀不得草率從事

一丁祭先一夕凡與祭官齊集學宮齋宿不得有一員私宿本署

一丁祭之日庭燎燈燭務須光明以如晝以俟祭畢後已除神前燈燭外即官員不得各自張燈

一丁祭之日櫺星門內不得容一閒雜人所有事宜止許學書幹辦及小心謹慎門斗二人或四人照管燈燭其官員僕從等一概於門外伺候萬無使僕從人持燈挾墊相隨至聖殿及兩廡之禮幸勿自取罪戾以貽失禮之愆也

一丁祭之日既不許閒雜人自無搶奪燈燭及祭品之人倘或仍有潛匿門內乘空搶奪者以盜賊論即擒獲解報以憑盡法重究

一學宮之地聖賢靈爽所依不惟丁祭宜整肅清即平時尤宜洒掃潔淨近每見黃宮以內栽灰種菜學圃成灌溉之場曝被晒衣諸生絕往來之路甚至丹楹刻桷徒供蝙蝠棲遲鳥革翬飛盡是魑魅巢穴珠塵百斛廟貌埋埃垢之中驅糞千箕腥穢聞宮牆之外已安之若素久且習為固然甚至先賢先儒兩廡之神牌倒置鄉賢名宦二祠之神位倒顛非其子孫有誰咨問加之朽蠹若罔聞知凡爾等學官所司何職即諸生門斗亦奚以為嗣後教官不時巡察務令門斗分班輪值逐日掃學宮之內不得容一毫塵垢庶亦無忝厥司也慎哉毋忽

鄉飲酒禮

凡鄉飲酒禮序長幼論賢良別奸頑其坐席間高年有德者居上高年
 溘篤者并之以次序齒而列坐其有違條犯者不許干預賢良之席
 違者罪以違制敢有喧譁者揚觶以禮責之 主席府知府州知州
 縣知縣如無正官佐貳官代之位於東南大賓以致仕官為之位於西
 北僕賓擇鄉里年高有德之人為之位於東北 介賓以次長位於西
 南 三賓以賓之次者為之位於賓主介僕之後除賓僕外衆序齒列
 坐其僚屬則序齒 司正以教職為之主揚觶以罰贊禮者以老成
 生員為之

凡鄉飲酒禮儀註京省及直省府州縣每歲正月十五日十月初一日
 於儒學行鄉飲酒禮前一日執事者於儒學之講堂依圖陳設坐次
 司正率執事習禮至日黎明執事者率牲具饌主席及僚屬司正先
 詣學遣人速賓僕以下比至執事者先報曰賓至主席率僚屬出迎
 於庠門之外以入主居東賓居西三揖三讓而後升堂東西相向立贊
 兩拜賓坐執事者又報曰饌至主席又率僚屬出迎揖讓升堂拜如前
 儀介賓至又報迎揖讓升堂如前儀既就位執事者唱司正揚觶執事者
 引司正由西階升堂中北向立執事者唱賓僕以下皆立唱揖司正揖賓
 僕以下皆揖執事者以觶酌酒授司正司正舉酒曰恭惟
 朝廷率由舊章敦崇禮教舉行鄉飲非為飲食凡我長幼各相勸勉為
 臣盡忠為子盡孝長幼有序兄弟恭內睦宗族外和鄰里無或廢

墜以黍所生讀畢執事者唱司正飲酒畢以觶授執事者唱揖司正揖賓
 僕以下皆揖司正復位賓僕以下皆坐唱讀律令執事者舉律令案於
 堂中引禮引讀律令者詣案前北面立唱賓僕以下皆立行揖禮如
 前讀畢復位執事者唱供饌案執事者舉饌案至賓前次僕次介次
 主三賓以下各以次舉訖執事者唱獻賓主起席向北面立執事者斟
 酒以授主主受爵詣賓前置於席稍退贊兩拜賓答拜訖執事者又
 斟酒以授主主受爵詣僕前置於席交拜如前儀訖執事者又斟酒以
 授主主受爵詣介賓前置於席交拜如前儀畢主退復位執事者唱賓
 酬酒賓起僕介從執事者斟酒授賓賓受爵詣主前置於席稍退贊
 兩拜賓僕主交拜訖各就位坐執事者分左右立介三賓眾賓以下
 以次斟酒於席訖執事唱歌飲酒或三行或五行供湯又唱斟酒飲酒
 供饌三品畢執事者唱徹饌候徹饌案訖唱賓僕以下皆行禮僕主僚
 屬居東賓介三賓眾居西贊兩拜訖唱送賓以次下堂分東西行仍三
 揖出庠門而退

陸川縣志卷之八

典禮

國之大典在祀所從來矣蓋敬神則治民為一體之推慢則政治為告廢之漸是土爰稼穡社稷允重雨暘時若閭閻以安厲壇因宣祝以昭戒城隍職保障以衛民他如捍大災禦大患則祀之非此族也不在祀典至儀節禮服備其目祭文牲幣列其品所以薦馨香而重明裡誠有不可得而畧者

儀節

萬壽聖節先一日於 闕帝廟敬設

照龍亭排列儀仗至日五更文武官朝服至丹墀下丈東武西禮生稟

三鼓通贊唱序班行三跪九叩首禮前三日後三日俱穿蟒服坐班

皇太后萬壽聖節

皇太后千秋令節儀俱同上

開讀門

詔書至各官朝服整

龍亭彩輿儀仗鼓樂肅郊迎郭外至公所序班如制行禮

元旦之賀起於漢慶履新也

冬至之賀起於魏慶日長也儀註俱以賀

聖節同

胙食大伐鼓以救夔也遇食先期設香案於縣堂露臺陰陽生報初

計
虧各官素服行三跪九叩首禮縣官上香畢擊鼓三聲報鼓齊鳴以救及報復圓止各官朝服各官行三跪九叩首禮而退

迎春每歲縣官先期塑造春牛並勾芒神位春前一日各官迎於東郊行四拜禮勾芒神至儀門西向具香案酒果祭勾芒至立春候各官具朝服禮勾芒祭畢各執綵杖正官擊鼓三聲以綵杖三鞭牛者三勸耕也

開印封印重所守也各官屆期於大堂如制行禮

朔望每月朔望日昧爽縣官率屬員公服謁

文廟禮生贊行三跪九叩首禮畢偕教官率生員至明倫堂講書次詣城隍土地祠等處行香隨率屬官紳士庶民到約所講約設約

正一人值月二人置二籍德業可勸者為一籍過失當規者為一籍值月掌之月終則告於約正歲底彙冊報縣以俟勸懲

每歲仲春亥日巳時祭

先農壇午時行耕籍禮縣官秉耒右手挾犁左手執鞭行九推禮佐貳捧青箱農夫覆土終畝禮畢更衣望

闕行三跪九叩首禮

藉田四畝九分在東郊

送學每學政歲科試新生紅案到學之後知縣曉諭送學之期至期各生集縣署知縣公服升堂各生由東角門入至簷下行庭參禮畢簪花酌酒三巡各生三揖具鼓樂由中角門出知縣親送至吏

文廟殿階下行三跪九叩首禮畢詣明倫堂知縣教官行交拜諸生拜師
並拜謝知縣入座行酒數巡肅揖而退

賓興每大比之年六月初旬縣結綵橋卜吉具啟延至貢監生員集縣
堂酌酒簪花如送學儀縣官西向教官東向諸生依次列坐作樂侑
食畢具鼓由中門而出

壇廟典制

社稷壇每歲春秋仲月上戊日出主於壇而祭之祭畢藏之

儀注三獻前後三跪九叩首禮

祝文

奠安九土粒食萬邦分五色以表封圻育蕃三農而蕃稼穡恭承守
土肅展明禋時屆仲秋敬修祀事庶九九松柏鞏盤石於無疆翼翼
黍苗佐神倉於不匱

山川風雲雷雨壇城隍合祭

祭日祭品儀注俱同上

祝文

贊襄天澤福佑蒼黎佐靈化以流形生成永賴乘氣機而鼓盪溫肅攸
宜磅礴高深長藉安貞之吉憑依鞏固實資捍禦之功幸民俗之殷
盈仰神明之庇護恭修祀事正值良辰敬潔豆籩祇陳牲幣

先農壇

祭日祭品同社稷壇

雪祭乾隆七年增祀每歲之夏常雩於先農壇 儀注一獻行一跪九叩首禮

祝文

職司水土務茲稼穡培我農本除我苗害茲值仲春秋聿修祀事
土地壇祭期儀注同社稷

祝文

職司坤戊保障一方福善禍淫報施不爽今茲仲春秋禮宜致祭

厲壇每歲清明日七月望日十月朔日祭無祀鬼神於北郊先三日

牒城隍神祭則奉其像於壇之正中南向主祭榜無祀鬼神分祭之

文昌閣

祭同丁日儀注一獻行兩跪六叩首至嘉慶十年加封行三跪九叩首禮

祝文

崇德功普學貫天人培我文脉昌我文運屆茲仲春秋禮宜致祭

關帝廟

仲春秋月吉日儀注三獻前後行三跪九叩首禮

祝文

浩氣凌霄丹心貫日扶正統而彰信義威振九州完大節以篤忠貞名
高三國神明如在徧祠宇於寰區靈應丕昭薦馨香於奕代屢彰
異績顯佑羣生恭值嘉辰遵行祀典

追封三代公爵祀後殿

儀注一獻前後行二跪六叩首禮

祝文

世澤貽庥靈源積慶德能昌後篤生神武之英善則歸親宜享尊
榮之報列上公之封爵錫命攸隆合三世以肇禋典章明脩恭逢諏
吉祇事薦馨

天后宮縣未設寺儀注一獻行二跪六叩首禮

伏波祠在伏波灘左凡新令到任擇吉以祭

距城六十里儀注一獻前後行一跪三叩禮首

孝子祠

鄉賢祠

節烈祠

名宦祠

祭同丁日儀注行一獻四拜禮

卜氏夫人墓乾隆二十一年知縣石崇先設祀

祝文

鍾靈瓊海著績陸陽拒敵衛民烈氣與山河並壯損軀護國貞魂
偕星日齊輝固宜肅明禋之典用以申守土之忱茲屆仲春聿修祀
事

呂仙祠


嘉慶 年設祭



地340.233

34

12



陸川縣志
二

陸川縣志卷之九

賦役

賦由田出役自丁編維正之供古今通義任土作貢九州攸殊陸邑賦役當兵燹之餘版籍淪蕩不無畸重畸輕迨昇平日久釐剔已清歲有常徵供有定額爰撮其總並詳其目大要一準於全書陸之人飲和食德其亦百年太平休養生息之效乎

按賦役全書間載陸川縣實在原額職官學民狼塘田共稅一千五百四十九頃六十七畝七分八厘零二絲四忽一微四纖二塵零三渺四漠分六則陞科

上則職田稅六頃零二分三厘七毫二絲三忽每畝額徵地畝銀九厘科米三斗六升二合二勺五抄

共科米二百一十七石四斗三升五合九勺三抄六撮五圭六粒七粟每石編四差銀四錢二分五厘一毫加增折色并水脚鋪墊等共三厘二毫折糧銀四錢八分三厘五毫

應徵地畝額銀五兩四錢零二厘零

應徵四差額銀九十二兩四錢三分零

應徵加增胖襖等項折色並水脚鋪墊等額銀六錢九分九厘零
應徵折糧銀一百零五兩一錢三分四厘零

中則官田稅二十一項九十五畝零五厘五毫原不編差每畝徵銀九厘科米一斗七升三合八勺八抄



共科米三百八十一石六斗七升六合二勺六抄三撮四圭每石徵銀四錢
八分三厘五毫二絲

應徵地畝額銀一十九兩七錢五分五厘零

應徵折糧額銀一百八十四兩五錢四分八厘零

中則學田稅一頃九十二畝三分六厘零三絲四忽原不編差每畝徵銀
九厘科米一斗六升五合六勺

共科米三十一石八斗五升四合八勺七抄二撮三圭零四粟每石徵
折糧銀四錢八分三厘五毫二絲

應徵地畝額銀一兩七錢三分一厘零

應徵折糧額銀一十五兩四錢零二厘零

應解學道銀九兩五錢五分六厘零

下則民田稅一千三百九十一頃零四畝八分一厘一毫三絲五忽八微
七纖一塵四埃九抄五渺每畝徵銀九厘科米四升三合八勺

共科米一千九百五十三石六斗八升五合九勺二抄六撮一圭五粒
三粟每石徵四差銀四錢二分五厘一毫折色鋪墊水脚銀三厘二毫
又徵折糧銀四錢八分三厘五毫

應徵地畝額銀一千二百五十一兩九錢四分三厘零

應徵差額銀二千五百三十兩零九錢八分三厘零

應徵加增胖襖藥材翠毛鋪墊水脚等項額銀一十九兩一錢五分一
厘零

應徵折糧額銀二千八百七十八兩七錢二分六厘零

下則狼田稅一百一十四頃九十五畝三分九厘七毫八絲一忽七微七纖

四塵五埃零五渺原不編差每畝徵銀九厘科米四升二合八勺

共科米四百九十二石零三合零二抄六撮六圭每石徵折糧銀四錢

八分三厘五毫狼總工食銀四分八厘七毫

應徵地畝額銀一百零三兩四錢五分八厘零

應徵折糧額銀二百三十七兩八錢九分三厘零

應徵狼總工食銀二十四兩

下則民塘稅一十三頃七十九畝九分一厘八毫三絲九忽四微九纖六塵

零三渺四漠每畝徵銀九厘科米五升

共科米六十八石九斗九升五合九勺一抄九撮七圭四粒八粟每石徵四

差銀四錢二分五厘一毫折色鋪墊水脚等三厘二毫折糧銀四錢八

分三厘

應徵地畝額銀一十二兩四錢一分九厘零

應徵四差額銀二十九兩三錢三分零

應徵折色鋪墊水脚等額銀二錢二分一厘零

應徵折糧額銀三十三兩三錢六分零

應徵地畝折糧四差加增改折等項銀七千五百四十六兩五錢九分七

厘零

丁役

原額人八千五百五十四丁三分五厘內除撥狼官學絕軍丁二千零五十九丁二分五厘原不編差

按賦役全書開載陸川縣實在人丁六千四百九十五丁一分每丁徵銀一錢七分三厘此係原額每屆大造例有增丁不在此限應徵人丁共銀一千一百二十三兩六錢五分二厘三毫

以上丁編地畝四差折糧徵回優免并加增胖襖狼總工食鋪墊水脚共銀八千六百七十兩零二錢三分九厘零自康熙二十年日起至五十年止共增人丁二百六十七丁一分五厘每丁徵銀一錢七分三厘應徵增丁銀四十六兩二錢一分六厘

以上額徵并增丁共銀八千七百一十六兩四錢四分六厘零內除荒稅銀九兩七錢四分一厘六毫一絲二忽二微零二塵二埃五抄八渺七漠應實徵銀八千七百零六兩七錢二分五厘零

附屯田

中則餘田稅九頃一十五畝三分二厘有奇每畝科米一斗該折色米一百三十七石三斗每石折銀五錢共該銀六十八兩六錢五分附征玉林轉解布政司充餉

起運項下

起運地丁額銀七千五百一十兩零二錢九分四厘零

起解工部項下折色銀三兩零六分水脚銀九分一厘八毫實起解銀三兩零五分五厘九毫零

存留項下

存留驛站存六額銀一十七兩七錢六分寔解熟銀一十七兩七錢三分六厘零存留應解梧州浮橋渡夫工食額銀三兩六錢寔解熟銀三兩五錢九分五厘零

存留祀典俸工廩給正雜解支等額銀一千一百八十二兩六錢六分寔支銀一千一百八十兩零一錢九分六厘零

祀典支項

本縣拜賀習儀香燭額支銀一兩四錢寔支銀一兩三錢九分八厘一毫
文廟釋奠二祭額支銀四十八兩寔支銀四十七兩九錢三分六厘四毫零
山川社稷二祭額支銀一十二兩寔支銀一十一兩九錢八分四厘一毫

厲壇三祭額支銀一十五兩寔支銀一十四兩九錢八分零一毫
香燭米折額支銀一兩八錢寔支銀一兩七錢九分七厘六毫零
霜降祭祀操賞額支銀六兩寔支銀五兩九錢九分一厘零
鄉飲酒禮額支銀六兩寔支銀五兩九錢二分零

迎春鞭春除夕封印開印寔支銀五兩六錢二分五厘零

朔望行香講書紙燭及行賞生員卯簿額支銀七兩二錢康熙三年半裁存銀三兩六錢

官俸支項

本縣知縣額支銀四十五兩寔支銀四十四兩九錢四分零

本縣教職兩學各額支俸銀一十五兩七錢六分寔支銀一十五兩七錢

計三

三分九厘乾隆元年每學加俸銀二十四兩二錢六分零
本縣典史額支俸銀三十一兩五錢二分寔支銀三十兩零四錢七分八厘

廩給支項

歲考生員試卷課餅行賞花紅年編銀一十八兩順治十三年半裁存
銀九兩科考之年通融支用

季考生員每年量計三次合用試卷課餅行賞花紅額支銀七兩三
錢康熙三年全裁

童生入學花紅年編銀一兩順治十三年半裁存銀五錢

額廩二十名每名廩狼米一十二石共米二百四十石每石折銀五錢共
銀一百二十兩順治十三年裁二存一康熙三年全裁二十二年復三分
之一存銀四十兩

二年一貢考貢路費出貢花紅旗區酒醴年編銀八兩二年共銀十
六兩康熙三年停止八年復設

歲貢赴京路費年編銀三十兩康熙三年停止六年復設今復停止
起運科舉生員路費銀三十五兩七錢每年帶徵銀二十一兩三年一辦

新科舉人花紅旗區路費銀一十四兩零一厘每年帶徵銀四兩六錢
六分七厘三年一辦

解司科舉銀三百六十兩每年帶徵銀一百二十兩三年一辦

解司科場會試舉人路費銀二十四兩每年帶徵銀八兩三年一辦

解司酒稅銀一十一兩六錢六分四厘係在正賦錢糧內抽解康熙八年歸入

裁叩項下

上司巡歷及益查勘事官經臨并使客來往用心紅紙劄廩糧油柴炭小菜跟隨吏書等項共銀二十七兩六錢順治十三年全裁

本縣新官及儒學到任祭儀門猪羊銀二十九兩康熙三年全裁

布政司朝覲盤費造冊紙劄工墨銀一百兩年編銀三十三兩三錢三分零三年一辦

本府隨朝皂隸各費銀八兩四錢年編銀二兩八錢三年一辦順治十三年全裁二存一康熙七年全裁

本府應朝典史盤纏銀三十兩吏一名銀十二兩皂隸二名每名銀八兩造冊綾殼紙劄包袱銀五兩共銀六十三兩年編銀二十一兩

順治十三年全裁二存一康熙七年全裁

本縣攢造黃冊紙劄工墨銀八十兩年編銀八兩一辦康熙七年全裁
役食支項

布政司都事書辦一名工食銀七兩二錢康熙五年全裁

門子一名工食銀七兩順治十三年全裁去銀一兩存銀六兩實支銀五兩九錢九分二厘已奉裁

皂隸四名額支銀二十四兩寔支銀二十三兩九錢六分八厘零已奉裁
馬夫一名額支銀六兩寔支銀五兩九錢九分三厘已奉裁

掌印都司快手八名共銀四十八兩康熙五年全裁

本縣役食

本縣門役二名額支銀一十二兩寔支銀一十一兩九錢八分四厘零
皂隸十六名額支銀九十六兩寔支銀九十五兩八錢七分二厘零
馬快八名額支銀四十八兩寔支銀四十七兩九錢三分六厘零
民壯五十名額支銀三百兩寔支銀二百九十九兩六錢零一厘
鋪兵十二名額支銀六十四兩八錢寔支銀六十三兩七錢一分四厘零
庫子四名額支銀二十四兩寔支銀二十三兩九錢六分八厘零
斗給四名額支銀二十四兩寔支銀二十三兩九錢六分八厘零
禁卒八名額支銀四十八兩寔支銀四十七兩九錢三分六厘零
轎傘夫七名額支銀四十二兩寔支銀四十一兩九錢四分四厘零
燈夫二名額支銀一十二兩寔支銀一十一兩九錢八分四厘零

儒學門役二名額支銀一十二兩寔支銀十一兩九錢八分四厘零
齋夫六名額支銀十八兩寔支銀十七兩九錢七分一厘
膳夫四名額支銀十二兩寔支銀十一兩九錢八分四厘
典史門子一名額支銀六兩寔支銀五兩九錢九分二厘零
馬夫一名額支銀六兩寔支銀五兩九錢九分二厘零
皂隸四名額支銀二十四兩寔支銀二十三兩九錢六分零
巡檢弓兵十五名額支銀五十四兩寔支銀五十三兩九錢八分零
皂隸二名額支銀十二兩寔支銀十一兩九錢八分四厘零

雜支項下

本縣遞年修理倉監額支銀二十兩寔支銀十九兩九錢七分三厘

鐸戶米折銀一兩八錢寔支銀一兩七錢五分三厘零
孤貧口糧額支銀十四兩四錢

孤貧布衣額支銀九兩六錢

囚糧米折額支銀四兩康熙七年全裁

陸川小稅銀八十兩照額徵解

順治十八年米場立稅廠後南關又設一廠雍正二年知縣謝錫侯
惡其擾民詳請革除此廠

陸川縣志卷之十

儲課

儲課者一為山荒而備一為日用必需倉儲於官足在國寔足在民鹽運於商便於民亦裕於國陸有常平分儲二倉俱建於縣社倉則分建於鄉為便民也鹽課則商運銷於官不擾於民不病備詳其兩項之條目俾守土者便於歲歲稽查

倉儲

額設倉廩縣城米場即亭共三所計其貯常平社倉谷二萬二千六百四十七石九斗三升

縣城倉分貯倉谷一萬四千一百九十八石三斗

米場倉分貯倉各五千九百六十三石四斗五升

良田倉分貯倉谷二千四百八十六石一斗八升

鹽課

明以前鹽政屢更原無定額

清朝康熙元年始奉文行銷鹽引按額督銷州縣始定考成四年巡檢金光祖

題請減鹽引三分之一陸川得鹽引一百四十二道九分後一引改分十小引得一千四百二十九道歷例配銷東海廠鹽自東西般載水路二千餘里自北流挑運陸路一百里鹽價甚昂民苦而受累者多矣二十年巡撫卞浴蒞任示詢利弊

舉人龐穎呈請配銷高廠鹽始蒙批允每引配鹽二百三十五斤共鹽
三十三萬五千八百一十五斤鹽價九百二十四兩六錢六分零餘費銀
二百三十八兩五錢九分翰西稅銀一千一百二十三兩一錢七分零
二項共銀一千九百九十兩零七錢九分零時以鹽難銷售民出乾餉
徵至三千餘兩民復不堪雍正元年孔制憲璠題請奉文官銷言運
餉稅并解本道其引目鹽斤俱照成例每鹽一斤價銀一分免征乾
餉乾隆二年改撥歸商七年奉行撥銷餉引六百道尚存餉引八百
二十九道自乾隆五十四年十月經公閣督臣復奏准改埠為綱各處
埠商改充水客逐年鹽餉并由局解納云

詳載粵省鹽務會局辦理章程

陸川縣志卷十一

兵制

兵以衛民也防守之設其乃有備無患未雨綢繆之意乎核陸川之固疆圉者數雖減於其賦年來保甲嚴法萑苻不警四境之內歌蕩平矣得毋斥堠明守禦固有其効歟至戎署創廢日餉增減自有撫馭之者

清朝

按順治十三年設參戎於鬱林州每歲鬱林營撥分防陸川縣城守把總一員分防馬步戰守兵丁七十五名內防守縣城馬步戰守兵三十名花嶮汛在縣南上下清湖新村三堡地界距城七十里分防汎外委一員戰守兵十五名

雞頭塘在縣南吹塘新村兩堡界距城六十里兵丁十二名

柳亭塘在清湖下堡城南九十里分守兵丁二名

清湖塘在縣南清湖上堡距城一百里分守兵丁二名

兩頭塘在縣南塘域堡距城三十里分守兵丁二名

低陽隘在縣東南順安堡距城六十里分守兵丁四名

馬坡汎在縣北有龍堡距城五十里分守汎戰守兵丁五名

北墟塘在縣北關廂堡距城十里分守兵丁二名

米場塘在縣北南中堡距城二十里分守兵丁二名

山心塘在縣北關垌堡距城三十里分守兵丁二名

馬坡塘在縣北有龍堡距城六十里分守兵丁二名
連井塘在縣北大襖堡距城七十里分守兵丁二名
戎署向在縣治西雍正間被火後俱駐劄於北門城樓

附兵餉

清朝定例兵餉係在玉林營差千把總徃省城布政司間領回卅支
陸川縣戰守兵七十五名共支銀一千零二十八兩五錢二分

本縣專轄

守城民壯五十名 雍正元年奉設

上班狼狼總一名狼目六名狼兵三十名

下班狼狼總一名狼目六名狼兵二十七名

典史巡檢員下鋪兵十二名

典史分轄

幽廂堡練總一名御壯十名

泗里堡御長一名御勇十八名

沙湖堡御長一名御勇十八名

陸良堡御長一名御勇十名

南中堡御長一名御勇十名

榕江堡御長一名御勇廿名與北流交界連山疊嶽最為要區

朗垌堡御長一名御勇十名

有龍堡御長一名御勇十六名

大襖堡鄉長一名御勇十五名
中塘堡鄉長一名御勇十二名
順安堡鄉長一名御勇十名
大洞堡鄉長一名御勇二十名
塘域堡鄉長一名御勇十名
沙井堡鄉長一名御勇十名
吹塘堡鄉長一名御勇十名
洞心堡鄉長一名御勇二十名
溫水司巡檢分轄
弓兵十五名

新村堡鄉長一名御勇十六名
清湖上堡鄉長一名御勇十六名
清湖下堡鄉長一名御勇十六名

以上三堡乃兩粵交界之地最為險要

附上班狼目


梁棟照目近月洞甲 黃仕清目近有龍堡
梁黎繼目近大襖堡 黃仕隆目近朗洞堡
梁顯勝目近大襖堡 韋惠章目近朗洞堡

附下班狼目

黃顯敦目近洞心堡 黃萬益目近清湖上堡

陸承目近新村堡
蘇黃四目近清湖上堡

陸堅目近新村堡
陸陽目近清湖下堡



4

陸川縣志卷十二

風俗

風俗之瀉漓五方各異古者採風列國蓋欲溯其美惡而知政治之得失也陸雖邊徼戎

國涵濡日久大化翔洽皆知習詩書而敦禮讓彬彬乎絃歌邑也風俗與化移易不信然乎細民儉樸惟事力穡病間服藥或信師巫工無巧藝尚無重貨至於飲食服御宅舍器用以及吉凶慶吊節序宴饗雖有豐穡不等大抵多與中州同

陸地風俗厚而不薄樸而不華紳士家屋宇多用磚瓦貧民則葺茅編竹為舍近來民間稍裕始有建瓦房者

士重廉恥尚文學不事奔競巨族多藏書善博古惟遠僻俗性頗多悍未免好訟

農人力田為本或種植雜糧不事末務貧者採樵餬口工無妙技畧習粗迹以為業

商則肩挑貿易無遠涉經營者

民間無種桑惟種棉與麻婦女春夏績麻秋冬紡棉

婚喪大禮與中州同厚薄隆殺稱家有無不競奢靡宴客不誇珍饈以鷄豚豐潔為尚

賓客至茶罷則進以棋柳凡來往問好俱以棋柳為敬疾病多用艾灸亦用藥劑並有信巫覡祈禱者

縣北之語音有似廣東高化謂之地老話城之南語音有似翁源謂之
新民又謂之叟子附城紳民家讀書俱以官語正音

日用多用制錢亦用洋銀交易升斗較各屬畧長俗名加五斗官斗
一斛僅六斗秤仄縣城以北用司馬城南用秤制錢二百文為一斤

節序

元旦夙興燃燭燈其禮儀祀神及祖先親朋互相賀歲

上元前數日城市鄉村每夕張燈扮臺架遊巡親朋會飲以慶昇平
或人家生子親朋送花燈謂之鬧燈元夕後四民復業童子入鄉學

仲春上戊日鄉社祈穀老幼聚飲散福秋社亦如之

清明具牲醴掃墓掛帛

端午作艾虎懸於門飲菖蒲酒雄黃酒以辟邪氣造角黍以祀先浴
於江以禳病疾名曰洗龍舟

六月早稻登擇吉日具饌薦新於其先祖

七月中元節前一日盂蘭會祭祖先制紙衣金錢以獻

中秋用月餅新芋祀祖先燕飲賞月小兒燒瓦塔

重九祭掃先墓如清明儀蓋亦春露秋霜之感也亦有登高飲酒
茱萸酒放風箏者

小春晚稻登復薦新如早稻儀

臘月二十四日香燭齋供祀灶神謂之送灶次年元旦復迂迎灶除
夕俗名嘉平節家家燒爆竹貼神荼鬱壘像並掛五綵錢於門以除

鉄栲柳 桑柘 麻竹 籜竹 人面竹 籐竹 刺竹 蒲竹 淡竹 班竹
青皮竹 紫竹 黃竹 鹿竹 大頭竹 赤竹即籐竹 筊竹

花草類

蘭 菊 蓮 梅 桃 茉莉 薔薇 鷄冠 鳳仙 紫荊 海棠
郁李 臘蘭 月季 紅繡毬 鳳冠 佛桑 山芭蕉 萱一名金簪 紅蕉
香草 菖蒲 鉄樹 七星香 長生草 葵 觀音蕉 女蘿

附毒草

苦蔓草 俗名斷腸草一名胡蔓草有青紅二種紅者
刺人尤速惟刀斧傷葉搗汁飲可解

藥類

山藥 紫蘇 薄荷 天門冬 艾 益母 蒼耳 茱萸 砂仁
草解 木賊 葛根 麥門冬 薏仁 山羌 何首烏 花粉 骨皮

羽類

鷄 鵝 鴨 洋鴨以上家畜 雉 鶩 鷹 鶴 鸛 燕 鳩 鵲
鴉 鳧 鷺 翠 慈鳥 鷄 鷓鴣 百舌 山呼 畫眉 鷓鴣
杜鵑 黃雀

毛類

牛 馬 羊 猪 犬 猫以上家畜 虎 豹 猯 狸 鹿 麋
麋 獺 猿 猴 山馬 山猪 豪猪 石羊 鼠

鱗類

鯉 鱧 鱸 鮓 鮠 鮫 鯽 鮓 鮎 鮓 鰻 鱧 赤眼 金魚 泥鰍

介類

龜 螺 蜆 蚌 蠚 蝦

虫類

蚰蛇 蜂 蟻 螢 蟬 蛤 蛙 蚕 蝶 蟾 蜍 蜈 公 蜘蛛
蜻蜓 蟋蟀 螳螂 蝙蝠 蝓 蛻 蚊 蠅

附毒蟲

放噴蛇 水伏蛇 青竹蛇 筱箕夾 七寸錦 毛蟲 地虎

附狼人山人

山人不知來自何處衆呼為山子老語音大別居深山伐樹焚地
種植羌瓜茹芋荳麥之類正火耕之民也惟居竹屋遷徙不常推

髻潤袖女人頭方板覆以花巾食皆自種衣皆自織常以索袋盛物
出墟貿易不與人爭競其婚嫁以索袋裝柴刀為奩能以藥臘取禽獸
故虎豹不敢近其居

狼人來自賓州 明朝因兵不足守城撥賓州狼人三百名來縣
給田自耕自食而狼米每石正輸銀七錢四分三厘其俗多耕少讀
語音各別不隸民籍別設狼總狼目以統之

陸川縣志卷十三

秩官

仕於茲土者雖前後時殊正佐職異要皆上承

君命下康兆民責有專司也前代世遠無稽多有闕畧爰因舊志增續其間孰賦緇衣孰譏赤芾孰為保障孰為繭絲第列其姓名年籍惟其官不惟其人若夫麟麟炳炳聲施後世者則有名官之編在知縣

縣丞明宣德間裁

主簿明永樂間裁

典史

教諭康熙三年裁三十三年復

訓導明崇禎間裁清朝復設

巡檢

陰陽學今廢

醫學今廢

秩官一

知縣

元朝

容巖北流人至正德間任

明朝

王麟湖廣長沙人洪武三年任詳名宦

楊紹文廣東化州人生員舊志闕據高州府志補

按明史洪武六年罷科舉行薦辟至十五年復行科舉據高州府志楊紹文係洪武間由生員薦為是官而王麟疑行字薦辟未行之前曾義在薦辟羽罷之際故補入此

曾義洪武十三年任

余顯忠湖廣長溪監廣輿記永樂初年任詳名宦

李瑄廣東保昌人天順五年任

吳景永樂十三年任

謝堅全州歲貢生成化四年任

謝宇廣東化州歲貢成化七年任

陳明臨江人成化十七年任詳宦蹟

莊槩福建全州舉人成化三十一年任詳宦蹟

徐剛宜山人宏治五年任

周固廣東合浦人宏治十四年任詳宦蹟

郎珍浙江臨安監生宏治十七年任詳宦蹟

李時榮廣東定安舉人正德五年任

王佐永寧監生正德十二年任

沈暉浙江歸安監生正德十二年任舊志闕據省志補

賀節湖廣監生正德十五年任

何傲廣東龍州舉人嘉靖三年任

黎伯興廣東番禺人嘉靖八年任詳宦蹟

張仁湖廣監生嘉靖十四年任

李弼浙江例貢嘉靖十六年任

李綽廣東南海人嘉靖二十年任

竇英湖廣黔陽監生嘉靖二十七年任

羅乾江西廬陵人嘉靖三十一年任詳宦蹟

蒙光顯廣東封川人嘉靖三十七年任省志作監生

康建勳廣東順德人嘉靖三十九年任

張子翼廣東瓊山人嘉靖四十年任詳宦蹟

張正熙廣東博羅人嘉靖四十四年任

周文江西雩都歲貢隆慶五年

何子通廣東始興歲貢萬曆二年任

彭懋祖廣東始興歲貢萬曆四年任

田升福建晉江人萬曆九年任

林鳳朝廣東海陽人萬曆十二年任

鄧連湖廣人萬曆十四年任

張可應天丹徒歲貢萬曆十五年任

李一謙廣東潮陽人萬曆十七年任

黃耀應天宿州人萬曆二十一年任

王天成廣東瓊山人萬曆二十二年任

譚際可廣東仁化歲貢萬曆二十五年任

朱際卿江西廬陵選貢萬曆二十八年任

蘇大同河南鄧州奉人萬曆二十九年任

吳繼熙廣東順德人

蕭近蘭江西廬陵人

鍾繼儒浙江海鹽人

鄭鴻圖福建福寧人

魏明魁江西廬陵人

陳惠明福建惠安人天啟三年任

袁呈祥廣東石城人歲貢天啟間任

李維鳳廣東番禺人天啟七年任

董克正四川合州人崇禎二年任詳宦蹟

劉汝忠廣東新會人崇禎三年任詳宦蹟

龍柱湖廣漢陽人崇禎十年任詳宦蹟

吳日修福建永定人崇禎十四年任

施召徵應天無錫進士崇禎十六年任詳宦蹟

萬感惠廣東東莞拔貢

劉士通廣東化州歲貢

李恂孫廣東化州奉人

清朝

紀一恂 江南人 順治九年任

周士選 江南績溪貢生 順治十五年任 詳宦蹟

隋鳴霄 山東人 順治十七年任

蘇萬邦 陝西西鄉人 康熙元年任

方鼎 四川新繁人 康熙三年任

朱萬壽 遼東監生 康熙十三年任 詳宦蹟

陳叶夢 福建人 康熙十六年任

邱邦靖 江南人 康熙十七年任

劉昇陽 江南人 康熙二十一年任 以格州府經歷署 詳宦蹟

衛康穆 陝西韓城人 康熙二十一年任

閔植 沂人 康熙二十四年任

韓朝舉 奉天金州監生 康熙二十四年任

霍濬遠 浙江山陰監生 康熙二十四年任

呂猶龍 驤紅旂監生 康熙三十九年 以博白知縣署

熊淑媚 江西建昌人 康熙四十八年任

姚一濂 浙江慈溪人 康熙四十六年任

顧鵬 浙江仁和人 監生 康熙五十二年任

蘇名弼 河南陳州貢生 康熙五十八年任

謝錫侯 順天大興歲貢 雍正二年任 詳宦蹟

呂成章 直隸滄州貢生 雍正六年 以平樂府通判署

6
周永 福建舉人雍正八年任

楊君龍 陝西武功舉人雍正九年任

陳介 四川舉人雍正十二年任

朱龍御 雲南楚雄舉人雍正十二年任

馬鍾河 雲南文山舉人乾隆二年任

張坊 湖南湘潭拔貢乾隆三年任

安依仁 貴州安化進士乾隆四年任

謝王生 江南武進廩生乾隆五年以潯州府同知署

夏璋 貴州貴筑舉人乾隆六年以南寧府經歷署

南宮秀 山西鐸州進士乾隆三年以博白縣知縣署

周聯譜 湖北監利進士乾隆八年以北流知縣署

丁上之 浙江長興拔貢乾隆九年以賀縣知縣署

郭賡武 福建晉江進士乾隆十年以慶遠理苗同知署

劉復顯 江西湖口舉人乾隆十年任

陳鏡 浙江石門舉人乾隆十一年以真業知縣署

倪圭 福建閩縣舉人乾隆十三年任

陳觀世 福建閩縣舉人乾隆十五年以博白知縣署

陳藝毅 江南江寧康廩貢乾隆十五年任

趙百齡 直隸涑水拔貢乾隆十七年以玉林州州判署

胡位鑄 順天大興副榜乾隆十七年任

萬 赤 四川富順奉人乾隆十七年任

王 鋌 山東單縣生員乾隆十九年以潯州府同知署

吳以賢 貴州餘慶奉人乾隆十九年任

石崇先 四川廣元奉人乾隆二十年以貴縣知縣署

李元通 福建閩縣進士乾隆二十一年以柳州知縣署

張 章 浙江海寧奉人乾隆二十一年任

張感熊 直隸景州貢生乾隆二十四年任

應斯鳴 江西宜廣奉人乾隆二十四年任 詳宦蹟

劉思誠 湖南湘潭廩生乾隆二十五年以鎮安府通判署三十二年又署

曾 鏞 江蘇金絃奉人乾隆二十七年任

黃 檢 旂人乾隆二十八年以潯州府同知署

陳天章 直隸深潭進士乾隆二十九年任

盧 焜 漢寧鑲黃旂奉人乾隆三十一年以武宣知縣署

袁以壘 江西南昌進士乾隆三十一年任

李芳蕃 湖北漢陽進士乾隆三十二年以興業知縣署

方懋祿 江蘇元和進士乾隆三十二年以慶遠府同知苗同知署

楊 樾 雲南大和進士乾隆三十三年任

袁世燾 江西青蒲奉人乾隆三十三年以北流知縣署

李鳳起 江西廣昌附貢乾隆三十三年以博白知縣署

葉步雲 浙江慈溪乾隆三十四年以西林知縣署

高掄印浙江仁和進士乾隆三十四年任

陳錫齡廣東乳源拔貢乾隆二十六年以義寧知縣署三十八年又署

麟書滿州正黃旗奉人乾隆三十七年任

章錦直隸天津奉人乾隆三十九年以天河知縣署

陳汝元福建歸化進士乾隆四十年任

李樹啟四川三台進士乾隆四十年任

林一鵬福建閩縣奉人乾隆四十二年以北流知縣署

張習貴丹餘慶奉人乾隆四十三年以荔浦知縣署

吳廷珪安徽歙縣奉人乾隆四十四年任

王巡泰陝西臨潼進士乾隆四十六年以興業知縣署

楊鸞

巫鎮福建長汀奉人乾隆四十七年任

孔廣平浙江桐鄉奉人乾隆五十年任

李傳燮江西臨川奉人乾隆五十三年以興業知縣署

陳樽浙江海鹽進士乾隆五十四年以博白知縣署

楊書最四川樂山奉人乾隆五十四年以興業知縣署

劉昀山東諸城監生乾隆五十五年以奉議州州判署

繆永垣江蘇泰州增貢乾隆五十八年以橫州知州署

何照乾隆五十九年任

金毓奇江蘇上元拔貢乾隆六十年任

雷師有 甘肅綏德舉人嘉慶元年以永瀆知縣署

薛天麟 直隸任邱舉人嘉慶二年任

張其祿 湖南沅江拔貢嘉慶五年以試用知縣署十六年任

孟熊光 山西大谷副榜嘉慶六年任

周清 四川文川廩貢嘉慶十年以試用通判署

裘槐枝 浙江山陰監生嘉慶十一年以試用知縣署

劉寶箴 嘉慶十二年任

周兆培 直隸饒陽拔貢嘉慶十八年以天河知縣署

鍾孚吉 福建武平舉人嘉慶十九年署

彭慶昭 湖北嘉慶二十二年任

雙全 旂下以南丹卅同道光二年署

曾鵬 黃岡進士

秩官二

宋縣尉

吳庸 荆湖南路道州人今湖南永嘉熙間由特科為是官詳名宦

明縣丞

王麟 湖南長沙人洪武二年任陞本縣知縣

陳佐 永樂間任後裁

明主簿

吳允琳 洪武間任

王忠 永樂間任 後裁

秩官三

教諭

明

李伯英 洪武間任

伍理 永樂間任

孫宏 廣東吳川舉人永樂間任

黃斌 宣德間任

陳登 宣德間任

許元壽 福建侯官人宣德間任

朱士嘉 廣東保昌人宏治間任

陳昊元 廣東番禺舉人宏治間任

羅源 江西廬陵人

周元 福建人

譚景

趙羽 廣東新興人

周建中 廣東曲江人

周惠 江西高安人福建人

潘譽 江西高安人

楊朝會 廣東吳川歲貢嘉靖間任

馬朝基 廣東樂會人嘉靖間任

龍一萬 廣東番禺人

李一蘭 廣東茂名歲貢俱隆慶間任

梁維芳 廣東信宜歲貢

錢岱 與安歲貢俱萬曆間任

武博文 武宣恩歲貢萬曆六年任

鄭重修 廣東潮陽歲貢萬曆十五年任

陳國賢 福建連城人萬曆十七年任

梁藻 廣東順德人

熊丞亮 廣東東莞人

彭大同 宜山人

雷時霖 馬平人

鄧明桂 廣東合浦人

蔣希曾 與安人

駱千乘 廣東始興人

李國用 上林人

陳其恩 廣東瓊山人

林晉 福建龍溪人俱萬曆間任

諸民悅 雲南尋甸人天啟元年任

萬年策 貴州崇禎初年任

廖 瀆

陸希宣

謝丞基 應天定遠人俱崇禎間任

清朝

周 楷 全州舉人康熙三十三年任

吳大本 天河廩貢康熙三十五年任

謝秀生 永瀆拔貢康熙四十四年任

闕士勲 臨桂舉人康熙五十六年任

蔣生香 灌陽副榜康熙六十一年任

文輔經 靈川舉人雍正二年任

袁景辰 平樂舉人雍正七年任

王維嶧 灌陽舉人雍正十三年任

何 鯉 臨桂副榜乾隆七年任

黃上桂 賀縣拔貢乾隆十九年任

羅 濤 永瀆恩貢乾隆二十一年任

秦美士 臨桂恩貢乾隆二十一年任

朱 洛 藤縣舉人乾隆三十年任

秩官四

訓導

明

楊申 洪武間任

樂文 洪武間任

鄭文 宣德間任

蔡純 廣東潮陽人 天順間任

紀通 廣東靈山人 宏治間任 詳名宦

彭鑾 廣東南海人 宏治間任

尹恭 廣東歸善人 宏治間任

鍾鼎 浙江錢塘人 正德間任

嚴憲 廣東高明人 正德間任

羅裔 廣東保昌人 正德間任

周一鶚 廣東南雄人 正德間任

楊安宅 廣東曲江人

鄭思誠 廣東潮州人

蔡士禎 廣東南海人

鄧崧 廣東曲江人

李時吉 江西高安人

呂瀆 廣東海康人 俱嘉靖間任

湯有光 隆慶間任

朱應彥 陽朔歲貢

何喬 湖廣江華人

許大壯 臨桂人萬曆十年任

楊汝名 永涪人萬曆十三年任

周表輔 恭城歲貢萬曆二十二年任

歐陽賓 天河人萬曆二十八年任

石鍾璧 灌陽歲貢

陳可觀 廣東始興人

唐用燦 全州歲貢

陸成之 廣東瓊山人俱萬曆間任

李養訥 貴州平越人天啟三年任

梁天樞 江西高安人

夏台恒

曹正作 全州歲貢崇禎二年任

謝士元 應天南陵人

黃金錦 全州歲貢

清朝

莊璧顯 興安歲貢順治十五年任

胡應書 養利歲貢康熙二十四年任

李奇生 平樂歲貢

蔣正煥 永福歲貢

蔣正起 全州歲貢

林 昺 宣化歲貢康熙三十九年任

蔣元起 永寧歲貢康熙四十五年任

唐象履 灌州歲貢康熙四十六年任

梁鵬振 永順歲貢康熙五十二年任

馬國珮 養利歲貢康熙五十六年任

陶鎔化 宣化歲貢雍正十年任

唐德鴻 義寧歲貢雍正十一年任

楊天薰 永安歲貢乾隆九年任

蕭 芑 平樂歲貢乾隆十一年任

陸川縣志卷十四

選舉

闢門籲俊務在得人歷代相沿其途不一迨有明以制義取士我
國前朝因之科甲明經尚矣又或趨翹翹車乘赴赴干城亦皆出蓬戶而
赴青雲居則閭里矜之出則君民賴之均期無負取士之至意若襲
廢曠典援例異途均為邦家之光也

清朝進士

江一璣

乾隆乙丑科錢維城榜
中式一百九十九名

李廷樟

道光戊戌科中式聯捷進士

恩賜進士

黎冕

嘉慶庚申恩科翰林院檢討
戚成武 嘉慶己酉恩科

清朝明通榜

李宏墉 乾隆丁巳科見鄉宦

江璣 乾隆壬戌科見鄉宦

李嶠 乾隆己丑科見鄉宦

元朝鄉舉

陳將仕 鄉宦

陳居瑞 鄉宦

明朝鄉舉

油鳳 洪武丁卯科鄉宦

陳以仁 宣德丙午科鄉宦

楊榮 宣德丙午科鄉宦

駱賢 宣德丙午科

陳襄 宣德丙午科鄉宦

周瑞 宣德丙午科

孔繼先 宣德丙午科鄉宦

駱斌 正統丁卯科

楊 暢 正統丁卯科

鄧 綸 成化庚子科

陳文彬 嘉靖甲子科

黎可耕 萬曆癸酉科

黎可耨 萬曆辛卯科

陳用諧 萬曆甲午科

陳萃良 萬曆庚子科

陳善治 萬曆壬子科

楊 陞 萬曆戊午科

甯之瑾 天啟丁卯科

陳鴻績 崇禎己卯科

清朝御舉

龐 穎 順治庚子科 鄉宦

陳中炤 康熙丙午科

龐 顯 康熙壬子科

龐 驥 康熙丁卯科 鄉宦

吳伯綬 康熙己卯科 選拔

謝煥先 康熙戊子科 鄉宦

陳大經 康熙辛卯科

李 炆 康熙辛卯科

龐 經 成化庚子科

陳觀鳳 嘉靖癸卯科

陳大諫 隆慶庚午科

龐 鼎 萬曆辛卯科 解元

羅 點 萬曆辛卯科 鄉宦

龐 進 萬曆庚子科

陳萃恭 萬曆壬子科

張三德 萬曆壬子科

陳所試 萬曆戊午科

謝贊運 崇禎丙子科

羅眩俊 康熙丙午科

楊賢長 康熙己酉科

梁捷登 康熙壬子科

呂若稷 康熙癸丑科

謝開先 康熙壬午科

龐 驤 康熙辛卯科

李 斌 康熙辛卯科

李宗瀄 康熙丁酉科

李 炘 康熙庚子科鄉宦

龐 頤 雍正丙午科

江 璣 雍正壬午科

龐 駿 乾隆丙辰恩科

龐 驩 乾隆庚午科

李宏埴 乾隆壬申恩科

李宏培 乾隆癸酉科

呂敏政 乾隆丙子科

劉 燭 乾隆庚辰恩科

黎 胆 乾隆庚辰恩科

呂 徵 乾隆壬午科

陳士貴 乾隆乙酉科

呂集芳 乾隆乙酉科

朱再文 乾隆戊子科

陳學海 乾隆丙午科

羅凌漢 乾隆丙午科

呂際芳 乾隆戊申科恩科

胡燕禧 嘉慶庚申恩科

龐 璐 嘉慶庚午科

李開璠 道光辛巳恩科

龐 琛 乾隆丙子科

龐 嶼 雍正丙午科

陳之松 本姓呂 雍正丙午科

李 嶠 雍正乙卯科見明通

李宏墉 乾隆丙辰科

呂敏敬 乾隆庚午科

譚 欽 乾隆癸酉科

陳鵬飛 乾隆己卯科

李炳震 乾隆庚辰恩科

李炳堂 乾隆壬午科

呂象復 乾隆戊申恩科

溫保生 嘉慶戊午科

呂際昭 乾隆乙酉科

黎 暉 乾隆乙酉科

劉 烽 乾隆乙酉科

呂際胆 乾隆丁酉科

黃勳國 乾隆丙午科

溫豐生 嘉慶辛酉科

黎朝常 道光辛巳恩科

謝復旦 道光乙酉科

藍時秀 道光戊子科

馮士升 道光壬辰恩科

謝蘭濟 道光壬辰恩科

李廷樟 道光丁未科

吳裕淵 道光丙午科

劉俊祥 道光己未科

劉珍祥 同治壬戌科

阮調元 同治壬戌科

呂從周 咸豐辛酉科

邱元康 同治甲子科

欽賜舉人

黎晃 嘉慶戊午科

戚成武 嘉慶丁卯科

江瑀 嘉慶戊辰科

廖繩武 嘉慶癸丑科

明朝副榜

龐震 萬曆庚辰科

陳用誨

清朝副榜

吳鼎行 康熙甲午科

李周南 道光辛卯恩科甲辰大挑一等分發
甘肅知縣

呂燕嶽 道光辛卯恩科

呂成文 道光丁未科

黃步衢 道光丁未科

周尚儒 道光己未科

羅循恭 咸豐丙辰科

羅循欽 同治壬戌科

李慶榮 同治壬戌科

黃步瀛 咸豐辛酉科

王永俊 嘉慶丁卯科

李伸 嘉慶甲子科

尤方明 嘉慶癸丑科

吳滿宇 道光丙午科

李本 萬曆辛卯科

江淵 雍正甲辰科并補行癸卯科

李宏坵 乾隆己卯科

謝家鐸 雍正壬子科 鄉宦

譚紹洛 乾隆戊申恩科

呂祖旦 乾隆甲寅恩科

呂宣治 乾隆辛丑科

龐俊良 嘉慶甲子科

龐明旦 嘉慶戊寅科

欽賜副榜

王永俊 嘉慶甲子科

尤方明 嘉慶庚午科

陳覲光 嘉慶辛丑科

廖繩武 嘉慶庚午科

明恩拔貢生

黎可耕 萬曆間拔鄉宦

池秉通 萬曆元年恩 鄉宦

馮萬經 萬曆間拔鄉宦

李 本 萬曆間見副榜 鄉宦

吳貢珍 萬曆間恩見鄉宦

黎可耘 萬曆間恩見鄉宦

周臺評 俱泰昌間按光宗於萬曆四十八年庚申八月即位一月而崩九月熹宗即位詔以庚

林繼武 申八月至十二月為泰昌元年僅五月而有兩拔貢其或一恩一拔與舊志有誤

李 森 天啟二年恩見鄉宦

陳萃賢 天啟間恩見鄉宦

黎明忻 天啟間

李崙馨 崇禎間恩

陳三重 崇禎間

清朝拔貢

龐化緯 康熙壬子科

梁文光 康熙戊辰科見鄉宦

吳伯綬 康熙辛巳知中式

梁應光 康熙戊寅科見鄉宦

龐 嶼 雍正癸卯知中式

龐 調 雍正乙卯科

呂就姪 乾隆六年辛未見鄉宦

陳學泗 乾隆四十二年丁酉

呂際康 嘉慶六年辛酉

清朝恩貢

馮嗣京 康熙四十七年戊子

陶璠 乾隆五十五年見鄉宦

呂集淵 乾隆庚寅科

李炳文 乾隆庚戌

黃文旦 乾隆己亥

溫贊生

明朝歲貢

何以對 洪武時

曾廷洪 正統時

林經 景泰時

王諒 天順時

黃貴 天順時

李成

陳吉

王郁

譚政

譚欽 乾隆癸酉 本年中式
龐璧 乾隆己酉

馮俊臣 康熙壬寅

龐騏 乾隆辛未

呂颺美 乾隆丙辰

李崔 乾隆庚辰

劉憲明 嘉慶庚午

梁復 正統時鄉宦

鄧銓 景泰時見鄉宦

李景春 景泰時

陳傳 天順時見鄉宦

何奎 天順時

孟英 成化時見鄉宦

駱本 成化時

楊炤 成化時

楊寶 成化時見鄉宦

楊相 成化時見鄉宦

吳郁 以上俱順天時

盧貴 成化時見卿宦

陳烈

童清

謝賢

龐敬

李堂 以上俱成化時見卿宦

梁清 以上俱成化時見卿宦

陳鏗 以上俱成化時見卿宦

黃裳 以上俱成化時見卿宦

梁俊 宏治時

陳政 正德時

周世禎

阮洪

童政

黎聰

周濟 以上俱嘉靖時見卿宦

陳永壽 以上俱嘉靖時見卿宦

龐清 以上俱嘉靖時見卿宦

馬昂 以上俱嘉靖時見卿宦

楊新 成化時見卿宦

吳誠 宏治時

梁澄 宏治時

盧偉 正德時

謝恩

陳溢

龐高 以上俱正德時見卿宦

龍應文 以上俱正德時見卿宦

何寶 嘉靖時

龐一正

陳九洲

鍾宣明 以上俱嘉靖時見卿宦

周元良 以上俱嘉靖時見卿宦

吳宗周 以上俱嘉靖時見卿宦

謝應辰 以上俱嘉靖時見卿宦

賈思賢 以上俱嘉靖時見卿宦

黃槐

羅經

何麟

黃偉

陸伍

孔孫義

吳可端 以上俱嘉靖時

龐文卿

童良能

吳顯卿

陳文龍

龐維屏

黎可紓

陳用諍 以上俱萬曆時見卿宦

劉璋 萬曆時見卿宦

甯應祥

龐謙

陳用評 以上俱萬曆時

陳萃純 天啟時

龐希睿

甯之獻

姚舜喬

龐希賢

李逢春 俱崇禎時

周元徐

龐端 以上俱嘉靖時

龐唐卿 隆慶卿宦

黎伯寬

呂仁壽

池秉通

李樑

黃仕喬

戚宗侯

吳可 以上俱萬曆時見卿宦

賈如珪 見卿宦

吳景先

曾洪 俱萬曆時

李默 天啟時見卿宦

陳萃清

謝爵

黃開泰

謝贊鼎

羅拱辰 俱崇禎時

清朝歲貢

李 煥 順治己亥六年

謝天植 康熙庚申十九年 御官

蘇嗣龔 康熙廿九年丙寅

陳以球 康熙卅一年壬申

呂運元 康熙卅九年庚辰

羅元峻 康熙四十五年丙戌

龐 駿 康熙五十二年甲午

羅八桂 康熙五十九年庚子

邱嶽峙 雍正四年丙午

黎 正 雍正十年壬子

呂衍端 乾隆四年己未

陳大綸 十年己丑

宋廷柱 十六年辛未

呂鎮修 廿二年丁丑 御官

李挺立 廿六年癸未

呂希凱 卅四年己丑

呂和南 四十年己未

呂相暉 四十六年辛巳

李輝光 五十二年丁未

呂皦如 康熙辛亥十年

張映心 康熙壬戌廿二年

陶若侃 康熙廿七年丙辰 御官

江見鰲 庚辰廿五年丙子

呂若壘 康熙卅五年壬午

呂若益 康熙卅九年庚寅

梁以璋 康熙五十五年丙申

林美材 康熙六十年壬寅

呂瑄瑱 雍正六年戊申

陳宏業 十二年甲寅

陳宏綸 六年辛酉 御官

李宗靖 十二年丁卯 御官

呂上光 十六年癸酉

李 峯 廿四年己卯

李 伸 卅年己酉 御官

覃德敷 卅六年辛卯

呂際泰 四十二年丁酉

羅經緯 四十八年癸卯

李宏瑛 五十五年庚戌

謝天貺 康熙癸丑十二年

羅經元 康熙二十三年甲子 御官

劉允升 康熙廿九年庚午 御官

陶若齡 康熙廿七年戊寅 御官

陸 集 康熙四十二年甲申

李昌祚 康熙五十年壬辰

林上春 康熙五十七年戊戌

龐 驥 雍正二年甲辰 御官

呂韻樂 雍正八年庚戌

呂衍祉 乾隆二年丁巳

覃聖緒 八年癸亥

溫 厲 十四年己巳

羅色緯 廿年己亥

呂上修 廿六年辛巳

姚德乾 卅二年丁亥

李 球 卅八年癸巳

羅煥文 四十四年己亥

李 瑞 五十年己巳

羅振道 五十七年壬子

傅 焯 五十九年甲寅

陳學洙 五年庚申

李懷瑜 十二年丙寅

呂際虞 十七年壬申

嚴際盛 嘉慶元年丙辰

呂敏文 七年壬戌

陳道揆 十二年丙辰

呂祖姜 十九年甲戌

江 瑀 嘉慶三年戊午

朱上宏 九年甲子

李時蔚 十五年庚午

龐俊明 廿二年丙子

羅挺槐

陳卓仁

謝復泰

呂重恒

張熊振

羅紹文

呂文權

譚精一

廖濟章

陳道緒

胡定坤 道光十四年甲申

龐汝建

陳守常

清朝武舉

呂踴璜 康熙乙酉科

謝 烈 雍正壬子科

呂大魁 雍正壬子科

呂士端 乾隆辛酉科

傅 文 乾隆丙子科

呂颺瀄 乾隆丁卯科

呂颺繡 乾隆庚午科

呂猶景 乾隆癸酉科

呂廷宣 乾隆己卯科

劉再昌 乾隆己卯科

呂振岐 乾隆壬午科

呂猶暉 乾隆乙酉科

呂猶暉 乾隆戊子科

黃式煥 乾隆戊子科

李光庚 乾隆癸卯科

李炳敬 乾隆丙午科

周運開 嘉慶庚申科

邱光璋 嘉慶辛酉科

李時炯 嘉慶癸酉科

楊文高 嘉慶丙子科

謝復陞 道光乙酉科

陳名祥 道光庚子科

吳宗芳 道光庚子科

陳 鰲 道光丙午科

清朝例貢 龔瑞綸

陳之瑜附生 龐峴 邱珩附生 李宏靖附生 邱培之附生

曾仁祖 傳尊禮廩生 呂介附生 吳勳周增生 呂昌齡廩生

陳煜增生 呂永濟 廣黃謙 呂象咸廩生

龐峴 呂永亮 李宏均增生 龐瑛御宦

鍾靈廩生 鍾武典 龐垣 呂際唐附生

呂大成廩生 陳嵩廩生 龔以知 賴聖詔

謝正先 呂正齊附生 呂光球廩生 李廣縉

曾振玠 龐岷 謝起附生 陳嘉詮廩生

陳宏詔附生 呂颺正廩生 呂國柱附生 張鳳文增生

清朝捐職

呂若能 陳良詩附生 邱天保千總 吳翰周武生千總

呂修 謝舒先賤員 李嶸賤員 謝幹邦武生千總

謝家鳳坐州同 謝罷印縣丞 賴恒安經歷

呂象履府經 謝發艷守備 龐曉

龐島賤員 姚鳳儀千總 傅學禮

羅璿千總 吳文瑀縣丞 王寶光武生千總

林薰千總 龔瑞清州同 周德輝賤員

黃廣譽 賴宗肇州同 林凌霄經歷

呂猶成 廖衍武千總

元鄉宦

陳將仕

由奉人任廣東東莞琮山二縣知縣

陳君瑞

由奉人任南寧路司獄陞本縣捕盜知縣一年

明朝鄉宦

油鳳

由奉人任廣東肇慶府同知陞交址諒江府知府鄉宦

陳敏

由監生任廣東韶州府同知陞儋州泗州二州知州

陳以仁

由奉人任南京禮部儀制司郎中

楊榮

由奉人任廣東參議道見鄉宦

陳襄

由奉人任教授

周端

由奉人任通判

駱斌

由奉人任兩淮鹽運提奉

梁復

由歲貢任翰林院典部

鄧銓

由歲貢任浙江杭府經歷

何清

由吏員兩任巡檢見人物

盧貴

由歲貢任主簿

陳溥

由歲貢任應天鳳陽府經歷

孟英

由歲貢任廣東靈山縣主簿

陳烈

由歲貢任廣東雷州府照磨

龐經

由奉人任福建邵武府通判見鄉宦

童清

由歲貢任戶部鑄鈔司提奉

龐杰

由監生任廣東番禺縣主簿

嚴敬

由歲貢任四川益州引禮

嚴賢

由歲貢任四川夔州撫校

李堂

由貢生任吏目

楊寶

由歲貢任福建清流縣丞

梁清

由貢生任龍江提奉

楊新

由歲貢任廣東惠州府經歷

陳鏞

由歲貢任廣東廣州府經歷

楊相

由歲貢任廣東宣化縣知縣

黃裳

由歲貢任南京東城兵馬指揮

梁爵

由歲貢任江西府照磨

陳政

由歲貢任廣東程溪縣主簿

盧倬

由歲貢任廣東揭陽縣主簿

陳溢

由歲貢任江西饒州府撫校

周世禎

由歲貢任應天吳江縣丞

孔時

由監生任四川劍州判在歲敬之前

阮洪

由歲貢任江西瑞金縣主簿

謝恩

由歲貢任廣東英江縣主簿

周世祥由歲貢任廣東瓊山縣主簿

童正由歲貢任湖廣通遠縣知縣

黎聰由歲貢任江西武寧縣主簿陞
崇仁縣丞

龐一正由歲貢任雲南臨安府經歷

陳九洲由歲貢任 縣主簿

吳宗周由歲貢任浙江山陰縣主簿

賈思賢由歲貢任南京州判陞廣東清遠
尉司經歷

陸位由歲貢任廣東陽江縣主簿

陳大彬由舉人任廣東知平縣知縣

龐文卿由歲貢任廣東龍州縣主簿

童良能由歲貢任宣化縣教諭

呂仁壽由歲貢任廣東莞縣教諭

陳文龍由歲貢任天全城縣教諭

李樑由歲貢任平水訓導陞廣東三
水縣知縣

黎可耘由歲貢任廣東定安縣知縣

黎可耨由舉人任湖廣漢陽縣知縣

李本由副榜任河南開封府推官

羅點由舉人任廣東三水縣知縣

池秉通由恩貢任四川潼州同知

劉璋由歲貢任福建同安縣教諭

龐高由歲貢任廣東英山縣主簿

龍應文由歲貢任 寧遠縣丞

周濟由歲貢任應天睢寧縣丞

鍾宣明由歲貢任廣東番禺縣主簿

周元良由歲貢任陝西蒲州府同知

謝應辰由歲貢任福建漳浦縣丞

陳永壽由歲貢任五軍都督府經歷陞北直南皮
知縣

陳觀鳳由舉人任廣東陽江縣教諭陞天崇
縣知縣

吳可倫由歲貢任教諭

龐唐卿由歲貢任雲南府教授

黎伯寬由歲貢任浙江西安縣主簿陞應天吳江
縣丞

吳貢珍由恩貢任廣東雷州府通判

龐維屏由歲貢任廣東香山縣丞

黎可耕由舉人任貴州安順州知州

黎可耨由歲貢任應天寶慶府教授

黎可耨由拔貢任潯州府教授

黃仕喬由歲貢任四川州縣教諭

陳用諧由舉人任應天宣城縣知縣

馮萬經由拔貢任廣東新會縣教諭

吳可先由歲貢任應天山陽縣主簿

陳萃良 由奉人任廣東河源縣知縣

陳萃恭 由奉人任福建寧府通判

陳善治 由奉人任四川洪推知縣

賈如珪 由歲貢任融縣教諭

李森 由歲貢任縣丞陞浙江諸暨知縣

楊陞 由奉人任浙江杭州府通判

李默 由歲貢任廣東順德縣丞

龐謙 由歲貢任訓導陞桂林府教授

陳萃賢 由恩貢任在天津就辦主簿陞福建延平府經歷

陳萃清 由歲貢任浙江勒縣知縣

清朝 卿宦

龐穎 由奉人任湖廣嘉魚知縣

傅颺貞 由庠生任融縣訓導

羅經元 由歲貢任武緣縣訓導陞山西太原前衛經歷

謝天植 由歲貢任恆遠縣訓導

謝天貺 由歲貢任義寧縣訓導

陶若侃 由行伍任梧州

劉允升 由歲貢任義寧永福二縣訓導

謝天任 由歲貢任柳城縣教諭

李正春 由行伍任岑溪縣城守

龐驥 由奉人任江西萬載縣知縣

呂若稷 由奉人任河南輝縣知縣

梁文光 由拔貢任桂林府教授

梁應先 由拔貢任潯州思恩二府教授

陶若齡 由歲貢任武宣縣訓導

江見鰲 由歲貢任永福縣訓導

謝煥先 由奉人任湖廣廣慶知縣

陳大經 由奉人任江南繁昌知縣

李斌 由奉人任河南霍邱知縣。見人物

李炘 由奉人任河南登封知縣

李宗瀉 由奉人任江西安仁縣知縣

李炘 由奉人任河南虞民知縣

吳勗行 由副榜任修仁縣教諭

龐嶼 由奉人任廣東試用平為善二縣補番禺兼署南海二縣知縣累理程同知陞廉州知府陞廣州鹽運使司運使兩署廣東糧刑按察使司。見人物

江淵 由副榜任真安縣教諭

謝家鐸 由副榜任

江璣 由明通任河池州學正後由進士任廣東高明昌化二縣并陞慶州知州

李嶠 由明通任真安縣灌陽縣教諭署全州學正

李宏墉 由孝人任江西雲都縣知縣

吳颺美 由恩貢任柳城教諭

呂就姪 由拔貢任靈川縣教諭

龐 驩 由孝人任宣化昭平二縣教諭
陞桂林府教授

陳鵬飛 由孝人任永賓縣訓導

黎 胆 由孝人任臨桂縣教諭

龐 瑛 由例貢任浙江龍泉縣丞署
宣平知縣

呂際昭 由孝人任署甘肅隆德燉煌玉門靖遠四縣知縣寧州知州督理沙州金鉛二廠事
借補安西州判任州同正寧知縣加三級捐授奉直大夫

呂 徵 由孝人任湖南辰溪縣知縣

朱再文 由孝人任平江府教授

龐 驥 由歲貢任江西盧州府通判奉安上江
漕運事務一板府篆。見人物

陳宏綸 由貢生任全州訓導

龐 琛 由孝人任四川定遠知縣合州知州

李宏培 由孝人任永福縣訓導

呂鎮履 由歲貢任陽朔縣訓導

呂敏敬 由孝人任四川射洪縣青橙黃桑二縣監
課大使署潼州府通判

譚 欽 由孝人任江蘇
知縣

陳士貴 由孝人任平江縣教諭象州學正

黎 暉 由孝人任富川縣教諭

李熊光 由庠生任江西都昌

周運開 由武舉任江南押空千總

李文江 由附生任湖南會同縣鴻江寨
靖州零溪

明朝封贈

童 清 授修職郎戶部寶鈔司提舉

陳士洪 以子永壽貴封五軍都督府經歷

清朝封贈

龐鳳喬 以子穎貴封文林郎湖廣嘉魚縣知縣妻李氏封孀人

龐 穎 授文林郎湖廣嘉魚縣知縣以子驥貴晉贈文林郎江西萬載縣知縣
以孫嶼貴加贈中憲大夫分巡惠潮嘉兵備道妻陳氏封孀人晉贈大孀人

龐 加 贈恭人副室傅氏贈恭人副室李氏以子驥貴贈安人

龐 驥 以子嶼貴贈中憲大夫分巡惠潮加兵備道妻黎氏贈安人

李廷琮以孫灼貴馳贈文林郎河南登府縣知縣妻龐氏贈孺人

李昌祚以子灼貴馳贈文林郎河南登府知縣妻黎氏封孺人

龐驥授承_承法郎江南盧州通判妻曾氏封安人

呂若高以子颺美貴贈修職郎柳城縣教諭妻李氏贈八品孺人

江霖以子璣貴贈修職郎河池州學正妻李氏贈八品孺人

龐頰以子驥貴贈文林郎桂林府教授妻謝氏贈孺人

龐化緜以孫驥貴馳贈文林郎桂林府教授妻李氏贈孺人

龐松以子瑛貴贈修職郎浙江龍泉縣丞妻謝氏贈八品孺人

呂衍謙以子敏敬貴馳贈修職郎四川射洪縣監大使妻楊氏馳贈八品孺人

賴蒼立以子捐賤卅判宗肇急公贈徵氏郎妻 氏贈孺人

謝 壩以子捐賤卅丞羅印急公馳贈修職郎妻趙氏馳封八品孺人

呂維烈以子捐賤府經歷象履急公馳封修職郎妻龔氏馳封八品孺人

呂衍端以孫際昭貴馳贈文林郎安西州判加贈奉直大夫妻陳氏馳贈孺人加贈
宜人副室黃氏壽百有四歲封孺人

朱宏立以子再文貴馳贈修職郎平泉縣訓導妻吳氏馳贈八品孺人

呂 修以子際昭貴贈文林郎甘肅安西州判又贈文林郎甘肅正寧州知縣晉贈
奉直大夫妻謝氏兩贈孺人晉贈宜人

廖鳳正以孫捐賤卅總行武急公馳贈武信郎妻龐氏贈安人

廖 仁以子捐賤卅總行武急公贈武信郎妻龐氏封安人

呂興璜以子鎮履貴馳贈修職佐郎朔州訓導妻黎氏馳贈八品孺人

陸川縣志卷十五

人物

漢儒云人得天地之靈貴於物自知貴於物而砥行立名卓然於天地間斯可稱之曰人物貴賤顯晦無論也陸雖褊小其間川嶽所鍾道化蒸洽或以行誼或以才猷或以氣節或以學問要皆各率其性之所近而品彙成焉雖迹遠年年湮而遺徽流韻足以昭徃行而示來茲陸之人其亦聞而興起乎

人物志一

鄉賢

油鳳字儀廷號儀亭垌心堡油村人洪武丁卯科舉人授廣東肇同知有

德政永樂間陞交趾諒江知府政多惠愛卒於官士民思慕不忘記鄉賢

楊祭闕廂堡低街人宣德舉人歷官廣東參議道仁惠廉明所至有賢能聲祀名宦鄉賢

龐經泗里堡泗里村人成化庚子科舉人授福建邵武府通判才優政事署府篆見書院檄選所屬士子培植先後成進士十人愛民如子郡人德之邵武祀名宦邑祀鄉賢

龐穎字右魯號景軒泗里人順治庚子科舉人少卓犖不即奮志讀書康熙甲寅吳逆反正奉父母逃遁撫蠻大將軍傅宏列聞其賢騁襄軍務後回軍東征強之偕行力以親老辭為逆將姚馬所就幾死者數乘間脫逃隱博白窮谷中計前後六年逆賊滅始復業

壬戌撫軍郝俗徵修省志丁卯仕嘉魚廉明有惠聲戊辰夏包子變
武漢黃德相繼失陷穎設伏用間得保孤城清提督徐治都誅賊
辦軍需預機密夏包子即逐滅上其事於朝方議擢用穎孺慕念
切力請終養遭父母喪哀毀骨立服闋後建凌雲閣讀書所着
有燕邸集沙陽治蹟平寇方畧行世楚粵兩祀名宦鄉賢

人物志二

孝行

黎伯寬聰之子泗里堡五柳村人萬厯間以歲薦任浙江西安主簿陞
江南吳江縣丞事親至孝能曲成親志及親歿三年廬墓每哀號
攀樹淚點所漬樹為之枯

龐希睿歲貢生解元鼎之子泗里堡人為人性靜寡欲拾遺金數兩覓
失主還之足不至公庭縣令聞其賢請見贈以牛判百張携歸焚焉
遭親喪哀毀骨立寢苦枕塊不飲酒不茹葷不入內室者三年有傳

人物志三

勲德

陳居瑞由鄉舉任南寧路司獄仕歸因捕渠魁賈富用陳子英李涉
有功獻捷陞本縣捕盜知縣一年

陳敏由監生司理韶州擢知儋州有德教儋人懷之以憂去民乞晉復
還原任九年改知泗州儋州祀名宦

何清清湖堡橫山人由吏員兩為巡檢悉以能著成化間寇作時清省

祭家居隨布政使司陶魯以計滅賊遷學獨任其勞

龐杰由監生任番禺縣主簿智力勇畧成化間寇作與周南設計捍巢地方賴之

周南庠生有文學隨陶魯滅草寇斬其渠魁以獻地方寧靜後竟被害子世祥由監生任琼山縣主簿

孔時監生泗里堡山口村人判四川劍州年四十二休致家居性恬謔喜吟詩持身修潔居處謙和言動中矩鄉里重之

黎聰泗里堡五柳村人孝子伯寬之父任江西武寧主簿寬愛得衆催科不擾旱荒捐俸給粥跣足祈禱雨亦隨至嘉靖四十二年免運民飢無措乃為貸於宗室得銀千兩完免遷崇仁縣縣丞有

惠政祀武寧名宦

人物志四

義勇

舊志不着朝代第狼兵守城始自明則此二人應是明事狼目黃貴曉父子與賊戰俱歿於陣邑人共欽建祠以祀之

陸川城守把總郭志本邑人流寇劉鉄棍殺掠鄉村志領兵要之遇於泗里堡六邦徑口身先士卒殺首賊一人餘賊二人衆擁至力莫能支大呼曰我偶失機汝曹奮力歿於陣邑人共悼之

御評

陳嗣昌庠生泗里堡石牛塘人舉人陳大經之祖為人孝友安貧樂

道不以功為念，鄉里稱之。

呂純如，庠生，順安堡，桐心人。謹厚平和，篤于友愛。諸姪幼孤，撫養教誨，俱各成立。康熙二十一年歲飢，佐縣令劉昇陽煮粥賑濟，有死而無者，告施與棺木，閭里賢之。

李煥，字汝郁，歲貢生，吹塘堡，那業人。為人端方，厚重足，不履公庭。家故素封，明末之亂，揮金召募鄉里，保全族里。吳逆之變，亦然。遂致資產中落，然清苦自守，晏如也。至今人猶稱之。

傅颺，貞庠生，桐心堡，大垌人。撫蠻將軍宏烈恢復廣西，提授柳州府融縣訓導。秉性柔嘉，與物無忤。康熙二十一年偕舉人龐穎助米，佐縣令劉昇陽煮粥賑飢，德者甚眾。

陶坤，字真邦，號載菴，忠烈陶成之裔。遷陸居中塘堡，平樂為邑庠生。力耕深讀，仁愛性成，疏財好施。常述古人之言曰：「凡殖貨財，貴能施賑，否則守錢虜耳。吾力雖不逮，心竊慕之。」陶氏中微而復，與坤之力也。子若齡，俱秉鐸。

李廷淙，泗柳堡上寨人。歲貢生，昌祚之父。舉人李炘、李斌之祖。為人慷慨，徑直性篤，孝友值明季亂，負母匿深山中，備嘗艱苦，不離左右。及老，結茅亭於竹林中，深處養性，自適不預外事，並不事產業。之瑜，字欽臣，附貢生，關廂堡，粒食垌人。為人有識力，樂施予。歲飢，廣賑藉活者眾。驛鹽道張贈匾曰：「讀書務義，子宏業宏倫俱列。」歲薦宏詔附貢生。

謝天植字德培歲貢生任柳州懷遠縣訓導告致歸家教訓子姪築室清湖定埔山中足樂不入城市有詩集行世

江日富號義武進士江璣之祖秉性剛直力農自守當吳逆後地方蹂躪所居清湖學堂垆連博白化石東西兩省土寇竊發富設防禦破賊巢穴搜獲被虜子女還主鄉里賴之

周世稷性曠達詩酒自娛無心功名

龐驥字伯遶號牧亭嘉魚令崇祀名宦鄉賢穎長子領康熙丁卯鄉薦第四人端方敏達為文深醇有德邑名宦多出其門常為人解紛排難任江西萬載令愛士恤民尋以民欠掛吏議越二十年歸猶以詩文自娛髦而不倦

呂佐周字來賓號石景邑處士順安堡官田人歲貢生韻樂之父六代單傳弱齡怙恃並失值吳逆之變周入山保身壽六十七恩恤孤貧每遇冬寒制衣散給歲暮磨米施濟其子若孫除祀祖遵行者蓋四代云

成周字永新官田處士歲貢生宣璜之父置蒸嘗以宗族外宗鄭某乏嗣孫捐租二十石以為之祀伏波廟香燭不繼又撥入附近田租以供其需壬辰歲飢推食相濟甲午瘟疫廣為施棺嚴督子皆成名

呂興璜字行可增廣生大垌堡長山人拔貢就姪歲貢鎮履之父早喪父事母孝嘗舌耕以奉甘旨恐疏定省雖厚聘不遠離能讓產

以助兄貧排難解紛人多服之

龐驤字昭遴號梅岡嘉魚令穎次子領康熙辛卯鄉薦沉毅有識誠樸無華賣產助兄捐金修學常陰為善而不令人知衆咸稱不愧名宦鄉賢之嗣

呂若夔字典樂歲貢順安堡六蹄坑人謹厚苦心力學不履公庭教子姪最嚴待戚里和平邑人慕之

呂若益字澤峻父純如每舉子輒赦免田租故大赦二赦三赦四赦之日益即三赦也領歲薦性慷慨遇飢屢賑德者甚衆晚年清高自況不圖仕進子十八人俱成名

李昌祚字遠甫號修菴領歲薦舉人李炘李斌之父勤於舉業父困

棘闈落落自好有不可一世之概康熙癸巳邑大飢署令以瓜期近堅不發粟昌祚呼二子斌炘曰汝兄於本府大守李公錫有師生誼盍往呈懇以救一邑生靈大守乃飭縣發粟民賴全活生平詞嚴義正凡後輩至其前者必斂容敬聽毋敢稍怠惟廉潔一介不取樂施予有急必濟鄉里德之

炘字方中歲貢昌祚子舉人宏墉之父領康熙辛卯鄉薦性孝友剛直恒面斥人非亦過而不留見人有善輒疊稱道弗置癸巳邑飢署令堅不發粟炘與斌星奔梧郡懇憲飭發全活甚衆仕登封令政簡刑清適奉勅修少林寺督理與閩黎乘勢滋擾炘惻然憫之多方調護不累民不誤工尋以乞養歸倡修縣學暨建明倫

堂及母喪哀毀骨立逾月亦卒

李斌字敏中亦昌祚子舉人宏培之父與兄灼同榜鄉薦為人個儻有大志與人處恂恂然若不能言遇事每發一言必中肯綮人咸服其神識內蘊仕宦卽令鋤奸安良輿情大悅邑有水門最廣物產茲息藉活者不下千餘戶向皆官推其利歲入千餘金斌弛其禁民皆德之尋以命案掛吏議士民悼惜

李宗瀉字應侯康熙丁酉科鄉薦卹業人性孝友廉靜少壯典盡者瀉為代贖之不致失業仕安仁令一清獄便民為事

龐驥字周遶歲貢生嘉魚令穎少子性孝友生母李氏少寡驥奮志讀書以悅之母卒盡喪盡禮後李氏奉 旨旌表建坊驥構室

坊側朝夕對坊與感異母兄驥宰萬載縣逋負萬金與仲兄驥三兄駿計議各變產以助兄獲免歸居恒兄弟相勵善世有四龍之目仕廬州府別駕有政蹟戚里欽之

嶼字石洲號頤亭雍正丙午科試第二名仕廣東累宦至兩廣都轉鹽運使司鹽運使多政蹟有傳

嶼字于相領雍正丙午科鄉薦幼失怙恃父化繹拔貢生為邑名宿未獲第嶼自幼奮發篤學以克成父志與族子嶼同肄業於宣城書院撫軍李穆堂皆以國士目之課同儕嶼政蹟多籍贊勦嶼未仕卒秉性端慤廉潔老幼遇之無不起敬為文務去陳言深入理窟故教於奎峯書室造就成立甚眾著有榕塘合稿各體詩集

呂颺美字德章號巽溪恩貢生官田人任柳州教諭幼失孤事母先
意承志務得歡心母建坊功竣戚友集慶美追痛父喪而哀母節
之苦三日不食秉鐸深得士心卒於官

清朝鄉飲

陳大經繁昌知縣舉大賓

江淵副榜貢生舉大賓

李宗靖歲貢生舉介賓

陳宏綸歲貢生舉介賓

陳煜增貢生舉饌賓

陳宏紹附貢生舉饌賓

陶璠恩貢生舉介賓

李宗善耆老舉衆賓

黃垺耆老舉衆賓

黎若彥耆老舉衆賓

吳世光監生舉介賓

李勝豪耆老舉衆賓

優行

呂韻樂乾隆廩生

陳宏綸廩生

李崔廩生乾隆十七年見恩貢

李宗踪廩生乾隆二年見歲貢

陳鵬飛廩生乾隆廿二年見鄉舉

龐琛廩生乾隆九年見鄉舉

李嶂增生乾隆廿八年

呂際泰廩生乾隆廿二年見歲貢

吳勣周增生見例貢

龐璧附生乾隆廿五年見拔貢

耆壽

傅忠朝壽九十五歲武舉傳文之祖

陳爵壽八十一歲貢生陳煜之祖

盤書猷壽九十歲

潘自成 壽八十四歲

黎氏 壽九十歲 拔貢呂就 姪母

孔氏 壽九十九歲 生員張備曾祖母 知縣謝錫侯 給匾曰 聖朝人瑞


陳氏 壽九十六歲 貢生呂益妻

龐氏 壽九十九歲 鹽運使龐燠姊 行士徐學參母



421.360.233
34
23

陸川縣志
三



陸川縣志卷十六

節烈

致身矢志丈夫事也彼婦女不讀詩書不親師友乃知從一而終捐軀弗顧用植綱常於弗墜其志其操直與山河而不朽偕乾坤而常在雖巾幗寧愧鬚眉

明朝

謝氏朱文盛妻正德七年妖賊李通竇犯城獲文盛縛置木上索其金贖氏度無措語姑曰夫在可以撫幼兒不若以婦易姑兩難其氏毅然往謂賊曰夫之寶妾不知其所願以身待之夫取銀贖妾賊利其財又得淫其色遂許之久不至賊欲污謝氏謝罵曰痴奴吾誑出吾夫耳賊怒醢氏

梁氏生員龐維甸妻年十九失偶誓志守節繼母張逼嫁服毒死有死節行狀

清朝

鍾氏龍豪鄉莫子聰妻家貧事姑唯謹孝義克盡姑病思肉食氏割股煮羹以進事聞於官巡撫金祖旌之曰克敦婦道

陳氏垌心邑庠生呂繹如妻年二十六夫喪子二俱幼矢志守節撫二孤皆成立長若稷由舉人任河南輝縣知縣次若契監生雍正四年旌表

李氏監生呂若契妻節婦陳氏之次媳年二十五夫喪子正甫生六



月與姑相依為命朝夕不離五十一歲卒深以不終姑為恨雍正四年旌表

李氏嘉魚令穎側室胡廣蒲圻人穎聞其賢禮納之溫柔善下內外無間言年二十五穎喪搶地倒躍刻不欲生妯娌以子所生子驥甫三歲勸勉始強起稱未亡人每教子必稱先君驥薦明經任廬州府通判多政有善行皆氏督訓之功也學使徐樹屏顏額以贈之曰柏舟清操雍正四年旌表

梁氏生員龐順妻年廿八夫喪閉門自縊得家人救甦姑李氏以姑老子幼叔孤諭以大義梁嗣是毀容編素雖親族罕見其面姑卧病衣不解帶者六越月姑逝家貧兼值歲飢盡典粥以葬畢事夫歿

時子調甫一歲夫庶弟頰俱幼教養成立弟御薦子調膺選拔壽八十一秋雍正四年旌表

余氏儒士龐頤妻年廿八歲夫故止生一子家事蕭索苦志養孤皓首完節乾隆元年旌表

吳氏龐顛妻年十六于歸夫歿止生一子守節撫孤子早夭孫亦少亡氏與子婦黃氏孫婦李氏三世孀居苦節行道乾隆元年旌表

謝氏邑庠生家玉之女年十五適舉人龐驥子松甫五月而夫歿朝夕號泣誓以死殉叔播黎氏諭之曰汝夫死汝當以媳代子謝悟癸巳 姑逝時翁出宰江西萬載哀毀中節祭殮惟禮依古 癸巳 四年如事翁姑日事紡績不履外庭後以姪璞為嗣由貢生任龍泉縣

縣丞乾隆元年旌表

文氏陶璋妻年二十夫喪無所出有以不入耳之言相勸勉者氏曰
吾守志非守子也冰霜自持乾隆十一年旌表

黃氏生員江騰鰲妻庠生雷監生雲之母也年廿九夫歿矢志守
節拮据養翁姑紡績訓孤子乾隆十一年旌表

李氏傅宗禮妻廣東茂名縣歲貢生李鴻之女年十八歲于歸二十
五夫故堅欲殉夫勉從姑勸守志撫孤容毀縞素終身不離姑側乾
隆十一年旌表

蕭氏廩生傅宗禮妻鬱林州州判蕭芳之女年十三于歸廿五夫
故閉戶投繯家人發壁出之時懷孕三月慰以存夫嗣乃止復生女乃
以節孀李氏次子承繼氏事姑惟謹訓子惟嚴乾隆十一年旌表

盧氏陳瑛妻舉人鵬飛之母十六于歸十九夫歿止生一子甫周歲
氏失所天哀毀骨立幾致指生第念姑已先逝翁老孤幼矢志冰
霜艱苦萬狀訓子惟嚴孝義兼盡乾隆廿二年旌表

梁氏陳宏章妻監生陳岱母年十六于歸廿二夫故忍死撫孤事翁
姑克盡婦道後孤子亡與寡媳李氏共撫二幼孫艱苦萬狀壽七
十三而終乾隆二十二年旌表

李氏監生陳岱妻佐名世母年十七于歸廿二夫歿數日不食誓不獨
生姑哭勸撫孤乃勉從哀毀骨立數十年如一日人咸稱姑媳双貞
乾隆二十二年旌表

李氏生員呂直齋妻年十七夫病且危謂李曰兄無子早歿今吾又不免終吾喪當再適李撫膺痛哭曰非吾志也唯相從地下耳及夫卒哀毀絕粒死者數次姑乃泣曰爾再死其若重傷吾心何他日諸弟中令一子過繼亦不致斬爾夫嗣也氏聞言大慟矢志守節

鍾氏生員陳正緯妻年二十六夫喪水泉不入口誓同一坏繼以二子幼稚忍延存息勤劬撫育以成立

呂氏生員李昌壽妻年廿七夫喪所生一子方三歲矢志守節家貧如洗佐以十指

龐氏袁仲卿妻年廿六夫死止生一子無夫族依外氏矢志守節始終不渝處亂離中備嘗艱苦壽六十二歲卒

傅氏張才濟妻年廿六夫歿二子俱幼守節撫孤朝夕勸學俾至成立李氏官田呂應璜妻年二十夫故無所出翁姑憐之再適不從朝夕哭泣因而成病越數年而亡

梁氏生員龐頌妻年二十八夫亡生二子長五歲次二歲矢志守節事姑盡孝以子腰舉鄉薦

陳氏盧起宣妻年廿一夫亡一子周歲一子方娠矢志守節家道蕭條日勤耕織撫二孤成立事翁姑維謹壽五十歲卒

楊氏庠生呂衍謙妻年廿六夫亡矢志守節事翁姑盡孝生一子倬早夫庶梁氏生一子緯緯生一子未周月緯亦故氏霜守撫孤備嘗艱苦至十歲始養胞弟之子敏敬為嫡嗣年少舉鄉薦氏督訓之力

也乾隆十一年提學官獻瑤題匾旌之曰霜姿白首

馮氏呂衍哲妻年廿三夫歿一子份纔生一月氏柏舟自矢與寡嫂楊氏共事翁姑克盡孝養又抱胞兄之子以廣夫嗣二子俱成名

龐氏羅復義妻年廿二于歸甫四年夫歿遺胎生一子撫孤雛以事翁姑孝養備至及翁逝姑老而多疾日害膳馨替氏晝夜焚香禱天越十年

忽復明姑嘆曰若非龐媳之代禱曷能有此人咸稱為節孝所感

歐氏溫統妻年廿七夫喪撫孤子霜居五十餘年歷盡艱苦

奉旌節烈

譚羅氏

呂李氏 呂若高妻

呂尤氏 呂若高妻

謝黃氏 生員謝妻

謝李氏

生員謝效先妻 謝堂謝探母

陳池氏

生員陳曰桓母

陳黃氏

陳道濟祖

龐陶氏

監生龐壽母

奉學使匾旌

謝江氏

謝增妻嗣繹母生員國瑞國球國玠祖母李使錢 匾旌之曰霜松垂露

謝劉氏

監生謝錫騎母生員官朝祖母李使初 匾旌之曰昂孝流芳

呂謝氏

監生呂廣清母生員源吉祖母李使祈旌之匾曰巾幗儀型

呂黎氏

生員呂從贊母李使初 匾旌之曰畫荻綿存

徐黃氏

行童徐建德妻李使沈 匾旌之曰竹柏清操

陳朱氏

生員陳道妻監生侶孟母李使初 匾旌之曰昂孝如清

劉謝氏

監生劉家珍妻李使初 匾旌之曰冰心在玉

徐李氏

監生徐昇官母李使沈 匾旌之曰法協坤貞

呂謝氏

監生九齡母李使祈 匾旌之曰松筠

朱黃氏

監生朱上宜母李使汪 匾曰淵清勵志

陳羅氏

監生陳亦魚母李使沈 匾旌之曰柳傲松筠

李范氏

武生李時燦 李使然 匾曰巾幗丈夫

羅謝氏

羅宗勳妻

呂劉氏

呂生齡妻

呂王氏

呂依齡妻

譚李氏

譚昭旦祖母

李呂氏

李炳潔妻

李黎氏

李宏舉妻

呂陳氏

呂元齡妻

以上七婦雖未奉旌志以存其名

陸川縣志卷十七

藝文志

文以載道宣德而達情治化之羽翼也自古名公鉅卿忠臣孝子以及騷人遊客或融境成聲或因言寄托著述富矣然必有功名教有關風土并邑中名勝始登諸乘若夫風雲月露雖達人名作暨置弗錄後之覽者其鑒余之意也夫

重建陸川縣儒學記

陸川縣儒學舊在城南一里所興建者屢矣天順間知縣李瑄始遷置城南門內縣治之東堂殿齋廡茅舍竹籬相間逼近民房非惟不足以妥祀聖賢而師生朝夕講誦亦無所止息上下病之孟中稟命督學謁廟之日徘徊周覽大懼無以稱上昔既退諸生請曰學舍近民居湫隘殊甚迂復舊所便余躬謁自視已謂諸生曰茲地盜賊淵藪前之興廢不常者職此之由可再誤耶圖所以重建者而難其費校士之餘爰請於巡撫秦公絃曰前都御史朱公發銀六百兩修貴縣學宮今尚存二百兩願舉此以給之公慨然許之遂下梧州府知府何珖如檄施行因地畫圖授同知李智督訓導彭鑾典史唐聰鳩工市材先建聖殿兩廡次明倫堂櫺星門戟門集賢門神厨會饌堂以次建立不侈不陋有嚴有翼庶足以訓聖朝建學育才之意今知縣莊槩後飭而美之制度大備偕訓導彭鑾具事狀請記予惟陸川僻處萬山之中界乎兩粵四面皆通道之區民易煽以亂非教之詩

書禮義何以易強悍之俗為仁厚之風學校者詩書禮義之所自出
 司牧民者可緩耶今都御史秦公倡於上同知李公奉行於下皆可
 謂知務矣陸川人士可不思所以自勵乎勵之當何如必也諸書以
 明道至誠以達本尊君而親親重義而輕利寧直而死不曲而生推
 是心以往無不可矣雖然陸川之民素易與為義往年草寇竊發
 予與憲使陶君魯僉事黃君鑰謀所以治之既而庠生周南興省
 祭官何請以計斬其渠魁以獻地方遂寧後竟為賊所害若人非易
 與為義者耶嗚呼陸川之民其易與為義也夫如此矧服學校詩書
 禮義之教而自勵焉者異時出而仗大節為臣死忠為子死孝顧不
 尤易也哉宏治十四年辛酉仲冬穀旦

重遷陸川縣文廟記

明邑令張子翼

陸川學宮舊建於城之東南國朝天順六年一遷於南門內縣治之
 東宏治中提督學周公以其堙塞隘陋不足安祀聖賢也再遷於縣
 中街西至今上御極之二十二年知縣李君綽又遷於縣南里許十
 餘年來雖屢經修葺而牆垣究不免於圻傾者地基之低濕故也辛
 酉春予余奉命宰陸甫下車躬謁先聖睹茲光景感然不安已萌遷
 建之意第以入闈分校未暇舉行揭曉後復回任所而學宮既燬於
 流寇矣四顧徬徨不勝鞠為茂草之感遂揖搢紳士人而進之告以
 遷建之謀莫不忻懽踴躍願舉斯役於是相與於度基地擇城北爽
 壇之地而決計遷建焉既又思工費浩繁非藉衆努力無以濟也因

捐薄俸以為闔邑倡而生員李居欽慨然捐金貳百兩邑中人士亦陸續捐資相助共得白金五百兩有奇用是鳩工庇材諏吉於癸亥冬十月堂殿齋廡以次棟築迨明年春二月聿觀厥成矣當奉主陞座之辰邑中人士濟濟踴躍來與行釋奠禮予復揖而進之曰方今用人之道由於科第而未俗苟且讀聖賢書初不身體力行徒以記誦詞章雕繪字句為弋取科第之具由是風俗人心都不可問論者遂謂科第而士習壞焉不知士習之壞非闕科第也自古科第取士之法或以詩賦或以策論其途不一我大祖高皇帝撫有四海定以制義取士蓋欲多士沉浸於聖賢之義理以養其德性而由是以升聖賢之堂入聖賢之室固非多士之記誦詞章雕繪字句已也諸君

子讀聖賢書誠深思夫古聖賢之所以血食千秋與天地同其不朽者何在而盡五倫修五事務求踐乎士之實稱乎士之名非惟有以仰詞聖朝作人之至意抑且入廟而對越聖賢亦可以無慚色矣又安見科第之足以壞士習乎哉僉曰然遂書以為記嘉靖四十三年甲子仲春

名宦鄉賢祠記

明玉林州學正 廉東南海人 倫 詔

明嘉靖丁亥秋陸川名宦鄉賢祠成先是禮部奏准通行天下而欽差提督學校唐琮申諭各府州縣本司奉行唯謹蓋表彰賢哲以風勵將來甚盛典也陸川縣漢合浦地宋屬越州唐屬容州宋仍唐舊至明洪武十年始隸梧州當兩廣交會之衝有妙垌溫泉之秀風俗

漸美人才日興蓋自漢唐宋以來食祿是邑而政教可稱生長是邦而才行可錄者第以屢厄兵變記載弗詳考諸舊志如名宦則有道州吳庸以宋淳熙特科為都簿尉適季接倡亂統兵禦之六戰報寡不敵歿於陣節兵日月爭光帥劉焯上其事贈承事郎仍官其子明洪武初長沙王麟以卓犖之才筮仕邑丞興創之初能阜民利物秩滿之日保升邑長泉州莊槩成化己巳授戶來任簡易近民六事畢舉凡載榮歸民不忍舍臨安即珍宏治己丑拜官邑宰廉明仁愛修築城垣解綬之日民皆感仰南海彭金職曾縣尉志存經濟催科不授撫字有方嗚呼官績有名聞者固不止此而此數君子則遺愛之在民心者也鄉賢則油鳳以洪武丁卯登鄉進士初授肇二守而德政咸孚後改諒州守而士民愛戴楊榮發跡賢科職任同府初任廣州而政事不肯繼至瓊郡而廉明昭著龐經則文學俱優師儒不忝鄉薦政事長於別駕嗚呼人才有譽望者固不止此而此數君子則賢聲之尤著者也名宦鄉賢生有功德於世歿當廟祀不絕蓋功德自有公論焉耳前令以邑僻處一方漫不加意比龍川何侯至邑方釋畢慨然嘆曰十室之邑猶有忠信是邑雖小豈無賢哲乃奉宗主條約廉得來官與鄉宦之可畏敬而足垂範者若干人題其姓名官秩於木牌以表其賢欲分為二祠而學地狹隘求之地又非崇重之所於是移監學門於明倫堂之東面然後闢地於明倫堂之西面擇材庀工并名宦鄉賢而一創之於是歲之春迄秋七月而祠宇始翼神

樓既奠祀事攸行勤諸金石以告後人徵文於詔詔曰同學享祭每拘於迹毋泥於勢而惟其功德之相著也之數賢者世之相後不止百年地之相去千有餘里雖仕路有通遐遭逢有夷險而發跡崇卑之頓殊其功其德均無愧於天下後世矣俎豆登降之間不識觀者亦為之動容乎庸書此以復何侯之命

修陸川縣陽城記

邑教諭 梁維芳

易曰王公設險以守其國城池之設由來舊矣陸川古百粵地肇創沿革備載於籍我朝洪武初改屬梧州土城規制永樂年間傾圮成化時砌以磚石周圍覆蓋串樓通衢南北基址低薄不旋踵而歛塌矣連年修葺勞民傷財邑之父老僉謂必得廉明方能變通以綜

理也歲戊辰明府周公來蒞公明練達甫下車廣詢民瘼區其緩急察其利害一切使民宜俗作興士類者無所不用其極迨是庶務畢舉政通人和士民興化一日公暇登樓顧闕見城垣崩頽病於防守而宰是者亦難之矣也公感然嘆曰城池護衛長府黎庶事勿容緩遂擇吉詳請於當道允之築以陽城是用有蠱飭之變舉廢莫定焉乃動支帑金親為庀材鳩工不辭勞瘁不憚旁午凡百工費不足捐俸補之不動聲色庶民子來數月之間城郭峻絕巍峩翼然鞏固革故鼎新落成於今日矣基濶二百六十餘丈高二丈有奇加崇於舊四圍建高鋪敵臺兩樓包護子城勢安如山門北額匾曰拱極南曰嚮明規模宏壯雖金城千里都城百雉不是過也迄今居民貼席境

內晏然即間有突寇之侵坐享無虞公之豐功偉績不且與古勲至
比隆也哉陸之卿士大夫以暨百姓莫公之德仰公之功情不能恣
屬余言而銘諸石余不佞敢默默以寢公之美耶南山之雅云樂只
君子民之父母公其民之父母與樂只君子德音不已公其德音不
已與猗與祝公之惠與城並屋祝公之功與城並高祝公之聲名與
城千萬年同悠久矣公名文字述甫江西雩都人別號屏石於戲公
德澤行膾炙人口江津喬嶽未能悉揚厥休特綴數言用誌甘棠之
慶

裁城北稅廠記

邑歲貢 李昌祚

予老而善病杜門抱膝外他所弗聞也邇來謝使君甫下車別陋規
却苞苴予聞且喜然猶未敢遽定其為賢也邑有稅額列南北二廠
去城數武者曰南廠司之者猶畏法知職其北廠去城二十里諸役
縱恣雖斗粟只雞之微必征商民苦之已匪朝夕必有來告者曰使
君裁北廠稅矣予曰得毋奉憲令乎然他邑都有何獨去此得毋好
名乎且此廠之稅倍蓰於南謹俟之懼其或無以為人也未幾通詳
成案矣未幾勒石永禁矣於是心折其賢而樂聞所未聞也念自下
車至今方期月耳平反鋤奸子我元元若干鉅條次第修舉不賢者
能如是乎今且有事邑乘以創昔之所未創誠哉其賢於前人多矣
乃命二子炘與焮曰纂修之舉政體攸闕徃欽哉以共襄乃公毋辱
使君命寄語使君予毫且病筆花久秃不堪繪化理以為者謹獻野

忱命季男嗣錄附志未敢為佞也蓋冀將來以賢勸賢云

重修學宮碑記

龐景軒

陸川學宮其建也不一時其遷也不一地而重建於茲所也則自順治丙申以迄今茲垂三十載矣廟貌弗崇子矜寥落加以偽變兵燹之後風雨剝侵椽題朽蠹不能歸然作法魯靈光良可慨已迨邑侯衛公諱康穆蒞任以來他務未遑首以興學造士為己任越明年政暇人和遂出俸薪為紳士勸謀所以庀材鳩工無何事甫興而公以老告致矣會臨桂二月馬公諱圖文學篆茲土愛民重士輒慨然捐資以成厥美馬穎承二公命不憚煩瘁與傅子颺貞董督是役材取維良工期孔固而役夫則資於衆均而不擾經始於乙丑年正月告成於五月殿宇門牆規模宏偉煌煌乎大非昔日之觀矣諸君子屬余為文記之余謂人才之盛衰闕乎學校之興廢然其廢也不自廢必有所以致其廢其興也不自興必有所以使之興往歲甲子皇帝東巡謁先師於闕里行祀禮于家廟而又頒修學宮之詔於邵國其重師儒興學校詢追三代而軼兩漢矣今二公皆能體

聖天子之心以為心或創於前或成於後而都人士亦能體二公之心以為心彼供其力此效其財不數月而聿觀厥成妥侑

先聖昭崇道化豈無所使而然與由是崇廟禮難窺而宮牆在望諸士子肄業其間沐浴於聖人之澤游息於道德之場仁漸義摩禮陶樂淑涵濡日久當必有人文蔚起俊傑挺生後先濟濟出則為國家

之名臣處則為鄉黨之善士才由斯盛俗由斯美無負一
威世右文之雅化暨二公建學育才之美意則幾矣眾友曰然請誌
之以作左券用垂不朽康熙二十四年歲次乙丑孟夏

修聖廟記

雍正三年秋九月予抵任之次晨謁先師廟展拜之餘見櫺折椽
摧傳草叢棘都無善狀愀然念不風雨其除翦其蕪穢庸何能妥神
靈以崇光禋祀未幾且奉

旨詔所在有司暨都人士稱力捐葺乃進多士而告之曰大夫之象
修治其俎豆者其裔必昌童蒙之子洒掃其家塾者其人必慧十夫
之聚農功既畢歲時伏臘以葺其所常祀吁嗟澤宮乎實何地詩曰

思樂泮水寧惟是折摧叢傳者可樂耶亦思焉而已矣予請以薄俸
先汝多士其識繼焉然既誠於中而亦弗恤其繼之何若卜吉日興
畚挿鳩工取材初不泥矣舊制煌煌乎翼翼乎瞻有恪焉復進多士
而告之曰今者擇宮告竣祀事修明止矣乎未也顧名者貴思義夫聖
人之廟即天王天王作素王明堂坐明堂而布政宣猷端非漫易天地之經
生民之命君子守之而萬國安其常小人放焉而一身不敢自附於
人政化在此敦行崇道居佩禮樂而出奉典型誠繹論語一編上下
萬言何一非納民於軌物之中即以聖人天生使獨猶自朝乾夕惕
孜孜不遑其曰君子有三畏君子有三戒君子之道四其未能一其
慎懼謙抑較加於下士者多矣居四民之首家習往聖之訓已為遵

道得路乃俄而面規矩改錯焉背繩墨追曲焉競周容為度焉競竟與閭巷庸愚寄命司牧者同母乃為聖人之僇民黯然幽獨對余影且深赧恧吁嗟澤宮乎實何地而敢旅進旅退於其間乎爾多士不乏紛內美者乃今而後砥礪行標慄慄然尊所見聞登斯堂也考鐘代鼓悉茂行矯節菁莪棫樸之選為周之楨周之幹乎予為陸陽慶予為上國慶也多士識之肯雍正三年己巳

修啟聖祠記

謝錫侯

粵稽祭川者先河後海海者川之宗也祭川而及海亦不忘本之意也夫玉書吐聖人誕雖曰天地之孕毓秘極而洩蓄極而流疇非祖宗之積累所致哉此尊聖者尊其所自出尚矣即如宋封公元封王迄有明則通建祠於學校煌煌乎俎豆歷百年而恒新今且較前代而倍隆王爵之錫崇及五世嗟乎胄行神明令人追維前烈嘆篤生聖人者之聖德為不可及也予忝為陸陽令差幸

聖廟功甫告竣猶惴惴焉懼無以妥聖人先爰是鳩工庀材構五楹於殿後配壇從祀壇各稱其位雖不敢云輪然煥英焉亦既煥然維新矣繼自今瞻拜之下恍見聖人之子孫父子相聚一堂陸陽乎柳關里也

新建先農壇記

傳曰有能播五谷則祀之又曰粒我蒸民寔嘉賴之夫國以民為本民以食為先無食則無民無民則無國農事亦綦重矣哉予嘗以公

出閭巷竊見負耒荷鋤之輩祈求報賽遑遑以時謂我黍稷惟神
是依非此莫庸也今

聖天子眷念群黎知稼穡之艱難特詔天下郡縣建立先農壇壇前
開耜田數經畝制典禮備極周謹予敬奉命敢不殷然為主伯亞
旅倡嗟乎服先疇者不忘舊德第進農人而勗之曰毋滋蔓草致
害嘉禾或作或息各惟其時倘怠荒乃事南畝就荒爾婦子其何以
堪雍正四年歲在丙午仲春

新建忠孝祠記

先民有言曰讀出師表而不下淚者其人必不忠讀陳情表而不下
淚者其人必不孝在兩公當年不過以尺寸紙寫自己情私遂令後
代讀者洒無窮之淚又何自知其所以然噫善夫纏綿鴛鴦悱之忱匪
石匪席者已久矢諸寤寐值其時勢而登發為辭說怨慕泣訴雖極孺
子之哀音而終不覺後之讀者淚自聲出亦不自知其所以然予謂
仍是當年之人之淚特洒未盡今日適借我以盡傾之耳非我之別
有淚也今

天子念切忠孝詔各郡邑創祀時其祀典知往古來今海隅山陬槩
不乏人未容泯泯也先民謂讀出師表陳情表而不下淚特借以驗
人心耳若夫無忠臣無孝子天地亦無感之風雷郊廟亦無可敬之
醉飽第淚也乎哉予陸陽守令也祇承

殊命以崇先陸陽忠孝復為敷詞侑諸先生几席焉詞曰美人兮璇

11
宮秋蘭佩兮裳裳芙蓉雲笈七籤兮芳藉其中雖數化兮大息特賚
予兮渥隆築室兮建廡門兮宣慕容與兮無垠撫時採芳兮成禮冀靈
之式來兮如雲

新建節烈祠記

節烈忠之比也從容就義者忠慷慨赴難者忠第忠不分名而節烈
分也夫婦以夫為天鹿車共挽鬢毛對落幸矣脫罹於難焉維時聲
咽窮猿血染杜鵑得同覆土本固甘之甚其獲不足塞責如堂上全
顏懷宇中且穉又計續其禋祀而謀續之於他所生寸腸九迴萬不獲
已乃忍寸息強起而稱未亡人慄慄柏舟風雨淒其若畢其世悉坐
重雪之夜矣企彼美兮是何異於忠之從容就義者至若手有劍而
口有血決從一無二之義或出其夫於顛危以身相殉或起其夫於
沉疴以肌為藥紅顏草茵螻首邱山共妻多苦節乎與之共千秋者
也其起視忠之慷慨赴難者又何多讓焉嗚呼嗟哉巾幗女子耳而
冰心俠骨志氣浩然彼讀聖賢書侈談綱常名教食人之食而不事
人之事樂人之樂而不憂人之憂頑頓集垢是所稱鄙夫是所稱妾
婦也悲夫

節烈卜氏墓記

去城南里許曰萬丈坡節烈卜氏之墓宅焉竹樹叢侵樵牧踐踏
墓傾為坪而將忘其址孝廉龐居驤重公事造宰室而告以所乃墓
工斬伐實土而封其壟鑄石以表之事竣晨往拜墓下且與居民約

據五十步而樵牧者罰無赦明日龐居進而謝曰卜孺人貞骨芳魂
 幾與芳烟草蔓草同其湮今君以碑以封墓用歸然盍勒一石以誌
 諸後乎予曰世之居顯要擅威福趾高氣揚輒自計為鬚眉男子衣
 冠丈夫一旦臨大難決大疑利害橫胸是非違心呢呢喁喁宛若妾
 婦嗟乎衣冠鬚眉中豈少巾幗哉聞卜氏之慷慨罵賊捐軀全節則
 亦可愧矣若其墓之滅而復存君悉告我君之惠也後之蒞斯土者
 護而理之則一杯千秋非惟卜氏受賜已

節烈卜孺人墓記

龐 驥

予昔者從先王父過萬丈坡指示予曰此卜烈婦墓也原即瓊海人
 邑侯張諱子翼之妻賦性剛烈持守嚴謹適侯理閩事流寇犯城孺
 人率哨兵鄉兵守禦冀援不至城陷賊擁入衙署孺人登樓罵賊賊
 逼之墜樓而死及張侯省旋哀悼備至暫葬孺人於此不封不樹為
 後日改扞計詎料侯旋里不復來陸而孺人遂長埋焉小子誌之因
 兵燹後牛羊雜踏右塋決崩石牆且半露荒殘烟草矣余目擊心傷
 者久之適謝使君抵任訪忠孝遺芳採節義潛德予亟以告使君為
 之咨嗟嘆息輒鳩工修理去榛蕪厚其封土勒石以誌之備物以祀
 之又為之中採樵之禁嚴畜牧之擾嗟乎使孺人無墓而有墓行道
 之人咸知其為卜烈婦者矣謝使君之澤及也予得徵公之所以宅
 衷矣衷

伏波廟記

謝錫侯

治出東南逕一水而浚沙石稜稜疊起側峙居蠻馬伏波之廟踞焉
 新令者至例有祭予為有漢名臣祭之固所乃齋宿往拜守下孝廉
 李君惠宗淳家其近址聞予至來相道歎且携以遊曼日流觀若波
 濤之汜溢如草木之紛披魚歌樵笛遠近相答岫雲谷靄奇幼盈眸
 俯仰上下之間恍乎蛟龍文章條忽焉不禁臨風自息矣李君請以
 故予曰新息與諸葛武侯其勲業非隱伏弗昭而又紛有逕庭者今
 宰執請增祀武侯於學

天子詔曰可而竟未議及新息豈古人之遇合亦有幸不幸耶他日
 得趨對大廷敷奏乃公後謹以此為請庶幾乎遂予志之所感李君
 是之

圓通菴碑記

謝錫侯

白石甲之圓通菴維代孔綿萬歷間有江西吉安黃姓者舍身奉佛
 并其腴田若干齊入作蘭膏供吳逆之變土人以亂易亂剝佛而金
 償酒錢所謂蘭膏供已甘而啖之賴盧秀才某起而禮理其事於霍令
 得返汶陽未幾復囊之而去里民公鳴於邑令而壁仍歸趙未幾又
 被強而有力者視為固有幾十年嗟乎出入方便門中迭為座上嘉
 賓厥田亦可謂得圓通法者甲辰秋孝廉龐驤以及一素招古潭上
 人田錫聖武專主戒壇繼白石甲黃彩華等覩圓通墻圯椳爛坭土
 佛不能救落水羅漢乃聯名請上人為維那以修以葺神樓攸芋前

來乞言勒石予何言哉第告之曰取非其有非禮非義是不待教而誅此明條也我不拈一粒未低三回頭而猶染指菩薩當前頂門吃大黑棒時方急急念阿彌陀佛晚夫數語落上人意如上人願焉至捐助之多寡暨諸名氏請特書直書行右以昭當年慷慨好善者

六冷祠記

六冷溪名也羅侯何人而祠以六冷名豈非以是溪屬之侯哉溪之流不遠其流屈曲而清溪之上則羅侯祠焉諸鄉人之遠溪而居者咸神而祀之故棟宇之傾者理舊者新迄今入羅侯之祠而見廟貌巍然東山列其左鳴石峙其右瀑布掛其前溪聲潺潺與鐘聲相響答噫侯之德所致與柳侯之靈使然與詢諸故老曰予生也晚侯之名亦相與忘之然聞之前人曰侯之生甚異人有禍福言之輒應至今鄉人之祀之者歲時祈禱亦若是焉已矣予曰侯之靈既聞命矣而稱之以侯者何也曰噫予不聞之謚法乎有請於朝者有議於私者我今鄉人之尊而侯之其亦私謚之意云爾予何疑焉然則祠何獨建於斯曰侯居於是極愛是溪之清流故建之而即以名其祠余曰唯唯為之記羅侯祠

羅侯姓名無考縣東七里六冷也有仙術能以禍福曉人後尸解於六冷溪上數日顏色不變鄉人異之立祠以祀禱輒應禮曰能捍災禦患則祀之里社之間歲時祈報雖不飲於有司亦經祠非淫祠也鬱林陳科鑣附書

重修縣學記

先師孔子道冠古今德參天地樹百王之模楷立萬世之師範春秋
俎豆典禮加隆文廟祭器並入交代蒞斯土者自當敬謹保護以副
聖天子崇儒重道之雅化方為無忝厥職陸陽雖屬輒邑而翩翩仕
路指不勝屈霞起雲蒸更僕難數宜乎膠庠丕煥棟宇常新矣顧自
十餘年來縣令一官非遠掛彈章即權時代庖曾未久於其任致學
宮修葺無聞傾頽日甚明倫堂守坍塌無存兩廡鞠為茂草歷任因
循已非一日己未冬余奉 憲委攝篆是邦釋奠之餘覩茲殘廢蒿日
興嗟思欲重修而力綿不逮爰揖縉紳李登封守謀以眾擊之策
順風一唱而觀察龐公首捐重貲其鄉宦先生以及後起之後亦莫
不欣然樂從多助寡助共計約四百餘金簿書鞅掌監督為難復於
諸生中擇公平者董率其事鳩工庀材於庚申之夏興工是歲臘月
告竣宮牆殿宇大為可觀從此彼都人士愈知 聖人之可尊儒術
之足重趨向端而心志一德業盛而人材興予固於此有厚期者矣
因序其梗槩而為之記時乾隆五年庚申季冬

重修陸川縣學宮記

孔廣平

陸川為古繡州地山川明秀風氣清淑其君子溫文而有禮其小人淳龐而畏義是雖由沈浴於聖朝加意學校之恩者深亦從前賢邑宰能惠先務使之然也余忝至聖裔歲丙午來令茲邑謁廟後徘徊瞻顧見夫椽桷垣墉漸就傾圯即慨然有重修志未敢遽作以勞民也迺視篆未幾旋調署興業縣事興之學猶陸也爰以不得為於陸也而舉新之於興獨愧余蒞興三載短於教化不能彷彿治蜀之文翁還念陸人士氣節文章素稱鬱_乃即巨擘人不獲新其黌宇以妥先聖而召後學心竊憾焉而不圖旋陸之日仰瞻廟貌已煥然俱新矣問誰實倡之僉曰前任漢嘉楊公其能急先務者乎而或者謂吾夫子宮牆固歷萬世而不毀者區區修建亦分內事耳何足為楊公重_柳知修宮室與修其身事不同而術相似也人_去聖人遠矣其可造於聖域而恃此修焉而已昔明道先生有言曰治天下以正風俗得人才為本彼學政之不修師道之難立後生無可興起無以成就之方由是思之修者治也治而去之之謂也自茲以往誠能因而山水導焉濟焉乘而風氣安焉遷焉去其不如聖人勉其如聖人者將見達而兼善世道賴以不墜即窮而隱居亦足以淑世而範俗則楊公此修不重有裨乎是舉也經始於己酉九日落成於庚戌六月僉謂記宜屬余為

至聖裔且先有志於重修也余既樂觀厥成因推公所欲言以應邑

士君子之請公諱書最西川巨族以丁酉舉人署陸篆稱賢邑學
博臨林朱居阮藤縣蘇君秉晁曲史江蘇吳縣章君來泰皆贊襄文教
而邑紳之董役勤敏又以丙午科舉人揀選知縣陳君學海府經歷
職呂君象履武生龔君以剛為之最供例得並書乾隆五十六年歲
次辛亥

陸川縣學加額記

孔廣平

陸為學考西小邑故選弟子員僅八人而文風甲於一郡操鑑者每嘆
設額之隘而無如之何歲壬子學使者吳江費公力請於朝減西林
凌雲額學四名而增為十二由是陸人士歡欣鼓舞以為余慶且曰
邑學之仰荷加額也雖 朝廷之盛典學使之厚惠令長之德化抑亦

至聖之神靈實式憑以至致之也先時己酉署縣事漢嘉楊公重修
聖廟邑之捐資襄事者指不勝屈今日之盛實於此肇其基焉蓋誌
志之以為後來勸乎余曰 聖天子作養人才之至意學使者量材
哀益之深心於邑宰何與雖然盛朝渥典之頒適當文廟告成之後
其所由來或即如云云未可知也且夫天之生物因材而篤栽培傾
覆於天無與也大聖人參贊化育過化存神雖無一人不被其澤而
實難為自棄者強予以所不欲是故禍福咸自己求成敗惟人自取
今陸人士奉 至聖為依歸大而綱紀倫常小而日用飲食惟 聖
教之是依故即程以聖靈妥侑之區棟宇或有未完垣墉或有未飭
莫不約之椽之輪焉與焉欲一聽諸風雨飄搖而不得無或乎人文

日盛遂致 渥典之加前人之愛莫能助今之人乃不期而自至也然則學使者之加意於陸因可加而加之非必加意於陸也 聖天子之增廣於陸因可增而增之非必增廣於陸也今無文翁治蜀之能幸獲躬逢其盛而陸人士且謬以為令長德化之所致也余則滋愧矣即楊公之重新黌宇丕振文風亦因陸人士之蒸蒸日上進而勸之俾勿壞以迎機而利導之豈必獨加意於陸乎哉然 盛朝渥典之頒適當重修 聖廟之後如所云云誰曰不宜繼自今誠能循而不倦將見畜道德能文章之士接踵以出則科甲之盛正未可量詎學額之加而已乎陸人士曰然請誌之以為未來勸

新建三峯書院記

提督學院 許道基

書院之設以佐學宮肇自宋元建置半天下郡邑生徒萃焉進德修業親師樂道厚以專以積以小成大成育才之效迨古黨庠術序遺意則務之當先也陸川粵西小邑而俗稱淳士彬彬禮教近文接踵舉科第漬 聖化久且日上顧未有書院先是邑之人士屢謀經始以莫適為主事不集乾隆乙亥冬石居崇先攝邑篆不三月政闕教養激勸者次第舉而創立書院其一也明年二月余接鬱林君率其人士以院之未有昉也乞署名且記所由昉余聞而嘆曰粵士之需教也亟矣而郡邑博士之不克徧教也審矣予始至新邑必在塾求師以勞來後學交修博士之不逮顧願力不齊徒抱以默也而君遽

能之乎又仰而思曰志稱三名山在南一里峯列如三台向學宮並
 人文之主山也院近聖人居而化成人文實學之支蓋即以三峯名
 之於是陸之士聞其名也而喜予進而詔之曰爾知名三峯之意乎
 元功運行彌綸塊北若窪若突不知而然惟山岷列岷礪阿青碧空
 嵌得天地正骨秀氣峯之於山尤其巔者也隱隣下臨峻嶒上挿芒
 射星精位崇五雲峯之自為名哉骨氣使然天不能不凝地不能不
 伏固以藉靈巍峯立景穎水吸精導脉生我人文豈不欲以峯之三
 台為貴者相乎不求其骨氣而已矣骨氣生而有之則正且秀亦賅
 而備之而第拔之勿傾以邪擢之勿蒙以穢正者峙秀者出標格所
 樹天自凝人伏聳然而獨實是亦人之三台己人有圭爵峩峩金紫
 赫煊而時過名設不克卓立千古無化骨廢而氣消也惟立德立功
 立言之不朽比諸山峯之不騫不崩蓋積厚者峻極有主者常貞故
 曰居仁由義大人之事備矣士登斯堂面斯舉顧名而思義砥節而
 磨光亭亭乎獨立之姿高乎不可掩抑之槩則峯之精神攬而收
 之方寸矣粵山靈奇甲寰宇大容起伏尋鬱梧三郡在陸則有鳴石
 謝仙丈龍鳳凰石湖金坑諸山他有名者尚不勝指其清淑磅礴皆
 可作三台觀也詩不云乎高山仰止志嚮往也魯頌思樂泮水而繼
 之詹泰山孔子登而以小天下士時作三峯想則可以小陸而陸藉
 以不小矣石居西蜀名孝廉官秦中十年所至拳拳育士今之來豈
 其事之遷效之不可必而亟之先務者居家徂徠先王勇於任道以

經術教授南京在大學弟子益眾大學之興自此始士以魯之尊俎
 袞者尊焉君能薪傳符合一以教大學者教陸是未嘗小陸而陸之
 士可自小乎余既署陸之名山而大期之復告以學山之實為正骨
 秀氣而非徒轉魁傲雲外暴之是求若夫扶正惟志志立骨動擢秀
 惟學學沉氣華志在希古學在窮經不然無從入也多士識之而已
 於是陸之士聞其所以詳也而益富乃文諸石以驗其效焉

新建三峯書院記

石崇先

記曰君子如欲化民成俗其必由學乎是以古之教自州閭以達王
 國無不立學之地自國子至於庶民無不與學之人自春秋及夏以
 至三年九年無可去學之日教士之法依古為昭我國家作養人才
 振興鼓勵各省會建設書院為多士廣誦讀之地慎師儒之選而淬
 厲之何莫非古者所立學之遺意與歲在乙亥余攝陸篆覩其衣冠
 文物彬彬然禮教邦也其學宮崇聖祠明倫堂凡有關於學校者悉
 輝煌整肅獨書院缺焉紳士等呈請於城南^高文坡創建倉云籌之既
 久未興舉耳余曰此盛事其亟圖諸爰集紳士履其地相度基址建
 講堂一進藏書閣一進門樓一進各三門兩廊書舍各十二間詳之

上憲批允舉行通學憲按臨科試諸生稟請賜記題額額曰三峯書院記又取三台山對峙之祥為多士勗猗歟威哉都人士藏修遊息砥節勵行日漬夫禮樂詩書之教以馴至於小成大成之效蛟騰鳳起霞蔚雲蒸俾鍾其祥者無負於其祥且不僅於陸邑之祥而直可謂國家之祥以仰答 盛朝樂育之盛典克副上憲期望之深心余所厚望焉是舉也經始於乾隆二十一年三月落成於十月費銀六百有奇所有捐資姓氏并設書院修脯士席糧田勒石以垂不朽

重修卜氏夫人墓記

石崇先

城南三里許萬丈坡貞烈卜夫人墓在焉溯其所自廣東瓊海人明嘉靖邑令張諱子翼正配偕隨任歲辛酉張赴省分校適流寇犯城夫人率民兵拒守援絕城陷賊逼衙夫人登樓北面再拜墜樓而死越三日土人覓得其屍顏色如生藁葬於萬丈坡不封不樹尋張侯以事去不返貞骸烈骨遂永瘞於荒郊杯土歷百餘年幾無有過而而問者追我朝 雍正三年前令謝諱錫侯始築墓鐫石作文以記載之省志有土梗陳光居與墓鄰侵其地署令陳諱觀世暴其罪擬發配令去侵踞如故乙亥冬余攝陸邑篆親往謁墓重申五十步某築垣以界建亭設祀維時偕紳士李宏培呂颺綉陳宏詔龐琛等洗滌舊碑宇迹忽見石紋松竹儼如圖畫詢貞烈之氣盤結發洩之奇爰徵各名詩勒之貞珉以誌不磨乾隆二十一年丙午年

圓通菴記

石崇先

縣東北二十里白石甲有菴名圓通者明萬曆間江右吉安一癸所創也癸慕清淨法披幽雅入空門并其腴田租七十石載米二石一斗七升為蘭膏供自兵燹之後蚕食屢矣甲民三控而趙璧三復乙亥冬余攝篆是邑邑之人士以陸之未有書院也謀於予予不敏勉襄其事丙子夏有自稱亥癸後者具詞懇折撥民米六斗三升租二十石助書院膏火費甲民是之而獨以非癸裔斥噫癸之子孫有無何必深考而褒美舉之意誠善也予嘉其意允眾請其餘則仍歸之菴復據甲民具呈求予為文勒石以垂久遠予何言哉夫人情有利則趨財產無主則散以梵刹之業歷數百年之遠斷碑殘碣考稽非易宜鄉曲小民垂涎者眾將聽其散而無統是佛之醮會無資也癸之邱墓無主僧之膳膳無出菴之傾圮無補也今與甲民盧泗矣并亥琰等約經之理之扶持保護毋致侵漁耗散也可若夫思染指肥私囊匪惟神不可欺且有煌煌之國法在是為序

重建修竹菴記

石崇先

陸川僻處偏隅最爾區也然其山川秀麗恒多名勝足供遊覽余攝篆茲土一切興利除弊思所以攝其人民為先無暇謝公履尋山問水也閱陸志有所謂修竹菴者邑名勝溪水清流石峯壁立其梵宇之幽靜足以洗濯塵襟而摩雲一閣又可以憑高遠眺不禁心嚮往之省視西疇之際或得一寓目乎適近寺居民以重修菴請謂東山

之麓向有小菴顧曰修竹前明陸一清修道其中施撥田米一石五斗八升後生員黎瀛亦施糧米一斗為常住費未幾燬於兵廟宇將頽摩雲閣亦廢所施田畝里戶侵漁其半康熙四十九年邑貢生陳之瑜惻然動念問於前任復還舊業重修廟貌將田米交住持管理後侵漁復然前任謝尹特為立碑詳記第僧多浮蕩未半年浪費一空不能統理定踵前轍爰於乾隆十六年呈於縣公准貢生陳宏紹理鳩工庀材為重修計求記以垂久遠云余竊惟寺之興廢固藉乎田而尤藉乎人昔海內天童寺有莊三十六所田一萬三千餘畝寺田之廣無以過之其後斥廢殆盡况修竹僅田若干畝乎今廟貌修復廢興墜舉莊嚴畢備修竹重開生面矣古人不惜貢金圍八十頃余何靳一記爰書其始末詳載於碑

重修陸川縣儒學記

邑令 應斯鳴

陸川縣學自前明嘉靖知縣張子翼遷建城北清朝順治十六年知縣周士選重建之嗣後修葺者再乾隆戊寅臘月正殿傾圮前任張章以丁憂離任未及營構己卯夏四月斯鳴來宰斯邦南下車恪恭謁廟見正殿無存兩廡朽蠹將傾周遭四顧凡椽桷牆垣多損壞剝落心甚恚焉遂與教諭羅溪訓導姚景温典史蔣邦瑜等相商曰興學校崇教化為政者首務也吾輩當捐廉俸以為紳士倡僉曰然越數日闔邑紳士會聚明倫堂踴躍捐資效力共圖創修公舉貢生陳宏紹舉人李宏壙武舉呂颺繡貢生龐峴監生陳名佐等經營規

畫庀材鳩工與典史蔣邦瑜董督是役也和衷協辦朝夕勤勞饕飮皆各自備毫不支給公項於是財用有資督理有託不待勸勉而事克集諏吉於六月十八日興工先建正殿培土增高共計五楹次建兩廡各五楹其啟聖祠明倫堂名宦鄉賢祠及戟門禮門義路門凡倒塌之處皆次第完葺泮池圍橋浚深新砌櫺星門添高聳立階墀圍牆修造堅密門外鼎建下馬碑以至神龕木主几案匾額俱革舊而更新之既而棟宇巍峩內外鞏固黝堊丹漆潤色輝煌視昔日規模更覺美備乃卜仲冬之八日率官僚紳士恭奉先聖神主陞座行釋奠之儀趨蹌對越肅然如臨其上祀典聿修以妥以侑庶足上副聖天子尊師重道之意廣宣棫樸菁莪之化矣今庚辰二月工告竣計費白金六百有奇其助貲姓氏另鐫諸石予樂觀厥成爰記創修始末額手稱慶曰學宮者起化之基端士習振文風善民俗莫不植根乎此陸川素號多才科名仕蹟後先炳蔚為鬱林四屬之望繼自今尚觀感奮發研究經義勿徒記章句務求躬修實踐篤五倫敬五事備五常正心養性存誠戒欺雖聖賢堂奧可循階而升也由是明體達用御閭效其模範民物被其恩膏朝廷資其輔弼立德立言立功皆吾儒分內事地無論邊腹也人無論古今也顧力行何如耳願與多士共勗諸

新建萬壽宮闕帝殿合記

應斯鳴

予蒞陸川之明年庚辰春正月邑之紳士耆民躋公堂慶賀以次謁見予詢謀於眾曰春秋祀典文武兩廟並重茲文廟建矣而武廟推類何以見行拜跪獻裸之禮乎且今歲皇上五旬萬壽何以爲臣民慶祝之所乎盡亟圖之眾欣然相告曰比年以來風雨順穀粟豐民物寧上荷聖德之懋懽默召神靈之庇佑頌祝崇報萬姓同心顧未有宮殿以來輿情予乃先捐廉俸十九堡士民踴躍助銀而典史蔣邦瑜毅然不辭勞瘁匡襄督理始終仔肩爰度地於縣始之右舊廟東向一樣湫溢木腐墻崩悉掣去之遂新闢基址卜定南向爰四月大興畚鍤工匠雲集凡木石磚瓦採擇悉皆精堅秋七月棟樑椽桷具備分布上座前座三間上建樓台爲慶賀結彩之區其下爲殿門爲班房中座五楹爲大殿崇奉闕聖新塑神像左右翼以長廊朔望宣講聖諭僚屬各就厥位上座三間爲萬壽宮正中安奉龍亭遇慶賀大典文武官度集丹墀跪叩行禮東西朝房各二分列值宿初班周圍垣墉緣繞結構極壯麗恢宏仲秋之吉恭祝闕聖於新殿堂廡肅穆階墀廣寬登降陳設內外誠恪禮儀大備八月十三日欣逢萬聖壽節先期示諭遠近紳士濟濟咸集隨眾官詣宮前叩賀四方來觀者闐街盈門莫不魚貫而入稽首歡忻其呼萬歲連日鼓樂筵宴謳歌遍滿遐陬予於此益徵聖化之洋溢神靈之感乎而人心之易於從善也陸川屬粵西邊

徼至京八千六百里之遙凡大慶大祀之典非耳目所習見稔聞者
 乃邑宰首倡士民羣然響應爭先捐貲不數月而宮殿鼎創豈以務
 名哉良田漸摩於德澤感激於忠貞處荒裔之遠如覲天顏咫尺生
 百世之後仰慕漢代畫臣具愛戴欽崇之心動乎天性不覺勃然自
 生翕然大同推此心以行已接物則教不肅而成政不嚴而治彬彬
 乎禮義之邦矣斯舉也酬君恩勵臣節安神靈一興作而三善備焉
 至於踵事增華保護修葺更賴後來者之各盡其道各盡其心耳無
 庸乎囑

伏波灘右新建文昌閣記

孔廣平

觀乎天文以察時變觀乎人文以化成天下合天人以言文其為文
 也夫必有司之者矣是故神道設教聖王重焉天垂象而傳說為列
 星理固有之不容誣矣文昌實北斗之一星歷代臚於祀典玉衡照
 耀文教用彰賢才感而儒學振興隆臨下民惟神是賴道家所記又
 言神降生於人間則為人詩稱孝友燕喜即化其身為之士子科名
 實掌其籍斯言信否未可知然而孝弟之至通於神明固人也而以
 神事之疇曰不宜陸川為粵西偏隅其為士者能文章砥礪廉隅農
 民勤於稼穡簡其秀良亦與為善縣治南三峯聳峙曰三台山乾隆
 丙子始建書院於陽構高閣以祀文昌用昌文教而他所未之有也

伏波江發源縣北分水縣東文龍諸石合諸水以達濂江而入於海
水勢湍悍清流至難面墟西南有灘廟祀伏波將軍於其麓山石根
角橫亘水中水至此為石所阨怒奔突若驥騎之奪重關以出沛
然一放乃少休兩崖之間沙平而土曠為形家言者謂由此而下水
且渙矣渙者必陰有以翕之而後其氣聚享於帝立廟先王所以萃
渙也其地爽塏則於建閣也宜閣高明則於祀文昌也宜邑中諸居
子是其言協謀量方庀材鳩工經始自丙辰之秋越明年三月而閣
成奉文昌形像於其上春秋秩祀俎豆用修余惟壓勝之說儒者勿
道禱嗣求福亦矯誣者之所為斯閣之建固將使學者仰而望知祿
命之攸司存乎天反而求知性天之垂教存乎人敦孝友以培其根
念典學以竢其實夫人雖殊其理一也知其說也夫且合一邑之士
習民風駸駸日上本立而道生固不特迴狂瀾於既倒矣鎮壓形勢
也乎哉廣平官遊於此先後歷七年餘教澤不施今嘉諸君子坊民
事神崇尚斯文之至意而幸得瞻拜於閣下因其以碑記為請而書
所見以遺之俾刻諸石時嘉慶二年歲次丁巳

孝子黎伯寬傳

公諱伯寬字仲容號方塘其先江西人也家陸川父諱聰陸川歲薦公秉姿敏穎讀書過目成誦母早喪事父每食必待每出必告每反必面昏定晨省歷十餘載率以為常父或遘疾則憂形於色衣不解帶湯藥必親嘗迨至沉疴雖憂苦猶強慰父曰無虞竊自呼天號泣求以身代嘗糞甜苦以卜瘕劇有古黜婁風君子以為難焉泊乎父終執喪哀毀骨立逾月卜宅兆而安厝之築室墓前不問家人產業朝夕進膳如事生儀時扳樹號呼涕淚著樹樹為之枯牧童樵豎聞之感動歌曰黎孝子黎孝子見親無有期思親何日已其至性動人如此雖禫祥歸家猶餘哀未忘遠近嘖嘖嘆羨弗衰昔人云求忠臣於孝子之門公由明經官浙江西安主簿歷南甯吳江縣二尹所至有政聲使公職司大僚當與古人名臣爭烈矣而竟以縣丞終可慨也夫雖然古來之膺高爵厚祿赫赫一時者曷可勝數而名卒湮沒不傳請以視公其優劣何如耶大夫子六長可耕登賢書知安順州次可耘以恩貢歷安定縣戶三先卒四可耜由明經任寶慶府教授五可耨以鄉薦知漢陽縣六可耨以選拔任潯洲府教授公可謂有子矣人以為孝廉所致云

孝子龐希睿傳

公諱希睿字士哲號月川生而仁孝稍長出就外傳放學歸依依膝下復館遲師責之曰子非逃學者乎曰學以何者為重師曰以科名為重曰抑未也所重者孝耳某事親不暇非逃學也識者奇之既而身列黌宮每行一事必告其父母曰某今日所行某事每交一人必告其父母曰某今日所交某人惓惓然必求其父母喜悅而後即安一日者母疾急倉皇失色求醫藥行不成步幾乎墜於來清橋下日夜侍側衣不解帶母不食己亦不食疾止乃復初俄而遭父喪水漿不入口淚盡繼之以血居廬守喪三年足不入內室口不茹葷腥止需一老僕侍茶服閱檢其寢苦如糞粉生平不治生產家世清白薄田無幾一任季弟分予縣令嘉之贈以牛判百紙蓋一紙可得銀五錢歸告母曰殺百牛之命以資朝夕可乎悉焚之有捕兵奉上解屯田餉銀凡數十兩酒醉失落公拾於道上晚歸不抵家爰宿聚奎峯書房次早寫拾帖於城北南門兵來識認還之酬以一半公曰豈受謝者速持去兵感激無地領歲薦無心仕進嘗賦詩有云老淚兩行惟母在餘生一日即家居著有周易精義儀禮雜解並選錄古詩文約二千卷明季兵燹散失父鼎萬曆辛卯科解元子二長鳳裔邑庠生清朝勅封文林郎次鳳歷

龐運使傳

廣西學使 許道基

龐運使諱嶼字石洲號曰頤亭先世自化州徙居陸川祖穎父驥並鄉薦穎為嘉魚令值夏包子亂力保孤城楚粵兩祀之嶼沉毅有大志才思俊逸為諸生已負盛名雍正丙午以選貢鄉試第二人丁未試禮部下第會粵東請吏即承命以往陸川故鄉鄰粵東嶼周知風土而風裕牧民經濟先後權鎮平歸善二邑事廉能善決獄革歸善高船照費及屯糧溢羨民歌誦之遂見重上官調番禺令番禺會城劇邑嶼堅明約束不一月刁健戢輸納平治海茭沙二司何為盜藪出入剽掠為番舶大患盜魁李士雄多羽翼工偵探蹤跡橫官捕之十年懸千戶爵賞而卒不獲大吏持劄撫無成算制府孔毓珣顧謂嶼曰此不撲滅於成燎原雖然茭沙生靈可憫也嶼進曰公念生靈德莫大焉竊謂劄撫非有亦並用之耳誠假以千兵許便宜當扼要聲剿仍宣德意尅期聽瀚洗其孰不畏死幸生俯首就撫者李士雄雖黠羽翼既失擒之一夫力耳勦不已易何由滋蔓乎因出沿海屯札圖以獻制府審嶼能辦賊即命馬參將統兵千兵聽指揮嶼乘夜密布要害及晨茭沙人始知兵臨欲遁無路大驚聚泣嶼單車馳諭曰所不赦者李士雄一人餘許自新無恐然逾日中不從我者入剽吾不活爾須臾就撫數百人內有積案逋盜二百七十餘又縛送制府附請未減餘悉縱遣之獨士雄先期逸嶼復命曰盜魁雖逸然在掌握中耳乃召已撫者授意使為計旬日忽十餘輩昇一人至

則士雄也且曰士雄多結貧民恐謀奪救故詐為鬪鬪鳴官狀始得
達耳事聞擢廣州府理樞同知撫定八排猺加設汎陰隘攝韶州府
事添炮台兵杜海寇出沒撫數百人上海防圖題達報可香山諸境
以寧賊陳美綸曾合陰結粵東西無賴圖不軌嶼密遣弁至梧潯抵
五屯計擒之獲符劄印信時懼株連者衆案定刑止巨魁二人遷廉
州知府未行調廣州知府善折獄而不事刑威民有前後青天之頌
前謂吳隱之也雍正十二年進惠潮嘉兵備道五載連稔賑不待報
存活者無算乾隆六年海南大飢以嶼善存撫附遂移雷瓊道通輸
平衡石散蜂蟻經理四月食足境安遂遷兩廣都轉監運使司益運
使粵商貧而侈多浮耗逾糧則餉虧繼必追賠不已則商病嶼日籌
抑商通引首革餽遺陋規悉以漏計一十三萬金歸公一無私焉兩
視臬篆一攝糧儲皆以清嚴見稱既以益政宜視遠近難易行勾銷
之法議格不行遂用獲譴譏無實得請復原官嶼既積勞成疾乞
假歸里數年竟不起年五十八子琛瑋並能文琛登丙子賢書通敏
有父風嶼之攝糧儲也使所屬解役自執撫不溢粒米尤禁違例折
色未幾後官以折色事敗遷遣大臣往治追覈二十年積弊惟嶼一
塵無染天子稱其廉會嶼病甚未及召用云

論曰士大夫當官廉靜存心利物賢已莫大於濟變夫廉靜自守臨
事惟據不知所為則一方之害隨之其奚稱守土余觀龐運使之祖
當夏逆構亂以區區嘉魚捍蔽全楚誓眾安民有古睢陽之烈運使

嗣之至不勞聲色而盤錯理其勦撫芟沙雖虞仲升之於朝歌何以
加焉蓋以有用之學世其家而非沾沾一節之士也聖人稱尼言折
獄又曰由也果於從政乎何有諒哉

藝文志二詩賦

龍化江故城懷古

邑歲貢 謝天植

故堞荒烟亂綠苔
兩溪流澗城隈岸
頭薄霧藏文豹
谷口輕風盪劫灰
碑石卧泉新牧地
鷓鴣啼冷舊歌臺
當年龍化歸何處
芳迹而今安在哉

鳳凰山

山勢嵯峨逼上台
五雲飛處鳳凰臺
晴嵐影日苞文現
寒雪投林玉翅開
乍舞虞廷誰可象
載鳴周德不重迴
寧能勝地肖靈質
千古威名起草萊

題鳴石

邑歲貢 李昌祚

山腰留巨石
媧氏補天餘
微叩元音發
悠然悟大初

伏波祠

邑鄉薦 黎可耕

伏波祠控伏波灘
尚有殘碑漢篆丹
嶺右山河歸版籍
交南父老見衣冠
青葱樹色天涯路
淡蕩烟光海外蠻
千古功高在銅柱
不妨惹政與人看

伏波祠懷古

邑署令 劉思誠

森森桐柏鎖寒烟
漢將靈祠水石邊
祠在灘上八桂風雲悲薏苡
五溪淫霧墮飛鳶
功標銅柱誠何愧
名顯雲臺更可傳
千載精魂應慰藉
只今遺廟滿南天

任陸川謁伏波廟

烟鎖重巒石鎖灘將軍曾此駐征鞍靈祠特地栽松護斷碣何人剔
薛看自古威名存漢宇至今禮樂復周官溪毛野菽年年薦好為黎
元祝奠安

題卜夫人墓

邑舉人 謝開先

報夫惟一死節烈至今存黃土空銷骨青山不葬魂石留人識墓世
遠草封整勒石為賢宰褒幽慰九原

吊卜夫人墓

邑令 謝錫侯

居不見夫萬丈荒烟蔓草裏_裏氤氳_{氤氳}悲風起此地下藏節烈身苔
封石閉無人指我聞驚嘆涕如流憑吊徘徊去復止杯土重培標姓
名後來口口從此始陸川香今飛雙鳧荏符竊發紛吳承乘城守

禦率鄉兵棄置針奩執鞭弭援絕孤窮勢難支登樓墜樓貞自矢猶
勝當年斷臂魂稜稜正氣垂彤史乃知宇宙殺身仁形體雖灰神不
死大節獨留卜氏魂故愧為男子寧無恥

題貞烈卜夫人墓

海鹽舉人
記水會 許敏燮 思晦

口口相從官齋靜丰姿清絕奈一霎黃巾煽黨亦眉遣孽隻手揮戈
斜日暗孤城旗隕罡風烈裂草青青染遍杜鵑紅坡前血塵難汚明
如雪色難變堅如鉄天應留認取臣忠婦烈萬丈高原沉素影千秋
信史標殘缺白雲深浩氣展虹霓故前碣

貞烈卜夫人墓題辭

萬丈坡高去天尺一縷寒光出坡脊訴天天泣回散作霞丹沈血碧

吁嗟妻道臣道同可憐婦烈臣死忠三年寒宦勞於役一日孤城代
有終何處妖氛突封豕烽入重閨拔劍起登碑陣灑淚集遺民墜閣
留骸待夫子瓊海茫茫渺故園耶憑螺髻駐魚軒靈旗奠颺千秋恨
星落筆前五丈原

吊卜夫人墓

玉林世叔
臨安人俞成

夫人矢志在城存烽火何當逼縣門陣裏旌旗朝變色樓頭風雨
夜招魂夕陽荒草塚淒涼影古道殘碑斷續痕一死甚難名節重我
來憑吊哭黃昏

題貞烈卜夫人墓

武清令沈守敬同叔

天生夫人女中豪氣節直挾雲霄高挽槍芒掃西南處樓前玉碎輕

鴻毛爾時荏符口方烈健掣鯨鯢寒嚼鉄孤城痛矢無援兵罵賊登
陣刀舐血從此清風萬丈原傷心何處吊貞魂年年寒食澆黃土夜
夜啼鵓泣墓門吁嗟乎夫人身死名不死巾幗鬚眉誰與比柴家娘
子謝家女英聲鼎足垂青史

紀吊卜夫人貞烈

邑署令
胡位鑄鼎元

珠顏玉骨擁暈輿倏警蠻烟入郡隅志薄虞兮徒齒創身甘伯也代
持戈城崩猶著夫人號軍覆先捐娘子軀貞烈坤維留正氣好將巾
幗愧孱夫

貞烈卜夫人墓

邑令
吳以賢

萬丈尋幽仰烈風青青古墓翠連空貞心結就松筠秀俠氣蒸成草

木豐盡節鬚眉誇武績全忠巾幗羨戎功英魂百代標奇勝保障東
西瑞澤濃

吊卜夫人墓

邑令石崇先

雲暗前坡澹夕陽寒凝枯塚烈秋霜兵鋒斂作山河骨血淚分廳草
木香爾日守陴人盡哭千年立傳筆生光一杯黃土今何恨獨立城
南古道旁

俠概崢嶸五嶺奇閨闈正氣感鬚眉高涼城上朝封號金谷樓頭
客賦詩斷碣新添松竹影貞柯果是雪霜姿影蓬三尺埋餘恨劍指
空懸夜雨時

卜夫人守城歌有序

大平寺前玉
林州牧 商 盤 寶意

前明陸川令張子翼夫人卜氏值其外赴省邑中寇起倉猝卜氏親
督鄉勇守禦經時食盡城陷以身殉難藁葬於萬丈坡蔓草殘碑芳
蹟湮沒去冬西蜀石明府來攝邑符請於當軸慨然建祠而俎之盛
舉也千里寓書徵書於僕遂賦此詹詹小言何足闡揚幽隱聊答明
府慇懃而已

昔聞蘄王禦金師梁氏臨陣擊鼓聲又聞周師鎮寧武劉氏登垣率
婦女兩娥氣概何堂堂誰與繼者垂芬芳妻佐其夫臣報主能將隻
手扶綱常陸陽勝國遭兵燹蟻擁蜂屯知不免赴省難邀縣令歸守
陴悉聽夫人遣黑雲四合城欲傾孤軍力盡無援兵受圍已失揚旗

勢投閣俄聞碎玉聲烈婦捐生羣賊去夫人錦繡隨朝露鬱鬱深深
萬丈坡云是當年埋骨處忠驅義感起風雷一代朱顏事可哀蛾眉
偉畧有如此肩蟒腰犀真愧哉賢侯弔古褒奇節代舞葩永無絕貞
魂毅魄招不還杜涓鵲滴盡班班血

卜夫人守城歌有序

邑署令 劉思誠純夫

卜夫人為明季陸川令張君子翼之夫人也時張君赴省流寇圍城
夫人率壯丁狼目百計禦之迨援絕食盡力不能支乃墜樓而死一
時之守陴兵目亦無有降賊者豈非夫人之大義克明忠貞節烈有以
感召之乎洵巾幗完人古今所僅見者余攝篆斯土仰厥徽芳爰葺
其墓亭為長歌以紀之時乾隆二十六年

冰署危樓拔地起湘簾不捲東風裏合平賢宰坐焚香靜好琴聲助
彼美三事勞人事遠征妖氛四野薄孤城指揮不藉將軍力擔守惟
聞娘子兵賊勢披狂援不至折骸易子無携貳夫人此際篤忠貞義
勇真能感異類潰固不見一人降曰狼曰獍死堂堂短兵須臾猶巷
戰何啻當年破睢陽夫人勢迫上危樓極目烽烟接素秋遠望空悲
天咫尺淚相枯背裂瞳雙眸兵戈洶湧聲漸高成仁取義豈鴻毛賊
逞狂風一何猛罵賊嚙舌舌如刀墜樓一死重千鈞丹心碧血愧人
臣鬚眉中憫空顏汗望風稽首安足論夫人此心猶未已恨不完城
報天子臣忠婦烈一身兼遑計芳名播青史天留貞骨風塵後萬丈
坡前秋復春蔓草荒烟斷碣石生氣化作古松筠我來憑弔溯遺踪

高低四面青芙蓉勝國河山餘片土千載一杯馬鬣封百尺城高雉
堞新樓臺故址點青燐碑墓松蘿豈流千古月照樓頭節義人

卜夫人墓碑有松竹痕

劉思誠

天地陰森萬丈原追尋往事弔貞魂孤城誓守寒吹角高閣捐軀夜
撒藩碧血當年心未盡殘碑今日志猶存松枝竹節如生氣不是尋
常列蝕痕

題卜夫人墓

龐琛

流氓猖狂日夫人義薄雲孤城臨萬騎一節當三軍無地堪容妾有
天可對居至今留碧血烈氣掃妖氛

題卜夫人墓

邑恩貢 李 崔宏瞻

紅巾四突角聲悠急難誰知握上籌夫壻既無憑寶駒妾身還有綠
珠樓能將婦節成臣節不為身謀破賊謀若問當年貞烈事碑間松
竹照清愁

題黎孝子伯寬廬墓

李秀芳西成

戴履深恩未易還遙聞大孝一潸然居官兩度人間有廬墓三秋居
獨傳哀入黃雲千日永淚浮青塚至今鮮誰知我亦傷心者羞向坟
塋誦故篇

石湖晴雪

雨霽山開一望空石湖映日轉玲瓏不須六出奇花現一派河山水

鑑中

鳴石開天

層巒絕巘半西山鳴石風封日自閒屬報登高人莫擊一鳴都恐震寰間

東山飛瀑

高山遠水望依稀石壁寒流入翠微噴薄無殊霏玉屑奔騰却似白雲飛

靈泉應午

石竅玲瓏吐玉珠會同陽煦佐康衢何須萱萼徵奇信靈異知含造化樞

伏波灘聲

中流擊楫獨躊躇洶湧波濤吼碧虛鉦鼓鏗鏗來夜月猶疑漢將下蠻墟

勸農即事

沿溪一帶盡農家水有良苗陸有瓜菹舍編籬修竹補青山作障綠雲遮平疇翠疊千層浪原野聲聞兩部哇耕鑿原來忘帝力無勞携酒問桑麻

貞烈卜夫人墓碣賦有序

龐琛

邑侯石公下車之始延宿碩之儒召博雅之士訪山川之勝採忠孝之遺客有以卜夫人對者石公欣然偕謁瞻拜之餘隱見碑間宛然有文匪苔匪蘚燦如著色有竹二株龍種班剝湘淚瑩凝其端倉松偃蹇勢若天降參差披拂光來耀日石公嘆曰嗟呼夫人以婦節兼臣道貞烈之氣上貫日星物既應之天亦感焉命予為之賦予曰琛孤陋寡聞未足彰夫人之烈惟使君命不敢辭敬以得之傳聞者而捨陳之爰濡筆操觚再拜而為之賦曰

維瓊南之特峙實中華之奇甸接芳壺之靈長作神州之後殿繫地紀兮巨鰲之首支天維兮五福之巔祝融秉令朱明司天元氣輪因哲人生焉爰有邱海羽翼上國操禹書佐皇極批逆鱗敢陳力迴狂瀾於東倒挽白日之西匿志士壯氣王臣生氣何其盛也粵稽夫人實鍾其地際其時英姿雅度粉黛鬚眉巾幘不能抑其氣閨闔不能掩其奇惟茲淑作配於張偉哉張侯受命陸陽琴揚氏歡歌樂未央爾乃喜捧杖士之檄星聚術文之場嘆王事之賢勞乃馳驅而不遑尉佐逍遙於無事夫人雅鎮以禮防野無戒備歲觸櫓槍何期玉席之地變化戎馬之鄉羅紅巾兮猖狂馳白羽兮告急雷動風旋霞散霧翕常山成重圍合殺氣盈雉堞呼聲震繡閣夫人乃撤簾薄步前除踐文履曳錦襦聽墀聲之從容感霧縠之紆徐姬妾為從保護傳元驅竦鶴立而未安凝秋眸而踟躕覩萑符之蜂起胸成竹而神紓

九
虞孤城之不競懼虐及無辜倏然震怒忽然改容蛾眉倒豎俠氣橫
空解環佩而衣甲冑離香閣而賦即戎攘皓臂以揮戈約纖腰而闕
弓竦輕軀於馬上揚玉貌於軍中昂若騫鴻矯若游龍先士卒而登
城決死戰以揚幟備監鼓勇疲殘誓死揮淚奮呼拔刀砍地舉戈指
賊虎兕喪氣風颯颯而霜凜聲轟轟而電駛群盜辟易莫敢仰視既
而城薄力微為敵所窺揭竿之勢復熾羅雀之炊無資守衛雖嚴軍
威靡靡五雉一兵十雉一矢汲者負尸饑者易子恨賀蘭之不援無
南八之斷指若乃闔門不假象力城隍圯若山頽釀成破竹之勢迫
同覆巢之危於是棄長兵接短刃摩肩巷戰瞋目衝陣漂血濺羅襪
流矢集雲鬢力疲兮歸水暑勢迫兮登危樓責育至此氣喪良平當
之失籌指天啣天賊慷慨就義罵斷常山之舌怒裂睢陽之背寧甘
鐵絃之獲猶恥開封之臂標名節兮壁完墜層雲兮玉碎乃楊業之
公忠豈錄珠之私誓浩浩乎被髮而對帝后跣足而入星辰碧血飛
雲閣貞骸表古今

榕江堡謝仙山

阮調元

定州居粵西南徼其間多奇峯峻嶺我陸地處最高諸峯羅列不可屈指數而謝仙障在邑城東尤高出羣山之上平地突兀而起壁立參天橫亘十數里春夏霧氣籠罩半在雲霄遙望若列屏閣黑森嚴如摩詰淡畫一幅韓文公登大華詩云祇有天在上更無山與齊於此障彷彿遇之考廣事類賦註此山乃謝真人得道之處因此名山夫山不在高有仙則名况其高不攀者乎予重時常偕友登山遊覽望之橫列三峯形如行空天馬西峯為馬尼較之眾山已覺聳立最高者為中峯到此眼界放開北而玉林南而高涼各屬山川景物悉在目前頂有石鼓擊之響若銅鐘其東峯土名馬頭上有石桌一左右有石橙恍似仙人對坐觀棋情形山頂中間蜿蜒數峯峯之北有石印一顆形如督撫關防下有小石撐住勢幾欲裂而數千年如故非仙靈阿護不至此其峯之南拓開嶺窩可容萬軍背北面南兩沙交互儼然天造地設別開境界一望平坦幽雅山頂儼如平原中有池塘一口相傳為仙人塘塘面有二井泉止湧出雖冬春水涸其泉之流混混不少減也其餘絕崖巖洞怪石奇形路徑崎嶇人跡罕到雖以悉數咸豐間賊風四起環山而居者不知幾千家悉登此山避賊露宿風吹卒無一人染病者賊亦不敢至此山窺伺足徵仙境之地仙靈之所式護保護而安全之盜賊疾病俱可無虞也今予解組歸來十餘年矣與鄉老談及仙靈咸思奉祀以報答之僉議

於仙人塘面建屋數楹中塑觀音大士神像左右安設 謝真人並
 寒山神位約計建宇之費香油之租必須數百緡但千金之裘非一
 狐所能集萬間之厦非一木所能支尚望士人君子慨然樂助多多
 益善俾得早竣厥事庶有以妥 仙靈而培田也夫

所有捐題芳名仍當泐石以垂不朽
 光緒二十一年二月初三日此仙查謝仙嶂謝真人得道真人名志
 嘉唐時人

